

श्रीचन्द्रग्रन्थमाला—१

ओ३म्-तत्सत् ।

नेपालभाषा-व्याकरण ।

लेखक तथा प्रकाशक :—

अखिल भारत वर्षीय हिन्दू महासभा दिल्लीया महोपदेशक,
प्रयाग-लखनऊ आदि हाईस्कूल तथा संस्कृतविद्या-
लयया भूतपूर्व हेडपण्डित (प्रधानाध्यापक)

ब्रह्मर्षि श्रीमदनमोहन मालवीयजीकृत

‘हिन्दूधर्मोपदेश’या अनुवादक, तथा

अन्यान्य अनेकग्रन्थया प्रणेता,

श्रीराजदेवज्ञ माधवराज

जोशीया आत्मज—

ब्रह्मचारी शुक्रराजशास्त्री विद्याभूषण,

विद्याव्रतस्नातक महाविद्यालय गुरुकुल

सिकन्दराबाद ।

प्रथमवार ।

सर्वाधिकार

सुरक्षित ।

नेपाल सम्बत्—

१०४८,

विजया दशमी ।

मूल्य करं० १)

सजिल्द „ १॥)

डाकमहसूल अलग



राजर्षि श्रीमहाराज चन्द्रशेखर जंग बहादुर राणा, नेपाल ।

धन्यवाद ।

—*—

नेपाले चन्द्रधारा, चन्द्रज्योति, चन्द्रटेलीफोन, त्रिभुवन-चन्द्रकालिज, त्रिभुवनचन्द्र मिलिटरी अस्पताल तथा रेल स्थापित याना नेपाल नगरयात उज्ज्वल याःह्य जुजुयात सुनौ मस्यु ? नेपालवासी सकल प्रजापिन्त उपकार याःह्य भी जुजुयात थुह्य स्वः धका क्यनेगु ला सुद्योयात न्हिने अंगुली निर्देश याना क्यनेथे जुल ।

गुह्यसेँ याना आपालेँ व्यसन मिटे जुया वन, गुह्यसेँ याना थौं कन्हे सकल दाजुकिजापोँ विद्याभ्यास तथा धनोपार्जन याय्गुली जक लगे जुयाच्वन, गुह्य महाराजया शासनकाले थ्व नेपाल भाषा-व्याकरणया श्रीगणेश जुल, उजाह्य महाराजयात जिँ अनेक हार्दिक धन्यवाद चढे यानागु दु ।

थुजाह्य देशहितैषी श्रीमान् श्रीमहाराज चन्द्रशंशेर जंग बहादुर राणा, जी० सी० बी० आदि अनेक पदवीँ शोभित जुयाच्योँह्य जुजुया गुणकोर्त्तन भीसेँ निष्कामना पूर्वक (अर्थात् स्वार्थ सिद्ध याय्गु बिचा मयास्य) याना राजभक्ति याय्माः धका सकल दाजुकिजापिन्त विन्ती याईह्यः—

महाराजया छह्य अनन्य भक्त—

शुक्रराज शास्त्री ।

। आभार

नमो भगवते वासुदेवाय । श्रीगुरुभ्यो नमः ।
 सर्वे भूतानि भगवन् प्रणम्य । तस्यैव नमः ।
 तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।

तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।

तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।
 तस्यैव नमः । तस्यैव नमः । तस्यैव नमः ।

— तस्यैव नमः । तस्यैव नमः । तस्यैव नमः ।

— तस्यैव नमः । तस्यैव नमः । तस्यैव नमः ।

। तस्यैव नमः । तस्यैव नमः । तस्यैव नमः ।



माँ !

माँयागु गुण संसारे सुनोँ मस्यू ? कुपुत्र उत्पन्न जुईगु सम्भव दु,
 किन्तु कुमाता गनँ नँ खने मरु, अतएव विद्वान्पिसँ ठीक धयातल :—

“कुपुत्रो जायेत कचिदपि कुमाता न भवति ।”

छिँ अनेक कष्ट सह याना जिमित पालनपोषण याना दिल,
 छिगु थव गुण ल्होँ टे नकीनँ कियातःथँ जिमिगु नुगले अङ्कित जुया-
 च्चोँ गु दु, थव गुणया प्रत्युपकार जिमिसँ गुबलेँ याय् फई मखु,
 मातृचरणँ गुबलेँ हे मोचन जुई मखु धका विद्वान्पिसँ नँ धयातल ।
 छित अर्पण याय् योग्यगु पदार्थ नँ जिमिके छुँ मरु । छि आदि गुरु
 तथा संसारे गुरुमध्ये दकया बेसीँ थकालिह, मानेयाय्माःह
 गुरु छि हे जुयाचवन । ऋषि मुनितसेँ नँ “नास्ति मातृसमो गुरुः”
 धका धर्मशास्त्रे धया तल, उकिया नीतिँ :—

“त्वदीयं वस्तु गोविन्द ! तुभ्यमेव समर्पये ।”

भगवान् कृष्णया थव वचन स्मरण याना छिगु मुले चवना म्हिदु
 म्हिदुँ सीका कयागु थव मातृभाषा—नेपालभाषा—व्याकरणरूप
 चुच्छ उपहार छिगु छित हे श्रद्धामक्तिपूर्वक समर्पण यानागु दु ।

छिह आज्ञाकारी स्नेही पुत्र :—

शुक्र ।



— ❁ ❁ ❁ —

ग्रन्थकार ।

। आचार्यशास्त्र

— * * * —

आचार्य शास्त्रात् आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः

। आचार्यः आचार्यः आचार्यः (१)

। आचार्यः आचार्यः आचार्यः (२)

। आचार्यः आचार्यः आचार्यः (३)

। आचार्यः आचार्यः आचार्यः (४)

आचार्यः आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः

आचार्यः आचार्यः आचार्यः आचार्यः आचार्यः आचार्यः
आचार्यः आचार्यः आचार्यः आचार्यः आचार्यः आचार्यः

आचार्यः आचार्यः आचार्यः

। आचार्यः



ब्रह्मचारी शुक्रराज शास्त्री विद्याभूषण ।

व्याकरणा

भूमिका ।

आर्यभाषाया महत्त्व तथा नेपालभाषा-व्याकरण
रचनाया प्रयोजन ।

गुबले सम्म संसारे गुगु २ देशे एक भाषा, एक लिपि, एक मेष तथा एक धर्म जुई मखु उबले सम्म उगु २ देशया उन्नति तथा राष्ट्रमुधार गुबले जुई मखु । न्हापा न्हापाँ ध्व आर्यावर्त-देशे आर्यभाषा, आर्यलिपि, आर्यमेष तथा आर्यधर्म जुया नीतिँ ध्व आर्यावर्तदेश सकल देशया शिरोमणि जुल, थौँ कन्हे अनेक धर्म, अनेक भाषा, अनेक लिपि तथा आपालँ मेष बढे जुया च्छोँया नीतिँ वहे उन्नत शिरोमणि जुया च्छोँगु आर्यावर्त देश पददलित जुया दकसियोँ के ध्यना च्वन ।

थौँ कन्हे एकधर्म एक भाषाया नियम गुरूपवासीतसेँ व्यवहार याना च्छोँया नीतिँ अमेरिका, इङ्गलैण्ड, जर्मन, फ्रांस तथा रूस देशे दकमनँ उन्नति जुयाच्वन । अतएव सकल आर्यावर्त देश-वासीपिसँ नँ ध्वहे आर्यधर्म (अर्थात् श्रुतिस्मृति पुराण प्रतिष्ठादित

सनातन धर्म) आर्यम्
हाकनं व्यवहार याय्माल ।

तथा आर्यभेषया नियम

संस्कृत भाषा धयागु देववाणी अथवा देवभाषायात धाई, योपिन्त हे आर्य धका नां छुनातल । न्हापाँ नसेँ थव संस्कृत भाषाया हे नां आर्यभाषा जुयाचवन, थव आर्ययोपिसेँ संस्कृत भाषा प्राकृत-भाषा अथवा हिन्दी-आर्यभाषा खँहाय्तः अःपुक्केनीतिँ दय्कल, थव न्यिगु भाषाया आधार संस्कृत हे जुयाचवन, थव न्यिगु भाषाय् बच्छिँ मयाक संस्कृत शब्द मिले जुयाचवन । थौँ कन्हे प्राकृत भाषाया नँ व्यवहार आपा मजुल, आ ला हिन्दी आर्यभाषाया जक दकमनँ प्रचार जुयाचवन ।

वर्तमान समये प्रचलित भाषा मध्ये थव हिन्दी आर्यभाषाथेँ चवये अःपुगु, खँहाय् अःपुगु तथा सीक्ये अःपुगु मेगु छुँ भाषा व आसः महु, अतएव सकल ततःहँ पीँ विद्वान् हिन्दू नेतातसेँ थव हे हिन्दी आर्यभाषायात थव आर्यावर्त्त देशया राष्ट्रभाषा धका स्वीकार याय् धुकल । उकिया नीतिँ म्ही नेपालीतसेँ नँ थव हे आर्यभाषाया उन्नति व प्रचार याय्माल, तथापि गथे महाराष्ट्र भाषा तथा बङ्गाली भाषा आदि प्रान्तीय भाषाया उन्नति जुयाचवन उगु प्रकारँ नेपाल देशभाषाया नँ बिलकुल लोप याय् मज्यू, छाय् धाःसा थःथःगु प्रान्तीय भाषा थःथःगु प्रान्ते शिक्षा प्रचार याय् अःपुया नीतिँ थव प्रान्तीय नेपाल भाषाया नँ उन्नति यथासाध्य जुई माः । थव हे विचार नुगले तथा थव नेपाल भाषाया व्याकरण देक्येतः उत्सुक (तय्यार) जुया ।

ग

नेपाल भाषा-व्याकरणया आधार ।

गथे प्राकृत भाषा तथा हिन्दी आर्यभाषा आदिया मुख्य आधार संस्कृत जुयाचवन, उगु प्रकारँ हे थव नेपाल भाषाया नँ मुख्य आधार व नियम संस्कृत भाषा हे याय् माः, सकल भाषाया माँ संस्कृत वाणी हे खः धका सकल देशया विद्वानपिसँ स्वीकार याना तल, अतएव थव नेपाल भाषायात अधिक उन्नत, अधिक उज्ज्वल, अधिक भूषित तथा अधिक नियमित याय्तः यथाशक्ति यत्न यानागु दु ।

थव नेपाल भाषाया संस्कृत भाषा आधार याय् माःगु मेगु छुँ कारण जुल धाःसा वेद-दर्शन आदि शास्त्र माने याःपीँ सनातन धर्मी तथा बुद्ध धर्मीपनिगु सकल प्राचीन शास्त्र संस्कृत तथा प्राकृत भाषाय् जक जुयाचवन, प्राकृत भाषा ला प्रायः संस्कृत भाषाया द्वितीय स्वरूप थेँ जक भेद जुयाचवन । थव नेपाल भाषा-व्याकरण उभयधर्मीपनि प्राचीन शास्त्रे याकनँ प्रवेश जुई धका जित आपालँ आशा दु ।

थव नेपाल भाषाया व्याकरण वने धुँका लिपा संस्कृत अंग्रेजी आदि २ व्याकरण वन धाःसा उगु २ व्याकरणे नँ सरल रीतिँ प्रवेश जुई, बहे नियमँ थव नेपालभाषा व्याकरण तयार याय्-त्यना धका सकल नेपाली दाजु-किजापिस सीका दिसँ ।

थव नेपाल भाषा-व्याकरण देक्येतः महर्षि पाणिनिकृत अष्टाध्यायी व्याकरणया विशेष सहायता कया महर्षिकृत नियमया हे विशेष प्रकारँ आधार याना तथा बियागु दु, किन्तु निम्नलिखित

मिन्न २ अनेक नवीन विद्वान्पिसँ देकातःगु अनेक व्याकरण
स्वया थव नेपाल भाषा—व्याकरण शास्त्रयात उन्नत तथा उज्ज्वल
नँ याना बियागु दुः—

- (१) श्री भट्टोजिदीक्षित कृत सिद्धान्त कौमुदी ।
- (२) श्री वरदराजकृत लघुकौमुदी ।
- (३) नेस्फील्ड कृत (Nesfield) नेस्फील्ड ग्रामर
(Nesfield grammar)
- (४) मेनुएल ग्रामर । (Manual grammar)
- (५) जि० थोबोक्रुत (G. Thibaut) संस्कृत इलेमेंटरी ग्रामर
(Sanskrit elementary grammar.)
- (६) श्री ईश्वरचन्द्र विद्यासागर कृत संस्कृत हिन्दी व्याकरण ।
- (७) श्री राखालदास विद्यारत्न कृत संस्कृत कम्पोजिशन ।
- (८) 'स्वतन्त्र' अखबारया सम्पादक श्री पं० अम्बिकाप्रसाद
वाजपेयी कृत हिन्दी कौमुदी ।
- (९) श्रीमान् राजगुरु विद्वच्छिरोमणि पं० हेमराजजी कृत
गोर्खा व्याकरण ।
- (१०) श्रीमान् आचार्य दीक्षित पं० राममणिजी सुब्बा
गोर्खासमितिया प्रधानाध्यक्ष कृत नेपाली
गोर्खा साहित्य आदि ।
- (११) तथा अन्यान्य अनेक ग्रन्थकार कृत संस्कृत, अंग्रेजी,
हिन्दी, आदि २ व्याकरण ।

नेपाल भाषा—व्याकरणया प्रवृत्ति अर्थात् क्रम—नियम ।

थव नेपाल भाषा व्याकरण शास्त्रया प्रवृत्ति (क्रम-नियम)
स्वंगु प्रकारया दु, व स्वंगु प्रकार क्रमपूर्वक उद्देश, लक्षण तथा
परीक्षा जुयाचवन ।

न्हापौं उद्देश विषय जुई, लिपा उद्दिष्टया (उद्देश याना
तःगुया) लक्षण जुई, वया लिपा जक लक्षितया (लक्षण याना
तःगुया) ठीक २ लक्षण जुल अथवा मजुल थवया परीक्षा जुई ।
परीक्षा धयागु (परितः ईक्षा-परीक्षा) अर्थात् प्यख्ये पाखे नँ ठीक
२ आलोचना याना निर्णय यायगुयात परीक्षा धाई ।

उद्देश धयागु 'थव थुलि पदार्थ दु धका' नाम निर्देशपूर्वक
गन्ति याना स्वरूप धायगु, यथा :—प्रथम उद्देश विषये (२)
थुगु पृष्ठे—“वर्ण विचार, शब्दविचार, वाक्यविन्यास विचार तथा
छन्द विचार” थव प्यंगु पदार्थ विषयया अलग २ नाम निर्देश
पूर्वक स्वरूप धया तःगु उद्देश जुल ।

आ थव प्यंगु वर्णविचार आदिया भेद उपभेद पूर्वक क्रमशः
लक्षण जुई । लक्षणया लिपा लक्षण याना तःगुया परीक्षा जुई ।
यथा :—‘शब्दविचार’ थव उद्देश जुल । न्हायपनँ ताय्दईगुयात
शब्द धाई, थव शब्दया लक्षण जुल । संज्ञावाचक, सर्वनामवाचक,
गुणवाचक, क्रियावाचक तथा अव्यय वाचक थव शब्दमात्रया भेद
जुल । ‘जातिवाचक-व्यक्तिवाचक-समूहवाचक-द्रव्यवाचक तथा
भाववाचक’ थव संज्ञावाचकशब्दया उपभेद जुल । थवया लिपा
‘रूढि, यौगिक, योगरूढि’ तथा लिङ्ग-संख्याकारक आदि संज्ञावाचक

शब्दया विषये परीक्षा जुल । एवं शब्द विषये संज्ञावाचक शब्दया लिपा सर्वनामवाचक, गुणवाचक, क्रियावाचक तथा अव्यय वाचक शब्दया क्रमपूर्वक उद्देश, लक्षण व परीक्षा जुई । थुगु प्रकारं थ्व नेपालभाषा—व्याकरण शास्त्रे स्वंगु प्रकारया प्रवृत्ति क्रम दक भनँ लुमंका तयेमाल । थ्व स्वंगु क्रम हे थ्व व्याकरण शास्त्रे व्याख्यान जुई ।

नेपाल भाषा—व्याकरणाया मुख्य २ नियम ।

(१) थ्व व्याकरणे अनुस्वार (ँ) व अनुनासिक अर्थात् (ँ) चन्द्रविन्दुया आपालँ व्यवहार जू, अनुस्वारया उच्चारण प्रायः हलन्त नकार व हलन्त मकार समान जुई, यथा—‘कंस—हंस’ आदि हलन्त नकार समान तथा “एवं-देव” आदि संस्कृत शब्दे हलन्त मकार समान उच्चारण जुई, किन्तु अनुनासिक (ँ) वर्ण म्हुटु व न्हासँ उच्चारण जुई, यथा—‘आपालँ-हानँ’ इत्यादि । थ्व नेपाल भाषा व्याकरणे अनुस्वारया बेसी अनुनासिकया (ँ) प्रयोग आपालँ अनेक स्थाने व्यवहार जू, थ्व अनुस्वार व अनुनासिकया भेद सीका प्रयोग याय्माः । ‘आपालँ—हानँ’ थथे शुद्ध उच्चारण याय् माःगु शब्दे ‘आपालँ—हानँ’ थथे उच्चारण याय् मज्यू ।

(२) ‘व—व’ या नँ भेद सीक्ये माल, ‘व’ केवल म्हुटुसी उच्चारण जुई, ‘व’ म्हुटुसी व वौ उच्चारण जुई । नेपाले प्रायः ‘व’ प्रयोग याय् बले के विन्दु तथा ‘व’ थुगु प्रकारं च्वई, किन्तु ‘व’ वरुं विन्दु तथा च्वयेगु गनँ देशे व्यवहार मज्यू, ‘व’ प्वा फत्था,

‘व’ प्वा मफास्थ चलन याय् माः । ‘ड—ढ’ थ्व न्यिग आखले जक ‘बिगाडना पढना’ आदि शब्दे के विन्दु तयेगु दकभनँ चलन जुयाच्वन ।

(३) ‘काय्—म्हाय्’ आदि संज्ञा शब्द तथा ‘घाय्-स्याय्-चाय्’ आदि क्रिया शब्दया प्रयोग हलन्त यकार युक्त याय् माः, ‘काय्-म्हाय्’ या ‘काये-म्हाये’ तथा ‘घाय्-स्याय्’ या ‘घाये-स्याये’ च्वेगु व उच्चारण याय् गु सिवाय वक्तमानया प्रथम पुरुषे तोता मेमेथाय् ठीक मज्, बाँ नँ मला, किन्तु क्रियावाचक ‘घाये-स्याये’ शब्द कृदन्त कर्मवाचक शब्द ‘गु’ प्रत्यय याना सिद्ध जुई बले ‘घायेगु-घाय्गु तथा स्यायेगु-स्याय्गु’ थ्व न्यिगु शब्द नँ शुद्ध खः । व्यवहार नँ जुयाच्वन । थुगु नियम (९७-१-आ) स्वयादिसँ ।

(४) एवं स्वर व्यञ्जन वर्णे स्वरवर्णया ह्रस्व दीर्घ प्रयोग तथा व्यञ्जन वर्णया टवर्ग व तवर्ग प्रयोग नँ शुद्ध २ याय् माः । प्रायः पत्रवाचक ‘चिठो’ शब्दया प्रयोग ‘चीथो’ अथवा ‘चिथी’ याना च्वन, ‘ट-ठ’ वर्णया थासे ‘त-थ’ तथा ‘त-थ’ वर्णया थासे ‘ट-ठ’ वर्णया आपालँ व्यवहार जुयाच्वन, च्वयेगु व उच्चारण याय् गलो छुँ हे भेद मदया च्वन, किन्तु थ्व ठीक मज्, शुद्ध २ च्वयेमाः तथा उच्चारण याय् माः ।

प्रायः नेपाल भाषामापी तसेँ दन्त्य अक्षरया जक, व्यवहार यानाच्वन, ‘तुटि-मुटि-कठि’ या थासे ‘तुति-मुति-कथि’ थथे व्यवहार याना तल; थुगु प्रकारं दन्त्य उच्चारण याय् बाँ मला, ‘मूढ’ न्यया याय् माः ।

हानें 'मनुष्य-ऋषि' आदि शब्दे मूर्द्धन्य (म्येँ चाट्वीका उच्चारण याय् माः गु) 'प' वर्णया थासे 'मनुष्य-ऋषि' थुगु प्रकारँ अशुद्ध व्यवहार याना तल, थ्व चलन नँ अनुचित हे जुयाच्वन । ऋषि मुनितेगु हे आर्ष चलन याय् माः, अर्थात् दन्त्य स्थाने दन्त्य तथा मूर्द्धन्यया स्थाने मूर्द्धन्यया हे व्यवहार याय् माः । 'ऋषि' आदि शब्दया 'ऋषि' आदि उच्चारण याय् गु नियम जूसा मूर्द्धन्य 'प' व्यर्थ ठहरे जुयावनी ।

थुगु प्रकारँ शिक्षा-रक्षा' थुजागु शब्दया थासे 'शिक्षा-रक्षा' थथे अशुद्ध उच्चारण याय् मज्यू, शुद्ध २ स्पष्ट उच्चारण मचाबले नसेँ याय् माः तथा याक्येमाः ।

(५) यल, यँ, ख्वप थ्व स्वंगु स्थान भेदँ अनेक शब्दया भिन्न २ उच्चारण जुयाच्वन, थ्व हे कारणँ थ्व नेपाल भाषाया व्याकरण दय्क्वतः आपालेँ कठिन जुल, थ्व स्वंगु देशया भाषा मध्ये गुगु भाषाया मुख्य व्यवहार याय् माल ? थ्व हे कठिन प्रश्न उपस्थित जुल, यथा :—

द्वि संख्यावाचक शब्दया येँ व यले 'न्यिगु' थथे उच्चारण जुयाच्वन, किन्तु ख्वपे 'डिगु' थथे व्यवहार जुयाच्वन, येँ-यले 'न्याना' थथे पञ्च संख्यावाचकया उच्चारण जुयाच्वन, किन्तु ख्वपे 'डाना' थथे व्यवहार जुयाच्वन । एवं 'जुया-न्याना' थ्व प्रचलित क्रियाया न्हापा 'जुयावो-न्यानावो' जुयाच्वन ।

विद्यमान वाचक क्रियाया 'दु' उच्चारण येँ व यले जुयाच्वन, किन्तु ख्वपे 'दः' थथे व्यवहार जुयाच्वन । आ गुगु देशे व्यवहार

जुया च्वेँ गु शब्दया नियम याय् माल ? यँ यागु याय् माल कि यलयागु ? अथवा ख्वपयागु ?

थ्व हे कठिन प्रश्न उपस्थित जुल । आखिरे जिँ छु बिचा याना धाःसा येँ व यले उच्चारण भेद प्रायः समान रूपँ हे जुयाच्वन, किन्तु ख्वपे जक प्रायः उच्चारण भेद जुयाच्वन, ख्वप देशया उच्चारण भेदया व्यवहार प्रायः थौं कन्हे शिक्षित समाज मजुल, एकिया नीतिँ 'डिगु-डिग' आदिया थासे 'न्यिगु-न्यिग' तथा 'दः' आदि क्रियाया थासे 'दु' आदि शब्दया नियम याना बिया ।

तथा 'अपीँ'—धाःसाँ 'या' थासे क्रमपूर्वक 'इपीँ-धाःसाँ' 'जुलसाँ'या थासे 'जूसाँ-अथवा' आदि प्रसिद्ध प्रचलित शब्दया प्रयोग यानागु दु । एवं मेमेगु गुगु २ शब्दया उच्चारण छुट्या गुगु २ थासेँ जुई माः गु खः उगु २ शब्द स्वरूपया विचारपूर्वक कल्पना याना तथा बियागु दु ।

(६) संज्ञावाचक शब्द नापँ प्रत्येक कारक विभक्ति (प्रत्यय चिन्ह) नाप नापँ मिले याय् माः, अलग २ तये मज्यू । गुगु चिन्ह वया संज्ञावाचक छगु शब्दया अनेक अर्थ प्रतीति जुई वेत कारक विभक्ति अथवा कारक प्रत्यय धाई, यथा :—

रामँ । रामयात । रामँ । रामयात ।

रामयाके । रामया । रामयाके ।

थुलि न्हेगु भेद छगु राम शब्दया जुल, थ्व न्हेगु भेदे अनुनासिक (ँ) तथा 'यात' आदि कारक विभक्ति जुयाच्वन, थुजागु कारक विभक्ति 'राम' आदि शब्द नापँ मिले याना व्यव-

हार याय् माः, संस्कृत आदि व्याकरणे नँ थुजागु हे नियम जुयाच्वन । केवल अनुनासिक (ँ) तथा 'यान' आदि कारक-प्रत्ययया स्वतः छुँ अर्थ मरु, किन्तु गुबले थुजागु कारक प्रत्यय राम आदि संज्ञावाचक शब्द नापँ मिले जुई अले जक उमिगु भिन्न २ अर्थ प्रतीति जुई । रामशब्दया कर्मकारक 'रामयात' थथे मिले याय् माः, 'राम यात' थुगु प्रकारँ अलग २ व्यवहार याय् मज्यू ।

थथे हे संज्ञावाचक—क्रियावाचक आदि शब्दे नँ छगु २ शब्दे गुलि आखः दु नाप नापँ मिले याय् माः, यथा :—

'राम' थथे मिले याय् माः, 'रा म' थथे मज्यू । 'वने' थथे मिले याय् माः । 'व ने' थथे अलग २ चव्य मज्यू । (१२३—३) थुगु नियम स्वया दिसँ ।

नेपालभाषाय् प्रायः ह्रस्व अक्षर दीर्घ उच्चारण जुयाच्वन, यथा—'याना तःगु-चवया तःगु' यदि 'त' वर्णे 'आ' संयोग याना बिल धाःसा बाँ मला; उकिया नीतिँ थुजागु दीर्घ उच्चारण याय् माःगु शब्दे तथा 'धाः—माः' आदि दीर्घ अक्षरे नँ अधिक दीर्घ उच्चारण याय् तः विसर्गान्त याना बिया, विसर्गयुक्त जुई बले दीर्घ उच्चारण जुई । छाय् धाःसा वर्तमान कालया क्रिया 'धाः—याः' तथा आज्ञा क्रिया 'धा—या' शब्दे आपालँ भेद जुयाच्वन ।

तत्सम-तद्भव आदि शब्दया प्रयोग ।

संस्कृतभाषा तोता संसारे दक भाषा मध्ये प्रायः सकल भाषाय् तत्सम तथा तद्भव शब्द दयाच्वन, संस्कृतभाषा जक उजागु जुया

च्वन गुगुली तत्सम तथा तद्भव शब्द खने हे मरु । ध्व हे कारणँ संस्कृतभाषा अति प्राचीन तथा सकलभाषाया आदिकारण सिद्ध जुयाच्वन ।

'तत्सम' धयागु उगु २ देशभाषाया शब्द मेमेगु भाषाय् समान-रूपँ व्यवहार जुया च्वोँ गुयात धाई, तथा 'तद्भव' धयागु उगु २ देशभाषाया शब्दँ प्याहाँ वोगु शब्दयात धाई ।

थुजागु शब्दया पृथक् व्याख्यान याय् गु विशेष आवश्यकता मरुगुया नीतिँ ध्व व्याकरणे पृथक् व्याख्यान मयाना । थुजागु शब्दे क्लिष्ट कल्पना याना भिन्न २ नियम रचना याय् माःगु कारण नँ मरु । अन्यान्य शब्दे थें थुजागु शब्दे नँ सकल नियमया व्यवहार कारक आदि विषये समान रूपँ जुई ।

प्रायः अनेक व्याकरणकारतसेँ थुजागु शब्दया नँ आपालँ व्याख्यान याना ग्रन्थयात अतिविस्तृत याना तल । ग्रन्थ आपा तःहँ जुईगु नँ छगु प्रकारया दोष हे जुयाच्वन, व्वनीपीँ नँ तानुया वोँ । अतएव ग्रन्थविस्तरमय जुईगु कारणँ थुजागु शब्दया भिन्न व्याख्यान मयाना ।

जि मचाँ नसेँ परदेशे वना संस्कृत-हिन्दी-अंग्रेजी जक परि-श्रम याना च्वना, ध्व नेपालभाषाँ खँ लहाय्गु व चव्यगु व्यवहार मजूया नीतिँ ध्व नेपालभाषा व्याकरणे तःथाय् मछि व्यावहारिक शब्दया अशुद्ध प्रयोग जुईगु संभव दई । ध्व ग्रन्थया मेमेगु संस्करण जुई बले जाँचे बुक्के याना गुगु २ शब्दया गुगु २ शुद्ध स्वरूप प्रकाशित याय् माःगु खः याय् तिनि ।

श्व ग्रन्थ प्रकाशित याय् बले नँ श्रीमान् योगवीरसिंहजी, श्रीमान् धर्मवीरसिंहजी तथा श्रीमान् हरिकृष्णजी श्रेष्ठ आदि अनेक महा-शय पिके न्यनेमाःथाय् न्यना प्रकाशित यानागु दुः ।

श्व प्राचीन नेपालभाषाया व्याकरण पुस्तक न्हापाँ नसेँ आतलेँ छ गुहे प्रकाशित मजूया नीतिँ श्व व्याकरणया नियम द्यक्येतः आपालेँ कष्ट जुल, न्हाकु ह्योँ सौँ हना २ थाय् हाकनँ भू बाया बल, तथापि थाय् थासे उगु २ कल्पना याना गुगु प्रकारेँ उचित तथा शुद्ध २ नियम याय्माल याना बियागु दु ।

हिन्दी-बंगाली-महाराष्ट्र आदि भाषाय् बच्छीँ मयाक संस्कृत शब्द मिसे जुयाचवन । श्व व्याकरणे नँ श्व नेपालभाषायात अधिक उन्नत, आपालेँ नियमित तथा उज्ज्वल याय्तः प्रायः अनेक संस्कृत शब्दया प्रयोग याना तयागु दु धका सीक्येमाल, पुलौँ पुलौँगु नेपाली पुस्तके नँ अनेक संस्कृत शब्द मिले जुयाचवौँगु हे दु ।

श्व नेपालभाषा-व्याकरण देवनागरी वर्णाक्षर प्रकाशित याय्माःगु कारण ।

नेपालभाषाया वर्णाक्षर प्रायः बङ्गाली वर्णाक्षर नापँ आपाल समान जुयाचवन । श्वया 'भुजिम्बो' आदि अनेक भेद दु, पुलौँगु नेपा आखःया टाईप नँ मरु, आपा ध्यबा खर्च याना टाईप देकुसँ नेपा मासँ ब्वने सःपीँ तथा ब्वनीपीँ नँ नेपाले हे आपा खने मरु । उगु २ वर्णाक्षरया चलन मदुया नीतिँ देवनागरी अक्षर हे श्व नेपाल भाषाया व्याकरण शास्त्र द्यक्येत्यना । महाराष्ट्र आदि प्रान्तीय भाषाया नँ देवनागरी वर्ण हे व्यवहार

जुयाचवन । श्व राष्ट्रभाषा-हिन्दी आर्यभाषाया प्रचार याय्तः श्व हे देवनागरी अक्षरया व्यवहार याय्माःगु कारण नँ जुल ।

इन्ट्रेन्स तथा वी० ए०, एम० ए० परीक्षा पास याईपीँ विद्यार्थिसँ श्व नेपालभाषाँ संस्कृत तथा अंग्रेजीव्याकरण सरलरूप ठवीक्ये फई तथा उगु २ व्याकरणे प्रवेश नँ याकनँ जुई फई, श्व हे कारण थाय् थासे समानार्थक अंग्रेजी शब्द तथा बियागु दु, उकीँ विद्यार्थिते आपालेँ सहायता जुई । अंग्रेजी ब्वनीपीँ विद्यार्थिते श्व नेपालभाषाया अंग्रेजी अनुवाद माल धाःसा लिपा २ श्वया अंग्रेजी अनुवाद नँ प्रकाशित याय्तिनि । यदि दाजु किजापिसँ श्व नेपालभाषा व्याकरण चले याना दिल धाःसा प्रथम द्वितीया आदि रीडर, छन्दःशास्त्र तथा अलङ्कार शास्त्र आदि अनेक पुस्तक नँ याकनँ प्रकाशित याय्तिनि ।

व्याकरण शास्त्रया अधिकारी ।

सकल शास्त्रयात 'मिखा' धका नाँ छुनातल 'सर्वस्य लोचनं शास्त्रम्' श्व वाक्यया श्व हे अर्थ जुल । सकल शास्त्रमध्ये व्याकरण शास्त्र मुख्य जुयाचवन । 'मिखा' धयागु सकलयात नँ माःगु खः, सु मिजँ, सु मिसा ? सु बुढा सु बुढी ? सु युवा, सु युवति ? सु ची-ही, सु तःही ? सकलयात हे मिखा मरेक मगानाचवन । उकिया नीतिँ दुने नँ पिने नँ मिखा खोले याईगु, विद्याया ज्योतियात जग-मगे याईगु श्व नेपालभाषा-व्याकरण मिसा—मिजँ, तःही चीही सकसिनँ ब्वने ज्यूगु जुयाचवन, मनुष्यमात्र श्व व्याकरणाया अधिकारी सिद्ध जुल ।

यदि तता—क्येहेँपिसँ नँ ध्व नेपालभाषा-व्याकरणे मन
तया विद्या व्वनेगुली परिश्रम यात धाःसा स्वनामधन्य गार्गी,
सुलभा, सीता, दमयन्ती आदि थें खोरन्न जुई फई, तथा भगवान्
राम—कृष्ण आदि आदर्श पुरुषरत्नपिन्त जन्म बीपीँ माता
श्रीकौशल्या आदि देवी थें जुई फई। माँपीँ धर्मात्मा, विदुषी मजू
तछे सन्तानया सुधार गुबलेँ जुई मखु। उकिया नीतिँ
तना—क्येहेँपिसँ नँ विद्याभ्यास याय्गुली अवश्य ज्यान् बिया
पयन्न याय्माः। माँपिसँ थःगु मुले फेटुका सन्तानतेत न्धारया
मात्रे गुलि विद्या व्वंके फई उलि मेपीँ बृहस्पति थें जुया च्वोँपीँ
गुरुपिसँ नँ न्येर तक व्वंकू सौँ शिचित्त याय् फई मखु।



अन्तिम निवेदन ।



ध्व नेपालभाषा-व्याकरण शुद्ध २ प्रकाशित याय्तः स्वयं
न्यिछि २ प्रेसे च्वना यथाशक्य संशोधन याना प्रकाशित याना
बियागु दु, तथापि अनेक थासे गनँ २ मशीन चले जू बले इकार-
उकार आदि मात्रा उडे जुया वन, गनँ दीर्घ ईकारया मात्रा ओकार
थें जुयाच्वन, व्वने बले पूर्वापर विचार याना अभिप्राय सीका दिसँ।

ध्व व्याकरण प्रकाशित याय्तः प्रेसे थःहे च्वना ज्या याका
न लगभग ३ मास लगे जुल, थुलि काल लगे जूगु कारणँ मेमेगु
आवश्यक अखिल भारतवर्षीय हिन्दू महासभा सम्बन्धी कार्यक्रमे
आपालँ हानि जुल, उकिया नीतिँ ध्व पुस्तक याकनँ प्रकाशित
याय्माल, ध्व हे कारणँ शुद्धाशुद्ध विषयया सूची नँ बी मफुत।
लिपा संस्करण जुई बले संशोधन याना बी।

ध्व नेपालभाषा-व्याकरण विषये अनेक विद्वान्पिसँ प्रशंसा
सूचक सम्मति व्यूगु दु, याकनँ प्रकाशित याय्माःगु कारणँ तथा
स्थानाभाव कारणँ उमिगु सम्मति प्रकाशित याय् मफुत, उकिया
नीतिँ सम्मति व्यूपीँ विद्वान्पिके क्षमा-याचना यानागु दु, मेगु
संस्करणे सकल विद्वान्पिनिगु सम्मति प्रकाशित याय्तिनि।

सकल देशया तथा विशेषतः नेपालदेशया

कलकत्ता,
सं० १९८५,
विजया दशमी ।

सेवक—

शुक्रराज शास्त्री ।

विषय सूची ।

—*—

संख्या	विषय	पृष्ठ ।
१	परमेश्वर-प्रार्थना ।	०
२	व्याकरणया परिभाषा तथा प्रयोजन ।	०
३	व्याकरणया मुख्यविषये प्रथम उद्देशविषय ।	२
४	वर्णविचार ।	२
५	वर्णभेद ।	३
६	स्वरवर्णया स्वरूप ।	३
७	व्यञ्जनवर्णया स्वरूप ।	३
८	स्वरवर्णया लक्षण ।	४
९	व्यञ्जनवर्णया लक्षण ।	४
१०	स्वर—व्यञ्जनपरीक्षाविषये स्वरपरीक्षाविषय ।	५
११	ह्रस्व—दीर्घ—प्लुतया लक्षण ।	६
१२	अकार आदि मात्राया स्वरूप ।	७
१३	ककार आदि व्यञ्जनया मात्रा संयोग ।	८
१४	स्वरवर्णया उदात्त आदि भेद ।	८
१५	उदात्त आदिया स्वरूप ।	१०
१६	वर्णपरीक्षाविषये व्यञ्जन परीक्षाविषय ।	११
१७	संयुक्त व्यञ्जनविषय ।	११

संख्या	विषय	पृष्ठ ।
१८	वर्णोच्चारणविषय ।	१४
१९	स्वर—व्यञ्जन परीक्षाविषये सन्धिविषय ।	१६
२०	वर्णविचार परीक्षाविषये स्वरसन्धिविषय ।	१७
२१	स्वरसन्धी दीर्घविषय ।	१७
२२	स्वरसन्धी गुणविषय ।	१९
२३	स्वरसन्धी वृद्धिविषय ।	२१
२४	स्वरसन्धी यणूविषय ।	२२
२५	स्वरसन्धी अयादिविषय ।	२४
२६	स्वरसन्धी पूर्वरूपविषय ।	२५
२७	स्वरसन्धी पररूपविषय ।	२५
२८	वर्णविचार परीक्षाविषये व्यञ्जन सन्धिविषय ।	२६
२९	विसर्गसन्धिविषय ।	३२
३०	उद्देशविषये द्वितीय शब्दविचार ।	३६
३१	शब्दया लक्षण व भेद ।	३६
३२	अर्थबोधक शब्दभेद, अर्थ व लक्षण ।	३७
३३	अर्थबोधक शब्दविषये संज्ञावाचक शब्दया भेद तथा लक्षण ।	४०
३४	संज्ञावाचक शब्दविषये परीक्षाविषय ।	४२
३५	अर्थबोधक संज्ञाशब्द परीक्षाविषये लिङ्ग, संख्या, कारकविषय ।	४४
३६	लिङ्ग भेद तथा लिङ्ग लक्षण ।	४५

संख्या	विषय	पृष्ठ
३७	अथबोधक शब्दविषये लिङ्ग परीक्षाविषय ।	४७
३८	संख्याविषये संख्या भेद तथा लक्षण ।	५०
३९	शब्दविषये संख्या परीक्षाविषय ।	५१
४०	संज्ञावाचक शब्दे कारक विषय ।	५६
४१	कारक भेद तथा लक्षण ।	५७
४२	संज्ञावाचक शब्दया रूप ।	५२
४३	अर्थबोधक शब्दविषये सर्वनामवाचक शब्द ।	७३
४४	सर्वनामवाचक शब्दया भेद ।	७४
४५	सर्वनामवाचके पुरुषवाचक सर्वनाम ।	७५
४६	सर्वनामवाचके आदरवाचक सर्वनाम ।	७७
४७	सर्वनामवाचके प्रश्नवाचक सर्वनाम ।	७८
४८	सर्वनामवाचके सम्बन्धवाचक सर्वनाम ।	७९
४९	निश्चयवाचक सर्वनाम ।	८१
५०	सर्वनामवाचके अनिश्चयवाचक सर्वनाम ।	८३
५१	सर्वनामवाचके निजवाचक सर्वनाम ।	८५
५२	कारक विभक्ति ।	८६
५३	संज्ञावाचक शब्दविषये कारक परीक्षाविषय ।	८७
५४	अर्थबोधक शब्दविषये गुणवाचक शब्द ।	१००
५५	गुणवाचक शब्दया भेद तथा लक्षण ।	१००
५६	गुणवाचक शब्दविषये गुण अथवा धर्मवाचक शब्द ।	१०१
५७	गुणवाचक शब्दविषये परिमाणवाचक ।	१०२

संख्या	विषय	पृष्ठ ।
५८	गुणवाचक शब्दविषये संख्यावाचक शब्द ।	१०२
५९	दूर तथा समीपनिर्देशवाचक ।	१०४
६०	पृथक् वाचक शब्द ।	१०५
६१	अर्थबोधक शब्दविषये गुणवाचक शब्द परीक्षा विषय ।	१०६
६२	गुणवाचक शब्दया सामान्य-विशेष-अतिशय भेद ।	१०८
६३	अर्थबोधक शब्दविषये क्रियावाचक शब्द विषय ।	१११
६४	क्रियाया अर्थ, लक्षण व स्वरूप ।	११२
६५	काल, पुरुष तथा वचन भेद ।	११२
६६	क्रिया भेद ।	११५
६७	वर्त्तमानकाल प्रत्यय ।	११६
६८	भूतकाल प्रत्यय ।	११८
६९	भविष्यत्काल प्रत्यय ।	१२१
७०	धातुया रूप ।	१२२
७१	वर्त्तमान काल भेद ।	१३९
७२	भूतकाल भेद ।	१४०
७३	भविष्यत्काल भेद ।	१४२
७४	कालया विशेष व्यवस्था ।	१४३
७५	क्रियाविषये परीक्षा विषय ।	१५३
७६	पूर्वकालिक क्रिया ।	१५४
७७	प्रेरणार्थक क्रिया ।	१५७
७८	संयुक्त क्रिया ।	१५८

संख्या	विषय	पृष्ठ ।
७९	भावकर्म क्रिया ।	१५९
८०	कर्मकर्तृ क्रिया ।	१६४
८१	अकर्मक सकर्मक क्रिया ।	१६६
८२	शब्दविषये अव्ययविषयक परीक्षा विषय ।	१६७
८३	अव्ययविषये क्रिया विशेषण ।	१६८
८४	अव्ययविषये सम्बन्धवाचक शब्द ।	१७३
८५	अव्ययविषये उपसर्ग विषय ।	१७५
८६	अव्ययविषये संयोजक शब्द ।	१७८
८७	अव्ययविषये विस्मयादि बोधक शब्द ।	१८३
८८	शब्दविषये शब्दरचना परीक्षा विषय ।	१८४
८९	शब्द रचनाविषये कृदन्तविषय ।	१८७
९०	कृदन्तविषये कर्तावाचक शब्द ।	१८६
९१	कृदन्तविषये कर्मवाचक शब्द ।	१८७
९२	कृदन्तविषये भाववाचक शब्द ।	१८९
९३	कृदन्तविषये क्रियावाचक शब्द ।	१८९
९४	शब्दरचनाविषये तद्धित विषय ।	१९२
९५	तद्धित विषये कर्तावाचक शब्द ।	१९३
९६	तद्धितविषये भाववाचक शब्द ।	१९३
९७	तद्धितविषये गुणवाचक शब्द ।	१९५
९८	शब्दरचनाविषये क्रमप्राप्त समासविषय ।	१९८
९९	समासया भेद ।	२००

संख्या	विषय	पृष्ठ ।
	समासविषये अव्ययीभाव समास ।	२००
१०१	समासविषये तत्पुरुष समास	२०२
१०२	तत्पुरुष समासया प्यंगु भेद ।	२०३
१०३	समासविषये कर्मधारय समास ।	२०६
१०४	समासविषये द्विगु समास ।	२०७
१०५	समासविषये द्वन्द्व समास ।	२१०
१०६	समासविषये बहुव्रीहि समास ।	२१०
१०७	शब्दविषये शब्दनिरुक्ति विषय ।	२१३
१०८	उद्देश विषये क्रमप्राप्त वाक्यविन्यास विचार विषय ।	२२२
१०९	वाक्यया लक्षण तथा स्वरूप ।	२२३
११०	वाक्यविन्यास विचारविषये वाक्य परीक्षा विषय ।	२३२
१११	वाक्यया स्वंगु विभाग तथा लक्षण ।	२३३
११२	अन्याश्रित वाक्यया स्वंगु भेद ।	२३६
११३	अन्याश्रित वाक्यविषये संज्ञा वाक्य ।	२३७
११४	अन्याश्रित वाक्यविषये विशेषण वाक्य ।	२३९
११५	वाक्यविषये क्रियाविशेषण वाक्य ।	२४०
११६	वाक्यविषये वाक्यविश्लेषण विषय ।	२४१
११७	वाक्य ज्ञानविषये आवश्यक प्यंगु कारण ।	२५०
११८	वाक्यविषये विराम चिन्ह ।	२५३
११९	उद्देशविषये क्रमप्राप्त छन्दोविचार विषय ।	२५५
	इति विषय सूची ।	

❀ ओ३म्—तत्सत् ❀

परमेश्वर-प्रार्थना ।

—*~*~*~*~*—

- (१) सर्वाधार जुयाच्चोँह्म सर्वव्यापक नँ जुया ।
विज्याना च्वोँह्म सर्वज्ञ वेत जिगु सदा नमः ॥
- (२) करुणामय सर्वेश अन्तर्यामी बहे प्रभु ।
सर्वशक्ति परब्रह्म वेत जिगु सदा नमः ॥
- (३) गुह्यँ यानाचन सर्ग-स्थिति-संहार लोकया ।
गुह्य स्वः सच्चिदानन्द वेत जिगु नमो नमः ॥
- (४) बृहस्पति जुया च्वोँपोँ व उद्भट धुरन्धर ।
उजापोँ गुरुपिन्त नँ अनारत नमो नमः ॥
- (५) माता रत्न जुया च्वोँह्म पिता माधव कृष्ण थेँ ।
नमस्कार सदा ज्वीमा माँवाया पादपङ्कजे ॥

ग्रन्थकारया अवस्था ।

- (६) ग्व गम्भीर नेपाभाषा ? लघु बुद्धि जिगु गन ?
दुस्तराब्धि तरे याय्तः नावँ तय्यार जि जुया ॥

आ

- (७) मन्दमतिँ ततःहँगु ठाकुगु ज्या सना जुया ।
स्वो स्वोपिसँ जित बोवी गथे मूर्ख मचा धका ॥
- (८) कालिदासँ धयातःथेँ अवस्था जिगु नँ जुल ।
विद्वान्तेगु समाजे ला उपहास जुई जिगु ॥
- अ जूसा थुजागु ठाकुगु ज्याय् छाय् सनेगु ?
उत्तर :—

- (९) मन्दमति जि जूसा नँ फल तोता सुरे जुया ।
जनकादि महर्षिपोँ कर्मँ जक तरे जुल ॥

उकिया नीतिँ :—

- (१०) कर्म न्होने तया नित्य भगवान् नुगले तया ।
नेपाभाषासमुद्रे जि फल तोता कवायत्पना ॥
- (११) हिन्दी-संस्कृत-अंग्रेजीभाषा-व्याकरण स्वया ।
नेपाव्याकरण शास्त्र शुभ तय्यार यायत्पना ॥
- (१२) थ्व शास्त्रयात उन्नत व उज्ज्वल याना बिया ।
यथाशक्ति थ्व सर्वाङ्गपूर्ण याना बियागु दु ॥
- (१३) परमेश्वरया भक्तिपुलरूपसहायता ।
नेपाभाषासमुद्रँ जि धाथेँ पार जुईमाल ॥

निवेदन :—


- (१४) सकलगुणदोषज्ञ विद्वानँ थ्व स्वया दिसँ ।
मिँया न्होने सदा सी दु लुँया शुद्ध-अशुद्धता ॥

- (१५) थये विद्वान् गुणीपिन्त विनय भावना याना ।
दय्ययेसना थ्व सत्त शास्त्र जिं शुक्रं माधवात्मजं ॥

थ्व शास्त्रया आरम्भ तथा समाप्ति :—

- (१६) रसवेदखचन्द्रे श्रोनेपालाब्दे हिमालये ।
मार्गमासे बुधवारि ग्रन्थ आरम्भ जिं याना ॥

- (१७) बाणवस्वङ्कचन्द्राब्दे विन्दुरामगते बले ।
श्रावणे सोमवारि थ्व शास्त्र सम्पूर्ण नै जुल ॥



नेपालभाषा-व्याकरण ।

व्याकरणया परिभाषा ।

—*~*~*~*—

- (१) अनेक प्रकारगु शब्दया व्याख्यान गुगु
शास्त्रं याई व शास्त्रयात व्याकरण शास्त्र धाई,
अर्थात् गुगु नियमं शुद्ध २ धायू सै तथा च्वेसै
वेत व्याकरण शास्त्र धाई ।

व्याकरण शास्त्रया प्रयोजन ।

- (२) व्याकरणया प्रयोजन थ्व हे खः कि
शुद्ध भाषां खँ ल्हायगु व च्वयेगु । व्याकरण
मदु सा न शुद्ध च्वये फई, न शुद्ध खँ ल्हाये
फई ।

व्याकरण धयागु भाषाया जुई, गुगु
द्वारै मनुतसेँ खँ ल्हाना व च्वया थः थः गु

विचार प्रकट याई वेत भाषा धाई ।

भाषा वाक्य द्वारं तय्यार जुई, वाक्य
पद द्वारा तथा पद अन्तर द्वारा सिद्ध जुई ।
व्याकरणया मुख्य विषये प्रथम-
उद्देश विषय ।

(३) व्याकरणया मुख्य विषय क्वे च्चयातःपु
प्यंगु दु :—

(अ) वर्णविचार (Orthography)

थुगुली आखःया आकार, उच्चारण व
मिले यायगु नियमया उपदेश जुई ।

(आ) शब्द विचार (Etymology)

थुगुली शब्दया भेद, अवस्था व व्युत्पत्तिया
(शब्दया प्रथम स्वरूप) उपदेश जुई ।

(इ) वाक्यविन्यासविचार (Syntax)

थुगुली वाक्य देक्यगु नियमया उपदेश
जुई ।

(ई) छन्दविचार (Prosody)

थुगुली छन्द शास्त्रया विशेष २ नियमया
उपदेश जुई ।

वर्णविचार (Orthography.)

(४) 'वर्ण' धयागु अन्तर—आखःयात ध

अ आखःयात देवनागरी आखः धाई ।
अविनाशी नाश मजुईगुयात अन्तर धाई,
आखःया चिन्हयात नँ नित्य जूया नीलै
अन्तर वा वर्ण धाई ।

(५) वर्णभेद ।

(५) वर्ण न्यगु प्रकारयागु दु :—

(अ) स्वर । (Vowel)

(आ) व्यञ्जन । (Consonant)

अ न्यगु स्वर व्यञ्जन समुदाययात वर्ण-
माला (Alphabet) धाई ।

स्वरवर्णया स्वरूप ।

(६) अ आ इ ई उ ऊ ऋ ॠ
ऌ ऍ ए ऐ ओ औ अं अः ।

व्यञ्जनवर्णया स्वरूप ।

(७) क ख ग घ ङ ।
च छ ज झ ञ ।
ट ठ ड ढ ण ।
त थ द ध न ।
प फ ब भ म ।

य र ल व ।
श ष स ह ।
क्ष त्र ज्ञ ।

स्वरवर्णया लक्षण । (Definition of Vowel.)

- (८) व्यञ्जन आखःया सहायता मकासें
स्वतः (थः थम्हें तुँ) प्रकट जुईगु वर्णयात
(स्वरवर्ण धाई ।

व्यञ्जनवर्णया लक्षण । (Definition of Consonant.)

- (९) स्वर वर्णया सहायता मकासें व्यञ्जन
वर्णया उच्चारण जुई मखु, स्वरवर्णया सहा-
यता कया जक व्यञ्जन वर्णया स्पष्ट उच्चारण
जुई ।

- (१०) न्हागु आखःया न्होने 'कार' शब्द मिले
याय् वले वहे वर्ण जुई, यथा :—
अकार, ककार आदि ।

- (११) अनुस्वार (ँ) व विसर्ग (:) छगु
प्रकारया व्यञ्जन हे स्वः, अनुस्वारया उच्चा-

रण प्रायः हल् नकार व मकार समान जुई,
यथा :—

हंस, कंस । अनुस्वारया नकार उच्चारण ।
अश, संस्कृत । ,, ,, मकार उच्चारण ।
विसर्गया उच्चारण हकार समान जुई
यथा :....

रामः, कृष्णः, बद्धः आदि ।

विवरण :—ध्व नियम केवल संस्कृत शब्दे जक लगे
जुई । 'थः थः, स्वः' आदि शब्दे विसर्गया
दीर्घ उच्चारण जुई ।

स्वरव्यञ्जन परीक्षा विषये—

स्वरपरीक्षाविषय ।

(Examination of vowel.)

—*~*~*~*—

- (१२) मुख्य स्वर गुं गु प्रकारया दु, उमिगु

मुख्य स्वरूप :—

अ इ उ ऋ लृ । ए ऐ ओ औ ।

थुलि वर्यो न्हापा च्वयातःगु न्याग स्वर
शुद्ध तथा ह्रस्व, मेगु अवशिष्ट (बचेजगु)
प्यंग स्वरवर्ण संयुक्त तथा दीर्घ जुयाच्वन ।

“आ ई ऊ ऋ लृ” थव न्याग आखः-
यात नं संयुक्त दीर्घ धाई ।

संयुक्त दीर्घया अभिप्राय थव खः कि :-

अ	+	अ	=	आ ।
इ	+	इ	=	ई ।
उ	+	उ	=	ऊ ।
ऋ	+	ऋ	=	ऋ ।
लृ	+	लृ	=	लृ ।
अ	+	इ	=	ए ।
आ	+	ए	=	ऐ ।
अ	+	उ	=	ओ ।
आ	+	ऊ	=	औ ।

थन ‘आ—ई’ आदि वर्ण न्यगः स्वरवर्ण
() मिले जुया छग दीर्घ स्वर तयार जूयानीति संयुक्त
दीर्घ धयातल ।

ह्रस्व-दीर्घ-प्लुतया लक्षण । (६१)

—*—

(१३) (क) ‘अकार’ उच्चारण याय् बले गुलि समय
() लगे जुई वेत मात्रा धाई, गुगु स्वरया उच्चा-
() रण याय् बले छगु मात्रा लगे जुई वेत ह्रस्व

वा एकमात्रिक (Short Vowel) धाई
यथा :-

अ इ उ ऋ लृ ।

(ख) गुगु स्वरया उच्चारण जुई बले न्यिदुगं
काल लगे जुई वेत दीर्घ वा द्विमात्रिक
(Long vowel) धाई, यथा :-

आ ई ऊ ऋ लृ ए ऐ ओ औ ।

(ग) गुगु स्वरया उच्चारण जुई बले ह्रस्व स्वर
स्वदुगं काल लगे जुई वेत प्लुत वा त्रिमात्रिक
(Lengthened vowel) धाई । प्लुत वर्णया
स्वरूप ह्रस्व वा दीर्घ वर्णया न्होने (३)
स्वँ अङ्क लगे जुई । थव प्लुतया प्रयोजन
प्लुत जुई बले व तावाकँ सःते बले जक जुई,
यथा :-

ओ३म् ! हे ३ राम ! हे ३ बुद्ध !

अकार आदि मात्राया स्वरूप ।

(१४) अकार आदि स्वर गुबले तक व्यञ्जन
वर्ण नापँ मिले जुई मखु उबले तक जक उमित
स्वर धाई, तथा उमिगु स्वरूप पूर्वोक्त

संस्कृते 'लृ' वर्णया दीर्घ भेद माने याना मतः-
या नीतिं खुगु दीर्घ भेद लिखया १८—६=१२
भेद जुल, 'ए—ऐ—ओ—औ' वर्णया न ह्रस्व
भेद मदुया नीतिं खुगु ह्रस्व भेद लिखया १८—६=
१२ भेद जुल ।

अनुनासिकया चिन्ह (ँ) थ्व जुल, अन-
नुनासिक अर्थात् शुद्ध वर्ण । थ्व अनुनासिकया
प्रयोग नेपालभाषा व्याकरणो आपाले जुई, थ्वया
व्याख्यान (६६) थुगु नियमे कारक प्रकरणे जुई ।

उदात्त आदि या स्वरूप ।

(१७) (अ) उदात्त स्वरया चिन्ह दैमखु, स्वरवर्ण-
या शुद्ध स्वरूप जुया च्वनी ।

(आ) अनुदात्त स्वरया चिन्ह स्वरवर्ण या क्वे

(—) थुगु प्रकारे जुई ।

(इ) स्वरित स्वरया चिन्ह स्वरवर्णया च्वे

(।) थुगु प्रकारे जुई, यथा :—

ओं विश्वानि देव सवितर्दु रितानि परासुव । यद्द्रन्तन्न आसुव ॥

(यजु० अ० ३० । मन्त्र ३)

विवरण—थ्व उदात्त आदिया प्रयोग नेपालभाषा

व्याकरणे जुई मखु, संस्कृत व्याकरणे नै वेद विषये

जक उपयोग जुयाच्वन, तथापि स्वरवर्णया भेद
उपभेद सीक्य मागुनीति थ्व नेपालभाषा व्याक-
रणे नै उपदेश याय्माल ।

(Examination of consonants)

वर्णपरीक्षाविषये व्यञ्जनपरीक्षाविषय ।

(१८) सम्पूर्ण व्यञ्जन वर्णया ८ विभाग दु,
थ्व च्यागु विभागया नौ क्वे च्वयातःगु
प्रकारे सीक्ये माल :—

- (१) कवर्ग— क ख ग घ ङ ।
- (२) चवर्ग— च छ ज झ ञ ।
- (३) टवर्ग— ट ठ ड ढ ण ।
- (४) तवर्ग— त थ द ध न ।
- (५) पवर्ग— प फ ब भ म ।
- (६) अन्तस्थ— य र ल व ।
- (७) ऊष्म— श ष स ह ।
- (८) संयुक्त— क्ष त्र ज्ञ ।

संयुक्त व्यञ्जन विषय ।

(१९) स्वर रहित न्यिग स्वंग व्यञ्जन वर्ण मिले
जुगुयात संयोग धाई, यथा :—

क् + र = क्र — पत्र, नक्षत्र ।

प् + प = प्प — पुष्प, वाष्प ।

(२०) प्रायः संयुक्त आखले उगु २ संयुक्त व्यञ्जन वर्णया स्वरूप खने दु, किन्तु 'क्ष-त्र-ज्ञ' थ्व संयुक्त वर्णो गुगु २ व्यञ्जन वर्ण मिला जुया तयार जुल उगु २ व्यञ्जन वर्ण खने मदु, यथा :—

क् — ष — । = क्ष ।

त् — र् — । = त्र ।

ज् — ज् — । = ज्ञ ।

अत एव थ्व संयुक्त वर्ण जूसान्न व्यञ्जन वर्णो पृथक् उपदेश यानातल ।

(२१) प्रायः व्यञ्जन वर्णया संयोग जुई बले पूर्व व्यञ्जन वर्णया वच्छी तथा अन्त व्यञ्जन वर्णया पूरा स्वरूप खने दर्ई, यथा :—

न् — द् — इ = मन्दिर ।

ष् — प् — अ = पुष्प ।

ग् — व् — आ = ग्वा ।

किन्तु 'ङ-छ-ट-ठ-ड-ढ' थुलि व्यञ्जन वर्णया संयोग जुई बले संयोगया आदि वर्णया स्वरूप नै पूरा खने दर्ई, यथा :—

अङ्क-छ्वाली-चिठी-लुठ्ठा-अड्डा ।

(२२) 'र्' वर्ण गुवले संयोगया पूर्व वई उवले 'र्' वर्णया स्वरूप (') थुगु प्रकार जुई, यथा :—

धर्—म=धर्म । अर्—थ=अर्थ । इत्यादि ।

किन्तु गुवले 'र्' वर्ण संयोगया अन्ते वई उवले 'र्' वर्णया स्वरूप संयुक्त वर्णया के (-) थुगु प्रकार जुई, यथा :—

इ—न्—द्—र=इन्द्र—रुद्र—चन्द्र आदि ।

(२३) प्रायः न्यिग व्यञ्जन वर्णया संयोग आपालँ खने दु, किन्तु स्वंग व्यञ्जन वर्णया नै 'इन्द्र-चन्द्र' आदि शब्दे 'न्—द्—र्' या संयोग खने दु ।

विवरण—नेपाल भाषाया तान्त्रिक ग्रन्थे लाच्याग भिग व्यञ्जनवर्णया नै संयोग याना तःगु दु, किन्तु थुजागु संयुक्त वर्णया व्यवहार मजू ।

(२४) अनुस्वारया स्वरूपया (११) थुगु नियमे उपदेश याना वे धुन । गुवले कवर्ग चवर्ग आदि न्यागु वर्णया पूर्व अनुस्वार वई उवले व अनुस्वार उगु २ वर्णया पञ्चम (न्यागुगु) वर्ण जुया बनी, यथा :—

अंक = अङ्क । कवर्गया पञ्चम वर्ण ङ ।

व्यंजन=व्यञ्जन । चवर्ग्या पञ्चम वर्ग्ये व ।
 पंडित=परिणत । टवर्ग्या ,, ण ।
 अंत =अन्त । तवर्ग्या ,, न ।
 अंभ =अम्भ । पवर्ग्या ,, म ।

(२५) संयुक्त व्यञ्जनवर्गो गुगु २ व्यञ्जन वर्ग-
 या उच्चारण न्हापाँ जुई उगु २ व्यञ्जनवर्ग-
 न्हापा न्हापाँ च्वये मा तथा गुगु २ व्यञ्जनवर्ग-
 या उच्चारण लिपा २ जुई उगु २ व्यञ्जनवर्ग-
 लिपा २ तये मा यथा :—

श — व् — द = शब्द ।
 इ — न् — द — र = इन्द्र ।
 अ — न् — त — य = अन्त्य ।
 अ — र् — द् — थ = अर्द्ध ।

वर्णोच्चारण विषय ।

(Place of utterance)

(२६) गुगु २ वर्ग्या उच्चारण म्हुटुया गुगु २
 थासँ जुई उगु २ वर्ग्या उगु २ उच्चारण
 स्थान जुई । प्रत्येक वर्ग्या उच्चारण तथा
 स्थानया नाँ क्वे च्वया तःगु प्रकारँ सीक्ये
 माल :—

संख्या	स्वर-व्यञ्जन वर्ग ।	उच्चारण स्थान ।
१	अ क ख ग घ ङ ह विसर्ग (:)	कण्ठस्थान (Gutturals) कट्टू उच्चारण जुई ।
२	इ च छ ज झ ञ य श	तालुस्थान (Palatals) म्ये ठक्वे थीका उच्चारण जुई ।
३	ऋ ट ठ ड ढ ण र ष	मूर्द्ध स्थान (Cerebrals) म्ये चाद्वीका उच्चारण जुई
४	लु त थ द ध न ल स	दन्तस्थान (Dentals) म्ये वाय् थीका उच्चारण जुई ।
५	उ प फ ब भ म	ओष्ठ स्थान (Labials) म्हुटुतोँ उच्चारण जुई ।
६	ए ऐ	कण्ठ तालु स्थान (Palato Gutturals)
७	ओ औ	कण्ठ-ओष्ठ स्थान (Labio Gutturals.)
८	ङ ञ ण न म अनुस्वार (¨) व अनु- नासिक (¨)	थः थः गु स्थान व नासिका स्थान, न्हासँ उच्चारण जुई (Nasals.)

स्वर-व्यञ्जन परीक्षा विषये सन्धिविषय ।

(Coalescing)

- (२७) प्रायः प्रत्येक भाषाय् गनै २ अथे जुयावोँ
कि न्यिग आखः समीप जुया नीतिँ परस्पर
मिले जुया वनी, मिले जुया उमिगु छु विकार
उत्पन्न जुई वेत थ्व शब्द शास्त्रे 'सन्धि' धका
धार्ई ।

विवरण—संस्कृत भाषाय् सकल शब्द सन्धिया आधोने
जुया च्वन, किन्तु थ्व नेपालभाषा व्याकरणे
सन्धिया व्यवहार मजू, तथापि थ्व व्याकरणे नँ
अनेक संस्कृत शब्द वया मिसे जुया च्वोँया
नीतिँ उगु २ संस्कृत शब्दया स्वरूप व व्युत्पत्ति
(आदिशब्दरूप) ठ्वीक्ये माल, उकिया नीतिँ
नेपाल भाषा व्याकरण शास्त्रे नँ सन्धिया
सामान्य ज्ञान अत्यावश्यक जुल ।


आ थ्व व्याकरण शास्त्रे व्वनोपोँ विद्यार्थितेत
सन्धिया मुख्य २ आवश्यक नियमया उपदेश
यायत्यना ।

- (२८) सन्धिया स्वरु भेद दु, यथा :—

- (१) स्वर सन्धि ।
(२) व्यञ्जन सन्धि ।
(३) विसर्ग सन्धि ।

वर्णविचारपरीक्षाविषये स्वरसन्धिविषय ।

(Vowel coalescing)



- (२९) (१) स्वरसन्धिया निम्नलिखत न्हेगु भेद दु,
यथा :—

- (क) दीर्घ ।
(ख) गुण ।
(ग) वृद्धि ।
(घ) यण् ।
(ङ) अयादि चतुष्टय ।
(च) पूर्वरूप ।
(छ) पररूप ।

(क) क्रमप्राप्त स्वरसन्धी दीर्घ विषय ।

- (३०) गुवले इस्व व दीर्घ न्यिग समान स्वरवर्ण
नाप नापै वई उवले न्यिगलँ समान स्वर मिले
जुया छग दीर्घ द्विमात्रिक स्वर जुया वनी,
क्वे च्वयातःगु कोष्ठकँ प्रत्यक्ष सीदर्ई :—

संख्या भेद ।	पूर्व पदया अन्तिम स्वर 'अ-आ' नसे 'ऋ' तक वे मा ।			उदाहरण ।	
	द्वितीय पदया आदि स्वर 'अ-आ' नसे 'ऋ' तक पूर्वपदया समान स्वर वेमा । ... 'ऋ' तक पूर्वपदया समान स्वर वेमा । नियगलै स्वरवर्णो मिले जुया तयार जगु स्वरवर्णो ।			असिद्ध सन्धि ।	सिद्ध सन्धि ।
१	अ	अ	आ	परम + अर्थ =	परमार्थ ।
२	अ	आ	आ	देव + आलय =	देवालय ।
३	आ	अ	आ	विद्या + अर्थ =	विद्यार्थी ।
४	आ	आ	आ	विद्या + आलय =	विद्यालय ।
५	इ	इ	इ	प्रति + इति =	प्रतीति ।
६	इ	इ	इ	अधि + ईश्वर =	अधीश्वर ।
७	इ	इ	इ	मही + इन्द्र =	महीन्द्र ।
८	इ	इ	इ	नदी + ईश =	नदीश ।
९	उ	उ	ऊ	विधु + उदय =	विधूदय ।
१०	उ	ऊ	ऊ	लघु + ऊर्मि =	लघूर्मि ।
११	ऊ	उ	ऊ	स्वयम्भू + उदय =	स्वयम्भूदय ।
१२	ऊ	ऊ	ऊ	बधू + ऊत =	बधूति ।
१३	ऋ	ऋ	ऋ	मातृ = ऋण =	मातृण ।

विवरण—यन समान स्वरया अभिप्राय थव खः
कि गुगु २ ह्रस्व दीर्घ स्वर वर्ण म्हुदुया गुगु २
स्थाने उच्चारण जुई उगु २ ह्रस्व दीर्घ स्वरवर्ण
परस्पर सवर्णी अर्थात् समान स्वरवर्ण जुया
बनी, यथा:—

‘अ—आ’ स्वर वर्णया उच्चारण कटू
जुया च्वन, उकिया नीति ‘अ—आ’ सवर्णी
स्वर जुल, एवं ‘इ—ई, उ—ऊ, ऋ—ऋ’
स्वरवर्णो ह्रस्व व दीर्घ स्वरवर्णया समान स्थाने
उच्चारण जुया नीति परस्पर सवर्णी जुल ।

(ख) क्रमप्राप्त स्वरसन्धी गुणविषय ।

—*~*~*~*

(३१) ह्रस्व तथा दीर्घ अकारया लिपा ह्रस्व वा दीर्घ
‘इ—उ—ऋ—लृ’ स्वर बोसा ह्रस्व वा दीर्घ
अ+इ मिले जुया ‘ए’, अ+इ=ओ, अ+ऋ
अर्, तथा अ+लृ=अलृ जुयावनी, थव स्वर
विकारयात गुण धाई, थव गुण सन्धि क्वे
च्वयातः गु प्रकारै सोक्य मालः—

संख्या भेद ।	पूर्वपदया अन्तिम स्वर दीर्घ अकार वे मा ।	द्वितीय पदया आदि स्वर ह्रस्व वा दीर्घ इ-उ-ऋ तथा लु वे मा ।	न्यगलै स्वर मिले जुया सिद्ध जगु स्वर ।	उदाहरण ।	
				असिद्ध सन्धि ।	सिद्ध सन्धि ।
१	अ	अ	ए	देव + इन्द्र =	देवेन्द्र ।
२	अ	अ	ए	परम + ईश्वर =	परमेश्वर ।
३	आ	अ	ए	महा + इन्द्र =	महेन्द्र ।
४	आ	अ	ए	महा + ईश =	महेश ।
५	अ	उ	ओ	हित + उपदेश =	हितोपदेश ।
६	अ	ऊ	ओ	जल + ऊर्मि =	जलोर्मि ।
७	आ	उ	ओ	महा + उत्सव =	महोत्सव ।
८	आ	ऊ	ओ	गंगा + ऊर्मि =	गंगोर्मि ।
९	अ	ऋ	अर्	हिम + ऋतु =	हिमर्तु ।
१०	आ	ऋ	अर्	महा + ऋषि =	महर्षि ।
११	अ	लु	अल्	तव + लुकार =	तवल्कार ।

७. ५ से ये अर् + ऐश्वर्य = अर्त्थैश्वर्य

(ग) क्रमप्राप्त स्वरसन्धी वृद्धि विषय ।

(३२)

ह्रस्व वा दीर्घ अकारया लिपा 'ए-ऐ-ओ-औ' स्वरवर्ण वई बले अ=ए वा 'अ+ऐ' मिले जुया 'ऐ' तथा 'अ+ओ' वा 'अ+औ' मिले जुया 'औ' जुया बनी, थव विकारयात 'वृद्धि' धाई यथा :—

संख्या भेद ।	पूर्वपदया अन्तिम स्वर दीर्घ अकार वे मा ।	द्वितीय पदया आदि स्वर 'ए-ऐ-ओ-औ' वे मा ।	न्यगलै स्वर मिले जुया सिद्ध जगु स्वर ।	उदाहरण ।	
				असिद्ध सन्धि ।	सिद्ध सन्धि ।
१	अ	ए	ऐ	एक + एक =	एकैक ।
२	अ	ऐ	ऐ	परम + ऐश्वर्य	परमैश्वर्य ।
३	आ	ए	ऐ	तथा + एव =	तथैव ।
४	आ	ऐ	ऐ	महा + ऐश्वर्य =	महैश्वर्य ।
५	अ	ओ	औ	सुन्दर + ओदन =	सुन्दरौदन ।
६	आ	ओ	औ	... + औषधि =	महौषधि ।
७	अ	औ	औ	परम + औषध =	परमौषध ।
८	आ	औ	औ	महा + औदार्य =	महौदार्य ।

(घ) क्रमप्राप्त (क्रम वोगु) स्वरसन्धी यण विषय ।

(३३) ह्रस्व वा दीर्घ 'इ—उ—ऋ' स्वरया लिपा येषु भिन्न स्वर वर्ण कई बले 'इ—उ—ऋ' वर्णया थासे क्रमानुसार 'य—व—र' जुया वनी, थ्व विकारयात 'यण' धाई, यथा :—

संख्या भेद ।	पूर्व पदया अन्तिम स्वर ह्रस्व वा दीर्घ 'इ-उ-ऋ' वे मा ।	द्वितीय पदया आदि स्वर पूर्वपद स्वर या भिन्न वे मा ।	न्युगल स्वर मिले जुया सिद्ध जूगु वर्ण ।	उदाहरण ।	
				असिद्ध सन्धि	सिद्ध सन्धि ।
१	अ	अ	य	यदि + अपि =	यद्यपि ।
२	आ	आ	या	इति + आदि =	इत्यादि ।
३	उ	उ	यु	प्रति + उपकार =	प्रत्युपकार ।
४	ऊ	ऊ	यू	नि + ऊन =	न्यून ।
५	ऋ	ऋ	यृ	युवति + ऋतु =	युवत्यृतु ।
६	ए	ए	ये	प्रति + एक =	प्रत्येक ।

५. ५ रे यं अति + ऐश्वर्य = अत्यैश्वर्य

संख्या भेद ।	पूर्व पदया अन्तिम स्वर ह्रस्व वा दीर्घ 'इ-उ-ऋ' वे मा ।	द्वितीय पदया आदि स्वर पूर्वपद स्वर या भिन्न वे मा ।	न्युगल स्वर मिले जुया सिद्ध जूगु वर्ण ।	(पूर्व कोष्ठया शेष) उदाहरण ।	
				असिद्ध सन्धि ।	सिद्ध सन्धि ।
८	अ	अ	य	गोपो + अथे =	गोप्यर्थ ।
९	आ	आ	या	देवो + आगम =	देव्यागम ।
१०	उ	उ	यु	सखी + उक्त =	सख्युक्त ।
११	ऊ	ऊ	व	अनु + अय =	अन्वय ।
१२	ऋ	ऋ	वा	सु + आगत =	स्वागत ।
१३	इ	इ	वि	अनु + इत =	अन्वित ।
१४	ए	ए	वे	अनु + एषण =	अन्वेषण ।
१५	ऐ	ऐ	वै	बहु + ऐश्वर्य =	बह्वैश्वर्य ।
१६	अ	अ	व	सरयू + अम्बु =	सरय्वम्बु ।
१७	ऋ	ऋ	र	पितृ + अनुमति =	पित्रनुमति ।
१८	आ	आ	रा	मातृ + आनन्द =	मात्रानन्द ।

(ङ) क्रमप्राप्त स्वरसन्धो अयादि विषय ।

- (३४) पूर्वपदया अन्तिम स्वर 'ए-ऐ-ओ-औ' या लिपा द्वितीय पदया आदि स्वरवर्ण समान वा असमान जुया वई बले 'ए-ऐ-ओ-औ' वर्ण-या थासे क्रम नसे 'अय्-आय्-अव्-आव्' आदेश जुया बनी, (छगु वर्णया थासे मेगु वर्ण जुईगुयात आदेश धाई) थ्व विकारयात 'अयादि' धाई, यथा :—

संख्या मेद ।	पूर्वपदया अन्तिम स्वर ए-ऐ-ओ-औ वेमा ।	द्वितीयपदया आदि स्वर पूर्व स्वरया समान वा असमान वेमा ।	पूर्वपदया अन्त्य स्वरया स्थान आदेश जुगु बण ।	उदाहरण ।	
				असिद्ध सन्धि	सिद्ध सन्धि
१	ए	अ	अय्	ने-अन = न् + अय् + अन	नयन ।
२	ऐ	अ	आय्	नै-अक = न् + आय् + अक	नायक ।
३	ओ	अ	अव्	पो-अन = प् + अव् + अन	पवन ।
४	ओ	इ	अव्	पो-इत्र = प् + अव् + इत्र	पवित्र ।
५	ओ	ई	अव्	गो-ईश = ग् + अव् + ईश	गवोश ।
६	औ	अ	आव्	पौ-अक = प् + आव् + अक	पावक ।
७	औ	इ	आव्	भौ-इनो = भ् + आव् + इनो	भाविनी ।
८	औ	उ	आव्	भौ-उक = भ् + आव् + उक	भावुक ।

(च) क्रमप्राप्त स्वरसन्धी पूर्वरूप विषय ।

- (३५) पूर्वपदया अन्तिम 'ए-ओ' स्वरवर्णया लिपा द्वितीय पदया आदि स्वर केवल ह्रस्व 'अकार' जक वई बले द्वितीय पदया ह्रस्व अकार पूर्वपदया 'ए-ओ' स्वर वर्णो मिले जुया बनी, थ्व विकारयात पूर्वरूप धाई, पूर्वरूप जुई बले थ्व विकारया चिन्ह (ऽ) थथे जुई, यथा :—

- (१) हरे+अव=हरेऽव । (हे हरि ! रक्षा याना दिसँ ।)
 (२) विष्णो+अव=विष्णोऽव । (हे विष्णु ! रक्षा याना दिसँ ।)

(छ) क्रमप्राप्त स्वरसन्धी पररूप विषय ।

- (३६) पूर्वपदया अन्तिम स्वर अकारया लिपा द्वितीय पदया आदि 'ओम' थ्व पद वई बले पूर्वपदया अकार द्वितीय पदया 'ओम' स्वर मिले जुया बनी, थ्व विकारयात 'पररूप' धाई, यथा :—

- शिवाय+ओं नमः=शिवायों नमः ।
 रामाय+ओं नमः=रामायों नमः ।
 बुद्धाय+ओं नमः=बुद्धायों नमः ।
- शिव-राम-
 बुद्धयात
 नमस्कार ।

(२) वर्णविचारपरिक्षाविषये क्रमशः
व्यञ्जनसन्धिविषय ।

(३७) व्यञ्जन वर्णया घोष-अघोष भेद ।

अघोष ।			घोष ।		
तथा	कवर्ग	क ख ।	तथा	कवर्ग	ग घ ङ ।
वर्ण	चवर्ग	च छ ।	वर्ण	चवर्ग	ज झ ञ ।
प्रथम-द्वितीय	टवर्ग	ट ठ ।	वर्ण	टवर्ग	ड ढ ण ।
वर्ण	तवर्ग	त थ ।	वर्ण	तवर्ग	द ध न ।
प्रत्येक वर्णया	पवर्ग	प फ ।	वर्ण	पवर्ग	ब भ म ।
श-ष-स वर्ण ।	ऊष्म	श ष स ।	वर्ण	अन्तस्थ	य र ल व
			ऊष्म	ह ।	

विवरण—गद्ये स्वरभेद विषये स्वरवर्णया भेद-उपभेदया उपदेश याना, अथे हे व्यञ्जन वर्णया नँ घोष-अघोष भेद व्यञ्जन प्रकरणे उपदेश याय् मागु खः, तथापि थन व्यञ्जन सन्धि विषये 'घोष-अघोष' वर्णया आपालँ प्रयोजन जूया नीतिं थन व्यञ्जन सन्धि विषये तया विया ।

(३८) यदि हलन्त 'क' वर्णया लिपा घोष-अन्तस्थ अथ वा स्वरवर्ण वर्डवले ककार स्थाने गकार आदेश जुई, यथा :—

दिक्+गज=दिग्गज । (दिशाय् क्चोर्पीँ किंस)

वाक्+दान=वाग्दान । (वचन वीगु)

वाक्+वर=वाग्वर । (भीगु खँ ल्हाईल)

धिक्+याचना=धिग्याचना । (फवनेगु धिक्कार हे खः)

दिक्+अम्बर=दिगम्बर । (पूर्व आदि दिशयात पोशाक माने यार्डपीँ नंगात)

वाक्+ईश्वराय=वागीश्वराय । (वाणीया मालिकयात)

(३९) गुगु वर्णया प्रथम वर्णया लिपा अनुनासिक वर्ण (ङ—ञ—ण—न—म) वर्ड उबले प्रथम वर्णया थासे थः गुःगु वर्णया पञ्चम अनुनासिक वर्ण आदेश जुई, यथा :—

प्राक्+मुख=प्राङ्मुख । (पूर्वपाखे जुईगु) क् या अनुनासिक ङ ।

वाक्+मय=वाङ्मय (वाणीयुक्त) ”

जगत्+नाथ=जगन्नाथ (जगतया मालिक) त् या अनुनासिक न ।

उत्+मत्त=उत्तमत (पागल) ”

चित्+मय=चिन्मय (चेतनयुक्त) ”

(४०) 'च्—ट्—प्' वर्णया लिपा घोष, अन्तस्थ

अथवा स्वरवर्ण वई बले 'च्—ट्—प्' वर्णया
स्थाने क्रमपूर्वक 'ज्—ङ्—ब्' वर्ण आदेश
जुई, यथा :—

अच्+अन्त=अजन्त । (स्वरवर्ण अन्ते वईगु)
षट्+दर्शन=षड्दर्शन । (न्याय शास्त्र आदि खुगु किताब)
अप्+भाग=अब्भाग । (लःया भाग)
अप्+ज=अब्ज । (लखे जन्म जूगु)

(४१) ह्रस्व स्वर वर्णया लिपा 'छ' वर्ण वई बले 'छ'
वर्णया न्हापा 'च्' आगम जुई । किन्तु यदि
दीर्घ स्वरया लिपा 'छ' वर्ण वई बले विक-
ल्प 'च्' आगम जुई, अर्थात् गनँ जुई, गनँ जुई
मखु । दट्वी मेगु आखः वईगुयात आगम धाई,
यथा :—

परि+छेद=परिच्छेद । (खण्ड—भाग)
अव+छेद=अवच्छेद । (टुकड़ा)
वृत्त+छाया=वृत्तच्छाया । (सिमाया किपा)
गृह+छिद्र=गृहच्छिद्र । (छे ह्वोगँगु)
लक्ष्मी+छाया=लक्ष्मीच्छाया—लक्ष्मीछाया ।

(लक्ष्मीघोषा किपा)

(४२) 'त्' वर्णया लिपा चवर्णया प्रथम-द्वितीय-

तृतीय वर्ण 'च—छ—ज' तथा ट्वर्णया 'ट—ठ'
वर्ण वई बले तवर्णया स्थाने क्रमपूर्वक 'च्—ज्'
तथा 'ट' आदेश जुई यथा :—

उत्+चारण=उच्चारण । (खँल्हायेगु)
सत्+चिदानन्द=सच्चिदानन्द । (परमेश्वर)
सत्+जाति=सज्जाति । (भींगु जात)
उत्+छिन्न=उच्छिन्न । (नाश)
उत्+ज्वल=उज्ज्वल । (दीप्यमान)
तत्+टीका+तट्टीका । (वया टीका याना तःगु)

(४३) 'त्' वर्णया लिपा 'ल' वर्ण वई बले 'त्'
वर्णया स्थाने 'ल' आदेश जुई, यथा :—

तत्+लय=तल्लय । (वया नाश जुईगु)
तत्+लङ्घन=तल्लङ्घन । (लङ्घन जुईगु)

(४४) 'त्' वर्णया लिपा 'श' वर्ण वई बले 'त्'
या स्थाने 'च्' तथा 'श' या स्थाने 'छ' आदेश
जुई, तथा :—

सत्+शास्त्र=सच्छास्त्र । (भींगु शास्त्र)
उत्+शिष्ट=उच्छिष्ट । (बाकी वचे जूगु)
सत्+श्लोक=सच्छ्लोक । (भींगु श्लोक)

(४५) 'त्' वर्णया लिपा 'ह' वर्ण वई बले 'त्'

वर्णया थासे 'दृ' तथा 'हृ' वर्णया थासे 'धृ'
आदेश जुई, यथा :—

उत्+हार=उद्धार । (उद्धार याय्गु)
तत्+हित=तद्धित । (वया निमित्त कल्याण)

(४६) यदि 'तृ' वर्णया लिपा 'क—त—प—फ'
वर्ण वर्ई बले 'तृ' वर्ण वर्हे तूँ जुया च्वनी,
बदले जुई मखु, यथा :—

तत्+कर्म=तत्कर्म । (व ज्या)
तत्+तेज=तत्तेज । (व तेज)
महत+पुष्प=महत्पुष्प । (तःफोगु स्वाँ)
महत+फल=महत्फल । (तःगोगुफल)

(४७) यदि 'तृ' वर्णया लिपा 'ग—घ, द—ध,
ब—भ, य—र—व, अथवा स्वरवर्ण वर्ई बले
'तृ' वर्णया स्थाने 'दृ' आदेश जुई, यथा :—

पशुवत्+गामी=पशुवद्गामी । (पशुथेँ वनीह्म)
उत्+घाटन=उद्घाटन । (ख्वले याय्गु)
तत्+दान=तद्दान । (उगु दान)
महत+धनुष=महद्धनुष । (तःहूँगु धनुष)
महत+बल=महद्बल । (तःहूँगु बल)
महत+भय=महद्भय । (तःहूँगु भय)

महत+यात्रा=महद्यात्रा ।

महत+रण=महद्वरण ।

भविष्यत्+वाणी=भविष्यद्वाणी । (लिपा जुईगु खँ)

उत्+अय=उदय ।

सत्+आचार=सदाचार । (भीँगु आचरण)

जगत+इन्द्र=जगदिन्द्र । (जगत्या मालिक)

जगत+ईश=जगदीश । (संसारया प्रभु)

सत्+उत्तर=सदुत्तर । (भीँगु उत्तर-जवाब)

सत्+ऊति=सदूति । (भीँगु रत्ना)

महत+ऋण=महद्वण । (आपा ऋण)

तत्+एक=तदेक । (व छगु)

महत+ऐश्वर्य=महदैश्वर्य ।

महत+ओज=महदोज । (तःहूँगु शक्ति)

महत+औषध=महदौषध ।

(४८) (') अनुस्वारया लिपा कवर्ण आदि

(१) न्यागु वर्णया वर्ण वर्ई बले अनुस्वार उगु २
वर्णया पञ्चम वर्ण जुया वनी, उदाहरण व-
नियम (२४) थुगु नियमे व्याख्यान याना वे
धुन ।

(२) अनुस्वारया लिपा स्वरवर्ण वर्ई बले अनुस्वार-
या स्थाने 'म्' आदेश जुई, यथा :—

सं+आचार=समाचार । (भीँ गु चाल)
 सं+उदाय=समुदाय । (बठाँ)
 सं+ऋद्धि=समृद्धि । (ऐश्वर्य)

विवरण—‘सं’ उपसर्गया स्वरूप ‘सम्’ धक्का सीक्य मा,
 व्यञ्जन वर्ण वई बले जक ‘सं’ जुया बनी, किन्तु
 स्वरवर्ण वई बले ‘सम्’या ‘म्’ स्वरवर्ण नापै मिले
 जुया बनी ।

(४६) ‘स्’ वर्णया लिया ‘श्—ष्’ वर्ण वई बले
 ‘स्’ वर्णया स्थाने क्रमपूर्वक ‘श्—ष्’ आदेश
 जुई, यथा :—

निस्+शेष=निश्शेष । (फुक्कँ)

निस्+षडङ्ग=निष्षडङ्ग । (खुगु अंग मरुगु)

व्यञ्जन सन्धि समाप्त जुल ।

वर्णविचारया सन्धिविषयक परीक्षा विषये

(३) क्रमप्राप्त विसर्गसन्धि विषय ।

(५०) इकार उकार पूर्वक विसर्गया (:) लिपा
 ‘क—प—फ’ वर्ण वई बले विसर्गया स्थाने
 मूर्द्धन्य ‘प्’ आदेश जुई, यथा :—

निष्+कपट=निष्कपट । (कपट मरुह)

निः+पाप=निष्पाप । (पाप मरुह)

निः+फल=निष्फल । (व्यर्थ—ख्यरे वँगु)

दुः+कपट=दुष्कपट । (मभीँ गु कपट)

दुः+पुरुष=दुष्पुरुष । (मभीँ ह्य मनु)

(५१) विसर्गया लिपा वर्णया प्रथम-द्वितीय वर्ण
 ‘च—छ, ट—ठ, त—थ’ वर्ण वई बले विसर्ग-
 या स्थाने क्रमपूर्वक ‘श्—ष्—स्’ आदेश
 जुई, यथा :—

निः+चल=निश्चल । (स्थिर)

निः+छल=निश्छल । (छल मरुह)

धनुः+टङ्कार=धनुष्टङ्कार । (धनुषया सः)

निः+तार=निस्तार । (तरे जुईगु)

(५२) अकारपूर्वक विसर्गया लिपा प्रत्येक वर्णया
 तृतीय-चतुर्थ-पञ्चम वर्ण ‘ग—घ—ङ, ‘ज—
 झ—ञ, ङ—ढ—ण, द—ध—न, व—
 भ—म, अन्तस्थ य—र—ल—व’ तथा ‘ह’
 वर्ण वई बले विसर्गया स्थाने ‘ओ’ आदेश
 जुई, यथा—विशेष २ उदाहरण :—

मनः+गत=मनोगत । (मने च्वाँ गु)

मनः+भाव=मनोभाव । (मनया भाव)

मनः+योग=मनोयोग । (मन मिले जुईगु)

मनः+रथ=मनोरथ ।

मनः+नीत=मनोनीत । (मनँ भाफुगु)

मनः+हर=मनोहर । (सुन्दर)

(५३) ह्रस्व तथा दीर्घ अकार तोता मेमेगु
स्वरवर्ण पूर्वक विसर्गया लिपा नं० (५२) थ्व
नियमे च्वया तःगु वर्ण तथा स्वर वर्ण वई बले
विसर्गया स्थाने 'र' (रेफ) आदेश जुई,
यथा विशेष २ उदाहरण :—

निः+गुण=निर्गुण । (गुण मरुह)

निः+घृण=निर्घृण । (घृणा मरुह)

निः+जल=निर्जल । (लः मरुगु स्थान)

निः+बल=निर्बल ।

निः+भय=निर्भय ।

निः+मल=निर्मल ।

निः+आधार=निराधार ।

निः+इच्छा=निरिच्छा ।

निः+उपाय=निरुपाय ।

निः+औषध=निरौषध ।

विवरण—थन 'निः' या पूर्व स्वरूप 'निर्' धका सीक्य
माल । 'निर्' उपसर्गया लिपा मेमेगु वर्ण वई
बले विसर्गयुक्त जुया भिन्न २ रूप जुया वनी,
किन्तु नं० (५२) नियमे च्वया तःगु वर्ण वई
बले 'निर्' या 'र' मेगु वर्ण नापँ मिले जुया
वनी, उदाहरण च्वे बीधुन ।

(५४) ह्रस्व अकार तथा मेगु ह्रस्व स्वरवर्ण पूर्वक
(अर्थात् ह्रस्व इकार—उकार पूर्वक) विसर्गया
अथवा हलन्त (र्) या लिपा केवल 'र' वर्ण
वई बले विसर्ग लोप जुयावनी तथा विसर्गया
पूर्व स्वर दीर्घ जुया वनी, यथा :—

अन्तः+रहस्य=अन्तारहस्य । (दुने यागु गुप्तभाव)

निः+रस=नीरस । (रसमरुगु)

निः+रोग=नीरोग । (रोग मरुह)

रिपुः+रोग=रिपूरोग । (शत्रु रूप ल्वे)

विवरण—प्रायः विसर्गया पूर्वरूप हलन्त 'र' जुई, 'अन्तः-
निः' आदिया पूर्वरूप 'अन्तर'—'निर्' जुया
च्वन, थुजागु थासे विसर्ग धाय् बले हलन्त
'र' धका सीक्य मा, हलन्त 'र' या हे विकार
विसर्ग स्वः धका सीक्य माल ।

विसर्गसन्धि तथा वर्णविचारया परीक्षाविषय समाप्त जुल ।

उद्देशविषये द्वितीय शब्दविचारविषय ।

(Etymology)

वर्णविचारविषये वर्णया उद्देश, स्वर-
व्यञ्जन भेद-उपभेदया लक्षण तथा परीक्षा
याना वेधुन । आ शब्दविचारविषये उपदेश
याय् माल ।

(५५) गुगुली शब्दया भेद व अवस्थाया वर्णन
जुई वेत 'शब्दविचार' धाई धका न्हापाँ उप-
देश याना वेधुन ।

शब्दया लक्षण व भेद ।

न्हायपनँ ताय् दैगुयात शब्द धाई, थ्व
शब्दया न्यिगु भेद दु :—

- (१) व्यंग्यात्मक । (Articulate)
- (२) ध्वन्यात्मक । (Inarticulate)

अर्थ बोधक शब्दयात 'व्यंग्यात्मक' धाई,
अर्थया बोध मजुईगु शब्दयात 'ध्वन्यात्मक'
धाई ।

विवरण—पशुपिसँ बोले याईगु शब्दया अर्थ भीसँ
ठ्वीक्य मफु, गँ थाई बले सः वईगु शब्दया
अर्थ सी मदु, थुजागु शब्दया विचार थन जुई

मखु । थ्व व्याकरण शास्त्रे अर्थ बोधक
शब्दया जक विचार जुई ।

अर्थ बोधक शब्दभेद, अर्थ व लक्षण ।

Kinds & definition of
articulate words.

(५६) सार्थक शब्दया भेद न्यागु प्रकारया दुः—

- (१) संज्ञावाचक शब्द । (Noun)
- (२) सर्वनामवाचक शब्द । (Pronoun)
- (३) गुणवाचक शब्द । (Adjective)
- (४) क्रियावाचक शब्द । (Verb)
- (५) अव्ययवाचक शब्द । (Preposition)

(१) पदार्थ वा वस्तुया नाँयात 'संज्ञा' धाई,
यथाः—'नेपाल' धयागु पृथिवीया एक भागया
नाँ जुल ।

'राम—कृष्ण—बुद्ध' धाल धाय्व मनुष्य
व्यक्तिया नाँ जुल, थुगु-प्रकारँ येमेगु वस्तुया
नाँ नँ सीक्य माल ।

(२) 'सर्वनाम' धयागु सकसिगु नाँ, सकल नाँ-
यात प्रकट याईगु शब्दयात 'सर्वनाम'

धाई, थ्व सर्वनाम वाचक शब्दया उपयोग
थ्व हे खः कि संज्ञावाचक शब्द बार २
दोहरे मयास्य सकल संज्ञावाचक शब्दया थासे
सर्वनामवाचक शब्दया प्रयोग जुई :—

छ, जि, व आदि ।

विवरण—संसारे दक्व प्राणीतेत 'छ—जि—व' शब्दया
प्रयोग यायजू उक्रिया नीतिं थुजागु शब्दयात
'सर्वनाम' धका धयातल ।

(३) गुणवाचक शब्दयात विशेषण धाई, अर्थात्
उगु २ पदार्थे विशेष २ अर्थ प्रकट याईगु शब्द-
यात विशेषण धाई :—

तुयु, हाकु, वाऊँ, ह्याऊँ, भोँ, मभोँ,
बाँला, बाँमला आदि ।

थ्व गुणवाचक शब्दया विशेष व्याख्या
परीक्षा विषये जुई ।

विवरण—भोँ ह्य मनु ।

मभी ह्य मनु ।

थ्व न्यिगु उदाहरणे 'भोँ ह्य-मभी ह्य' शब्दें
मनुया विशेषगुण प्रकट जुल, अतएव थुजागु
शब्दयात 'गुणवाचक' अथवा 'विशेषण' धया-
तल ।

(४) 'क्रिया' या अर्थ ज्यायायगु, थ्व शरीरे भीगु

भीगु इन्द्रिय दुः—

न्हाय्पै, मिखा, न्हाय्, म्पे, त्वचा (शरीरे
द्योने च्चोँ गु छ्पैगु) थ्व न्यागु ज्ञान इन्द्रिय ।

ल्हा, टुटि, वाणी, पायु (मल साग याय्-
गु इन्द्रिय) उपस्थ (च्व फाय्गु इन्द्रिय)
थ्व न्यागु कर्मेन्द्रिय जुल । थ्व ज्ञानेन्द्रिय व
कर्मेन्द्रिय द्वारं जुईगु ज्यायात 'क्रिया' धाई,
यथा :—

मिखाँ स्वेगु, ल्हाटीँ ज्वनेगु, टुटिँ वनेगु ।

(५) 'व्यय' धयागु नाश जुईगु, 'अव्यय' धयागु

नाश मजुईगु, गुगु शब्दया स्वरूप सदा छगु
हे प्रकार जुई, गुगु शब्दया विकार जुया बदले
जुई मखु व शब्दयात 'अव्यय' धाई ।

संस्कृत व्याकरणे 'अव्यय' या लक्षण थुगु
प्रकारं याना तल :—

सदृशं त्रिषुलिङ्गेषु सर्वासु च विभक्तिषु ।

वचनेषु च सर्वेषु यन्न व्येति तदव्ययम् ॥

अर्थात् 'अव्यय' धयागु मिसा—मिजँ—

नपुंसक जुई मखु, सदा कालं स्वंगु लिङ्गे

नँ समान जुई, कर्त्ता—कर्म—करण आदि
कारक जुई मखु, छगु—न्यगु—स्वंगु थुगु
प्रकारँ गन्ती जुई मखु वेत 'अव्यय' धाई,
यथा :—

हाकनँ—उवले—आवले इत्यादि ।

थ्व 'क्रिया' व 'अव्यय'या व्याख्या क्रिया
प्रकरणे तथा अव्यय प्रकरणे जुईतिनि ।

अर्थबोधक शब्द विषये-

संज्ञावाचक शब्दया भेद तथा लक्षण ।

(Kinds & definition of Noun.)

(५३) संज्ञावाचक शब्द न्यागु प्रकारया दुः—

(अ) जातिवाचक । (Common noun)

(आ) व्यक्तिवाचक । (Proper noun)

(इ) समूहवाचक । (Collective noun)

(ई) द्रव्यवाचक । (Material noun)

(उ) भाववाचक । (Abstract noun)

गुगु शब्दँ जातया अर्थ प्रकट जुई वेत
जातिवाचक शब्द धाई, यथा :—

(अ) मनुष्य, पशु, पक्षी, वृत्त आदि ।

विवरण :—'मनुष्य' धाल धाय्व संसारे दक मनुष्य-

जातिया ग्रहण जुल, थुगु प्रकारँ पशु-पक्षी-वृत्त
आदि जातिवाचक शब्द सीक्य माल ।

(आ) 'व्यक्ति वाचक' संज्ञा शब्द धयागु छहो सिगु
जक नाँ प्रकट याईगु शब्दयात धाई, यथा :—

राम—कृष्ण—बुद्ध आदि अलग अलग
व्यक्तिया नाँ जुल ।

(इ) 'समूह वाचक' संज्ञा शब्दँ 'बटौ'यात
प्रकट याई, यथा :—बटौ, फौज आदि ।

(ई) गुगु शब्दँ द्रव्य अर्थात् प्राकृतिक पदार्थ-
वस्तुयात निर्देश याई वेत द्रव्य वाचक शब्द
धाई :—

लुँ, वह, ली, केँ, दुरु, चिकँ आदि ।

(उ) उगु उगु पदार्थया धर्म, अवस्था वा स्वभाव
प्रकट याईगु शब्दयात 'भाववाचक' संज्ञा
शब्द धाई, यथा :—

धर्म वा रक्त—रक्तता । ह्याऊँ—ह्याऊँस्य च्चोँगु ।

स्वभाव—कृष्ण—कृष्णता । हाकु—हाकुस्य च्चोँगु ।

वाचक । मधुर—माधुर्य । माकु—माकुस्य च्चोँगु ।

अवस्था—दरिद्र—दरिद्रता वा दारिद्र्य ।

वाचक निर्धन—निर्धनता ।

संज्ञावाचक शब्दविषये परीक्षाविषय ।

(Examination of nouns.)

(५८) संज्ञा वाचक शब्दे ध्व स्वंगु भेद सीक्यः

मालः—

(अ) रूढि । (स्वतः प्रसिद्ध संज्ञा वाचक शब्द) (Noun denoting traditional or customary meaning of words.)

(आ) यौगिक । (मिश्रित संज्ञा वाचक शब्द) (Derivative in form or meaning.)

(इ) योगरूढि । (मिश्रित तथा प्रसिद्ध संज्ञा वाचक शब्द । (Compound word used in a sense different from the meanings of its component members.)

(अ) गुगु शब्दया भाग—खण्डया अर्थ दै मखु, किन्तु व शब्दया सम्पूर्ण वर्ण मिले जुया प्रसिद्ध संज्ञा वाचक शब्दया अर्थ प्रकट जुई उजागु शब्दयात रूढि शब्द धाई, यथाः—

सल, किसि, मिसा, मिजँ इत्यादि ।

विवरणः—‘सल’ ध्व न्यग आखः मिले जुया ‘घोड़ा’य ।

अर्थ प्रतीति जुल, ध्व शब्दे, ‘स—ल’ शब्द खण्डया फरक फरक अर्थ बोध जुई मखु । थुगु प्रकारँ मेमेगु संज्ञा वाचक रूढि शब्द सीक्य माल ।

(आ) न्यगु शब्द वा छगु शब्दे मेमेगु प्रत्यय (Affix) याना सिद्ध जुईगु शब्द यात ‘यौगिक’ धाई, यथाः—

जीव—धारी=जीवधारी ।

प्राण—धारी=प्राणधारी ।

पाठ—क=पाठक ।

लेख—क=लेखक ।

(इ) गुगु शब्द स्वरूपँ स्वे बले यौगिक थेँ च्वनी, किन्तु थःगु अर्थ थुलि विशेषता जुई कि अवयव अर्थात् एक भागया अर्थ तोता सांकेतिक अर्थ (इशारा याना तःगु) यात प्रकाश याई, थुजागु शब्दयात ‘योगरूढि’ धाई, यथाः—

गणेश, लम्बोदर, पङ्कज, पीताम्बर ।

विवरणः—‘गण-ईश, लम्ब-उदर’ ध्व न्यगु २ शब्द मिले जुया ‘गणेश-लम्बोदर’ शब्द सिद्ध जुल, ‘गण’ या अर्थ ‘बठौ’, ‘ईश’ या अर्थ ‘भालिक’

एवं 'लम्ब' या अर्थ 'तःहाक', 'उदर' या अर्थ 'वा' जुल, थ्व न्यिगु २ शब्द मिले जुया 'छगु वठाँया मालिक तथा 'तःहाकगु प्वाङ्ग' न्हाङ्ग जूसॉ वेगु नाँ 'गणेश' व 'लम्बोदर' जुई मागु खः, किन्तु थ्व शब्दया अर्थ तोता थन सांकेतिक अर्थ महादेवया काय्या नाँ 'गणेश' व लम्बोदर जुल ।

अथे हे 'पङ्क' धयागु 'ध्याच' 'ज' या अर्थ उत्पन्न जुईगु अर्थात् ध्याचले उत्पन्न जुईगु पदार्थया नाँ 'पङ्कज' जुल, ध्याचले ला अन्न आदि अनेक पदार्थ उत्पन्न जुई, किन्तु उगु २ ध्याचले उत्पन्न जुईगु अन्न आदिया नाँ पङ्कज जुई मखु, 'पलेस्वाँयागु जक नाँ 'पङ्कज' धका प्रसिद्ध जुया च्वन । थुगु प्रकारँ 'पीताम्बर' आदि योगरूढि शब्द नै सीक्य माल ।

अर्थबोधक संज्ञाशब्दया परीक्षाविषये

लिंग-संख्या-कारकविषय ।

(Gender, number & case.)

(५६) संज्ञा वाचक शब्द उच्चारण याय् बले 'लिङ्ग—संख्या—कारक' थ्व स्वंगु उपस्थित

जुई, अर्थात् व संज्ञावाचक शब्दया पुल्लिङ्ग-स्त्रीलिङ्ग-नपुंसक लु लिङ्ग खः, व संज्ञावाचक शब्द गोगु दु, तथा वया कर्त्ता-कर्म आदि छु कारक जुया च्वन, संज्ञा वाचक प्रत्येक शब्दे थ्व स्वंगु अर्थया प्रतीति जुई, अतएव :—

(अ) लिङ्ग । (Gender.)

(आ) संख्या । (Number.)

(इ) कारक । (Case.)

थ्व स्वंगु विषयया व्याख्यान याय् माल ।

(Kinds & definition of Gender.)

लिंगभेद तथा लिंगरूपाण ।

(अ) 'लिङ्ग' या अर्थ चिन्ह, थ्व लिङ्गया स्वंगु भेद दु :—

(क) पुल्लिङ्ग । (Masculine)

(ख) स्त्रीलिङ्ग । (Feminine)

(ग) नपुंसकलिङ्ग । (Neuter)

(क) गुरु शब्द 'मिज' यात प्रकट याई व शब्द

पुल्लिङ्ग धका सीकिः—

मिज, खा आदि ।

(ख) गुगु शब्द 'मिसा'यात प्रकट याई व शब्द स्त्रीलिङ्ग जुई :—

मिसा-माखा आदि ।

(ग) गुगु शब्द उच्चारण याय् बले पुलिङ्ग-स्त्री-लिङ्ग छुटे जुई मखु थुजागु शब्द नपुंसक लिङ्ग धका सीकि :—

सिमा—छे—स्वाँ—फल आदि ।

विवरणः—अंग्रेजी भाषा—व्याकरणे थुगु प्रकार हे नियम जुयाचन, किन्तु संस्कृत—व्याकरणे ध्व नियम मखु, ध्व संस्कृत—व्याकरणे 'मिजै-मिसा' छुटे जुईगु शब्दयात पुलिङ्ग स्त्रीलिङ्ग धाई मखु, किन्तु शब्दया स्वरूप भेद जक लिङ्ग भेद सी दई, यथा :—

विसर्गयुक्त अकारान्त 'रामः-कृष्णः-बुद्ध' आदि प्रायः पुलिङ्ग, दीर्घ अकारान्त व दीर्घ ईकारान्त 'विद्या-गंगा, देवी-स्त्री' आदि प्रायः स्त्रीलिङ्ग तथा विसर्ग रहित हलन्त मकारान्त 'धनम्-वनम्-फलम्' आदि प्रायः नपुंसकलिङ्ग जुया चन ।

हानै संस्कृत व्याकरणे शब्दया छगु भिन्न लिङ्ग जुया मेगु भिन्नलिङ्गयात प्रकट याई,

यथाः—'कलत्र-दारा' आदि स्त्रीवाचक शब्द ।
थन 'कलत्र' नपुंसकलिङ्ग, 'दारा' पुलिङ्ग जुया चन, किन्तु अर्थे न्यिगुपदया 'मिसा' जुल ।

ध्व नेपाल भाषा व्याकरणे लिङ्ग नियम प्रायः अंग्रेजीभाषा व्याकरणे थें जुया चन ।

अर्थबोधक शब्दविषये लिङ्गपरीक्षाविषय ।

(Examination of gender.)

(६०) नेपालभाषा—व्याकरणशास्त्रे मिजै-मिसा छुटे याय्गु स्वंगु प्रकारया नियमदु :—

(क) मिसा—मिजै छुटे याय्गु पृथक् २ शब्द दु, यथा :—

पुलिङ्ग ।	स्त्रीलिङ्ग ।
मिजै	मिसा ।
भाट	कला ।
व्वा	माँ ।
काय्	ह्याय् ।
वाज्या	बज्ये ।
वाजु	माजु ।
किजा	क्यहें ।
जुजु	राणी ।

पुल्लिङ्ग । स्त्रीलिङ्ग ।

नाय् नै ।

डोह सा ।

दुगु चले ।

ग्वंग मा खा ।

(ख) पुल्लिङ्गशब्दे 'नी' स्त्रीप्रत्यय याना विल

(धासा स्त्रीलिङ्ग जुया बनी :—)

पुल्लिङ्ग । स्त्रीलिङ्ग ।

ब्रह्म ब्रह्मुनी ।

जोशी जोशिनी ।

क्षत्री क्षत्रिणी ।

ज्यापु ज्यापुनी ।

नौ नौनी ।

श्वमी श्वमिनी ।

गठु गठुनी ।

उड़ाय् उड़ाय्नी ।

विवरण—पुल्लिङ्ग शब्दया अन्तिम स्वर दीर्घ जूसा 'नी' स्त्रीप्रत्यय (Affix) जुई बले दीर्घ स्वर ह्रस्व जुया बनी, यथा :—

जोशी—जोशिनी । धन 'शि' ह्रस्व जुल ।

क्षत्री—क्षत्रिणी । इत्यादि ।

(ग) संज्ञावाचक शब्दया पूर्व 'बा—मा' अथवा

'दु—मा' आगम याःसा नै पुल्लिङ्ग स्त्रीलिङ्ग

सिद्ध जुई, यथा :—

पुल्लिङ्ग । स्त्रीलिङ्ग ।

बा सल मा सल ।

बा किसि मा किसि ।

बा हें मा हें ।

दु मे मा मे ।

दु सा मा सा ।

विवरण :—'मा सा' शब्दयात 'सा' जक धाय्गु चलन दु ।

(६१) उभयलिङ्ग वाचक (न्यगुलिङ्ग प्रकट जुईगु) शब्दयात साधारणलिङ्ग (Common Gender) धाई, यथा :—

त्वाय्—मचा—सन्तान आदि ।

विवरण :—'त्वाय्' धाल धाय्व मिसा—मिजें न्यह्यँ बल, किन्तु मिसाह्य त्वाय्यात 'त्वाय् भट' शब्दया प्रयोग नैजू । 'त्वाय्' शब्द तुल्य 'मचा,—सन्तान' शब्द नै उभयलिङ्ग प्रतीति जुई ।

संस्कृत व्याकरणे थे नेपालभाषा व्याकरणे स्वंगु प्रकारया लिङ्ग व्यवहार मजू, केवल

पुलिङ्ग व स्त्रीलिङ्गया जक व्यवहार जुया च्वन,
नपुंसक लिङ्गया प्रायः व्यवहार मजू धका
सीक्य माल हिन्दो व्याकरणे नँ अथे हे पुलिङ्ग
व स्त्रीलिङ्गया जक विशेष व्यवहार जुया च्वन ।

(आ) संख्याविषये संख्याभेद तथा लक्षण ।

(Kinds & definition of number.)

(६२) 'संख्या' भयागु नम्बर—गन्ती, गन्तोयात
'वचन' धाई, थ्व वचन न्यिगु प्रकारया दुः—

(क) एक वचन । (Singular)

(ख) बहुवचन । (Plural)

(क) गुगु संज्ञावाचक शब्द 'छह' जक वा 'छगु'
प्रकट जुई वेत 'एक वचन' धाई, यथा :—
व मचाँ आखः ब्वना च्वन ।

थन 'मचा' छह जक जूया नीतिँ एक
वचन जुल ।

(ख) गुगु संज्ञावाचक शब्द तःहमछि प्रकट
जुई वेत 'बहुवचन' धाई, यथा :—

थुपीँ मचातसेँ आखः ब्वना च्वन ।

थन 'मचातसेँ' आपा मचात दुया नीतिँ

बहुवचन जुल ।

शब्दविषये संख्यापरीक्षा विषय ।

(Examination of number)

(६३) संस्कृत व्याकरणे थें थ्व व्याकरणे द्विवचन-
या प्रयोग मजू, किन्तु अंग्रेजी व हिन्दो व्या-
करणे थें एकवचन व बहुवचनया जक व्यव-
हार जुयाच्वन, यथा :—

एक वचन ।

बहुवचन ।

मनु

मनुत—मनुपोँ ।

मिसा

मिसात—मिसापोँ ।

मिजँ

मिजँत—मिजँपोँ ।

द्विवचन प्रयोग याय् माल धाय्व प्राणि-
अप्राणिवाचक संज्ञाशब्दे यथाक्रम संख्या-
वाचक 'न्यिह्म—न्यिगु' शब्द मिले याय् मा,
यथा :—

न्यिह्म

सल

बल ।

न्यिगु

कल

हल ।

न्यिह्म

मचा

खल ।

(६४)

एकवचन बहुवचन देखेगु नियम स्वंगु
प्रकारया दुः—

(अ)

मनुष्यवाचक एकवचन शब्द 'त' वा

‘पी’ प्रत्यय जुई । उदाहरण (६३) थुगु नियमे
(बोधुन ।

विवरण :—थ्व ‘त—पी’ प्रत्यय मनुष्य वाचक संज्ञा
शब्दे जक जुई, प्रायः ‘पी’ प्रत्यय कुटुम्ब सम्बन्धे
तथा आदरवाचके जुई, अन्य प्राणिवाचक शब्दे
केवल ‘त’ प्रत्यय जुई यथा :—

सलत—किसित बल ।

किन्तु थ्व ‘त’ प्रत्यय तःसां ज्यू, मतः-
सां ज्यू ।

‘सल-किसी बल ।’ थथे नै व्यवहार जू ।

(आ) प्राणिवाचक शब्दे एकत्व, द्वित्व तथा बहुत्व
अर्थ प्रकट याय्तः संख्यावाचक शब्द पूर्व
वई :—

एकव० छह सल । छह किसि ।

द्विव० न्यह सल । न्यह किसि ।

बहुव० स्वह सल । स्वह किसि ।

विवरण :—

थुगु नियम मनुष्यवाचक शब्दे नै जू :—

एकव० छह मिजै । छह मिसा ।

द्विव० न्यह मिजै । न्यह मिसा ।

बहुव० स्वह मिजै । स्वह मिसा ।

(इ) अप्राणिवाचक शब्दया एक वचन बहुवचन
देक्येगु नियम शब्दस्वरूप भेद अनेक प्रकारया दु,
किन्तु प्रायः न्हेगु प्रकारया नियम दया च्वन :—

(१) गोल पदार्थ वस्तुवाचक शब्दे संख्यावाचक
शब्द ‘ग’ प्रत्यय* जुई :—

एकव० छग सन्तरासि ।

द्विव० न्यग ” ।

बहुव० स्वंग ” ।

(२) अलग २ भाग जुया च्वाँ गु तःहँ गु चीजे
संख्यावाचक शब्द ‘खा’ प्रत्यय जुई :—

एकव० छखा छै ।

द्विव० न्यखा छै ।

बहुव० स्वखा छै ।

(३) दाँ न्यो बले संख्यावाचक शब्द ‘का’
प्रत्यय जुई :—

* शब्दया न्होने वर्ण वईगुयात ‘प्रत्यय’ धाई,
शब्दया स्थाने मेगु शब्द वईगुयात ‘आदेश’
धाई, शब्दया न्हापा वा न्यगु शब्दया दट्ठी
वईगु वर्णयात ‘आगम’ धाई । ‘थ्व दकमनै
लुमका तये माल ।

एकव० छर्का ।

द्विव० न्यिर्का ।

बहुव० स्वरका ।

विवरण :—प्राचीन समये तथा थौं कन्हे 'र्का' या भासे 'टका' वा 'तका' शब्दया व्यवहार नै जुया च्वन, यथा :—

छटका, न्यिटका, स्वरटका इत्यादि ।

(४) प्रकार (kind) प्रकट जुई वले संख्या-वाचक शब्द 'ता' प्रत्यय जुई :—

एकव० छता मही ।

द्वि० न्यिता मही ।

बहुव० स्वता मही ।

(५) ठुचिना तःगु चीजे संख्यावाचक शब्द 'कले' वा 'ठु' प्रत्यय जुई :—

एकव० छकले—छठ ।

द्विव० न्यिकले—न्यिटु ।

बहुव० स्वकले—स्वठु ।

(६) पटिचीं गु वस्वी संख्यावाचक शब्द 'पा' प्रत्यय जुई :—

एकव० छपाः सुखू । छपाः हासा ।

द्विव० न्यिपाः सुखू । न्यिपाः हासा ।

बहुव० स्वपाः सुखू । स्वपाः हासा ।

(७) प्रत्येक साधारण वस्वी संख्यावाचक शब्द 'गु' प्रत्यय जुई, यथा :—

छगु वस्तु, न्यिगु वस्तु, स्वंगु वस्तु ।

किन्तु प्राणिवाचक सर्वसाधारण शब्दे

संख्यावाचक शब्द 'ह्म' प्रत्यय जुई, यथा :—

छह्म पुरुष, न्यिह्म पुरुष, स्वह्म पुरुष ।

छह्म किसि, न्यिह्म किसि, स्वह्म किसि ।

विवरण :—थुगु प्रकारें संज्ञावाचक शब्दया न्हापाँ भिन्न २ प्रकारया संख्यावाचक शब्दया व्यवहार जुईगुयात अंग्रेजी भाषाँ आर्टिकल (Article) धाई, निर्देशक (इशारा याईगु) यात आर्टिकल धाई । थुलि च्वे च्वयातःगु न्हेगु भेदयात अंग्रेजी भाषाँ इन्डैफिनिट आर्टिकल (Indefinite article) धाई ।

अंग्रेजी व्याकरणे थुजागु आर्टिकलया स्वरूप 'ए—एन' (A—An) थ्व न्यिगु जक

जुया च्वन, संस्कृत आदि व्याकरणे नै 'एकः एका एकम्' स्वंगुलिङ्ग भेदें स्वंगु प्रकारया दया

चवन, किन्तु ध्व नेपालभाषा-व्याकरणे थुजागु आर्टिकल अनेक प्रकारया दया चवन, संख्या-वाचक आर्टिकल (निर्देशक) या थुलिमछि भद ला प्रायः मेमेगु व्याकरणे नै गनै खने मरु, थुलि मछि आर्टिकलया भेद ध्व नेपालभाषा व्याकरणे दया च्वाँ या नीतिँ ध्व नेपालभाषा-या महत्त्व प्रकट जुया चवन ।

संज्ञावाचक शब्दे लिङ्ग व संख्याया व्याख्यान याय् धुन, आ क्रमँ बोगु 'कारक'या व्याख्यान याय् माल ।

(इ) संज्ञावाचक शब्दे कारकविषय ।

(Case.)

कारकया स्वरूप व अर्थ ।

(६५) गुगु द्वारँ वाक्ये विशेषरूपँ क्रियानापँ वा मेमेगु शब्दनापँ संज्ञावाचक शब्दया ठीक २ संबन्ध प्रकाशित जुई संस्कृत भाषाँ वेत 'कारक' धाई, अंग्रेजी भाषाँ (Case) केस धाई ।

विवरण :—संस्कृत व्याकरणे थें नेपालभाषा-व्याकरणे नै च्यागु कारक दु, ध्व कारकया नियम मदुगु

जुसा खँ ल्हाय् बले वाक्यया अर्थ ठोक्क्य फई मखु, यथा :—

'रामँ बाणँ रावणयात स्यात ।

थुगु वाक्ये 'राम-बाण-रावण' ध्व स्वंगु शब्द संज्ञावाचक जुया चवन, ध्व वाक्ये अनुनासिक (ँ) व 'यात' कारक चिन्ह लिक्क्या बिल धासा 'राम—बाण—रावण स्यात' थथे जुई' थुकी सम्बन्ध मिले मजूया नीतिँ अर्थ ख्वले मजू, 'अनुनासिक' व 'यात' कारक चिन्ह संज्ञावाचक शब्दे मिले याना बिल धाःसा जक 'रामँ बाणँ रावणयात स्यात' थथे धाय् बले ठीक २ अर्थ प्याहाँ वई ।

कारक भेद तथा लक्षण ।

(Kinds & definition of Case.)

(६६) ध्व कारक च्यागु प्रकारया दुः—

- (१) कर्ता । (Nominative.)
- (२) कर्म । (Objective.)
- (३) करण । (Instrumental.)
- (४) सम्प्रदान । (Dative.)
- (५) अपादान । (Ablative.)
- (६) सम्बन्ध । (Possessive.)

(७) अधिकरण । (Locative.)

(८) सम्बोधन । (Vocative.)

(कर्त्ता) वेत कर्त्ताकारक धाई गुह्यसेँ क्रियाया ज्या याई, थुगु (५६) नियमे क्रियाया व्याख्यान याना वेधन, एकवचने कर्त्ताकारके अकर्मक धातुषा कर्त्ता जुई वले विशेष प्रत्यय जुई मखु, किन्तु कर्त्ताकारकया बहुवचने 'पीँ', प्रत्यय जुई ।

यदि सकर्मक क्रियाया कर्त्ता जुल धाःसा कर्त्ताकारके एकवचने केवल अनुनासिक (ँ) तथा बहुवचने 'पिसँ' प्रत्यय जुई, ध्व च्यागु कारक प्रत्यययात 'विभक्ति' धाई यथा :—

(क) राम वल ।

” रामपीँ वल ।

(ख) रामँ रावणयात स्यात ।

” रामपिसँ ” ”

विवरण :—प्रथम वाक्ये 'वल' अकर्मक क्रियाया कर्त्ता 'राम' जुल, अतएव थन कर्त्ताय् एकवचने विभक्ति प्रत्यय म वल । कर्त्ताकारके राम शब्दया बहुवचने 'पीँ' प्रत्यय जुल ।

द्वितीय वाक्ये सकर्मक 'स्यात' क्रियाया कर्त्ता 'राम' जुल, अतएव थन एकवचने अनुनासिक (ँ) विभक्ति प्रत्यय वल, बहुवचने 'पिसँ' प्रत्यय जुल ।

(कर्म) गुगुली क्रियाया फल-परिणाम प्याहँ वई वेत कर्मकारक धाई, कर्मकारकया विभक्ति प्रत्यय एकवचने 'यात' जुई, तथा बहुवचने 'पिन्त' प्रत्यय जुई यथा :—

रावणयात स्या ।

रावणपिन्त स्या ।

मनुयात धा ।

मनुपिन्त धा ।

विवरण :—थन 'स्या-धा' क्रियाया कर्म 'रावण' व 'मनु' जुल, अतएव न्यथा नँ 'यात' व 'पिन्त' विभक्ति प्रत्यय जुल । गनँ २ बहुवचने 'पिन्त'-या थासे 'तेत' प्रत्यय जुई, यथा :—'मनुतेत' धा' इत्यादि ।

ध्व 'यात' प्रत्यय प्राणिवाचक शब्दँ जक जुई, अप्राणिवाचक शब्दँ 'यात' प्रत्यय जुई मखु, अथेवूँ च्वनी, यथा :—

सफ स्व । आखँ व्वँ । दाँ हिँ ।

फिन्तु प्राणिवाचक शब्दं गनं २ 'यात'
प्रत्यय याःसाँ ज्यू, मयाःसाँ ज्यू, ध्व थःगु
आधीने जुथा च्वन, यथा :—

मनु स्या । मनु पा ।

भुजीँ ख्या । सल च्यु ।

किन्तु एकवचने सर्वनामवाचक 'गुह्य, म्नी'
आदि शब्द 'सित-त' प्रत्यय जुई, बहुवचने केवल
'पिन्त' प्रत्यय जुई :—

गुह्यसित, गुह्यपिन्त । म्नीत, म्नीपिन्त
इत्यादि ।

(करण) गुगु वस्तुया सहायताँ कर्ताँ ज्या सिद्ध
याई वेत 'करणकारक' धाई, करणकारके
कर्ताकारके थेँ एकवचने वस्तुवाचक शब्दं
अनुनासिक (ँ) प्रत्यय जुई :—

रामँ रावणयात बाणँ कैकल ।

विवरण :—ध्व उदाहरणे रावणयात केव्यतः बाणया
सहायता जुल, अतएव 'बाण' करणकारक
जुल । 'बाण' अप्राणिवाचक शब्द जूया नीतिँ
करणकारके प्रायः एक वचनया जक प्रयोग
दया च्वन, एकवचनं बहुवचनया अर्थ नँ प्रतीत
जुई ।

ध्व करणकारके सामान्य रूपं दकमनँ अनु-
नासिक प्रत्यय जुई, किन्तु निम्नलिखित विशेष
२ शब्दे अनुनासिक (ँ) विभक्ति प्रत्यय नापँ
मेमेगु वर्णया नँ आगम जुई :—

(१) 'रव्वा—नुग' आदि शब्दे अनुनासिक प्रत्यय
नापँ 'ल' आगम जुई :—

ख्वालँ हाकु नुगलँ हाकु ।

(२) 'फ्य—न्हाय्' आदि शब्दे अनुनासिक
प्रत्यय जुई तथा 'य्' या थासे 'स' आदेश
जुई :—

वँ टुफिँ पुईम्वाःक फसँ पुईका यंकल ।

वँ न्हासँ चुया ज्या यात ।

(३) 'काय्—म्हाय्' आदि शब्दमध्ये 'काय्'
शब्दे अनुनासिक प्रत्यय नापँ 'ए' आगम जुई,
तथा 'म्हाय्' शब्दे अनुनासिक प्रत्ययनापँ 'य्'
थासे 'च' आदेश जुई :—

काय्—कायेँ दाय्कल ।

म्हाय्—म्हाय्चँ धाय्कल ।

अधिकरण कारके थेँ करण कारके नँ 'ल्हा-
प्वा' आदि शब्द 'ट—टी—ल' आदि भिन्न २
प्रत्यय जुई :—

ल्हाटँ—ल्हाटीँ ज्या या ।

ध्व प्वालँ बिस्थूँ हुँ ।

सर्वनाम वाचक 'छि—भी' आदि शब्दों करण कारके एक वचने अनुनासिक प्रत्यय नापँ 'स' प्रत्यय जुई, बहुवचने 'छि' शब्दों अनुनासिक प्रत्यय नापँ 'किपिस' तथा 'भी' शब्दों 'पिस' प्रत्यय जुई :—

एकव०

बहुव०

छिँ, छिसँ ।

छिकिपिसँ ।

भीसँ ।

भीपिसँ ।

एवं मेमेगु सर्वनाम वाचक शब्दों कर्त्ता-कर्म आदि कारके भिन्न २ अनेक प्रत्यय जुई, सर्वनामवाचक शब्द प्रकरणे च्वागु कारक-या नँ रूपया व्याख्यान याना बियागु दु, अगँहे रूप स्वया भिन्न २ प्रत्यय सीका काय् माल ।

छगु थ्व लुमंका तय् माल कि, कर्त्ता—करण तथा अपादानकारके प्रायः अनुनासिक प्रत्यय खंगुली नँ जुई, वाक्यया अर्थ स्वया २ कर्त्ता करण आदि पृथक् २ कारक भेद सीक्य मा ।

(सम्प्रदान) कर्त्ता गुह्येसिया निमित्त बोगु ज्या याई वेत 'सम्प्रदान कारक' धाई सम्प्रदान

कारके कर्म कारके थें 'यात' व 'पिन्त' प्रत्यय जुई, यथा :—

गुरू शिष्ययात-पिन्त सफू विल ।

जुजु सिपाहीयात-पिन्त इनाम विल ।

विवरण :—थन शिष्य व सिपाहीया निमित्त कर्त्ता बोगु ज्यायात, अतएव 'शिष्य' व 'सिपाही' सम्प्रदानकारक जुल ।

अंग्रेजी व्याकरणे थुजागु थासे न्यगु कर्म माने याना तल, अप्राणिवाचक 'सफू' आदि कर्मयात (Direct object) डाइरेक्ट आव-जेक्ट धाई, 'शिष्य—सिपाही' आदि प्राणि-वाचक कर्मयात इन्डाइरेक्ट (Indirect object.) धाई

एवं सर्वनाम वाचक 'गुह्य' 'भी' आदि शब्दों कर्म कारके थें एक वचने 'सित-त' तथा बहुवचने 'पिन्त' प्रत्यय क्रमपूर्वक जुई :—गुह्य-सित, गुह्यपिन्त । भीत, भीपिन्त ।

(अपादान) क्रिया जुई बले थाय् छुटे जुईगु अवधि-यात 'अपादान कारक' धाई, अपादान कारके करण कारके थें अनुनासिक प्रत्यय जुई, यथा :—

मनु सिमाँ कुटुँ वल ।

मनु गामँ वल ।

सिमाहः सिमाँ कुटुँ वल ।

विवरण :—‘कुटुँ वल’ धयागु क्रिया जुल, सिमाहः कुटुँ
वई वले सिमाँ सिमाहः छुटे जुल । गुगु थासँ
वस्तु छुटे जुई उगुथासे अपादान कारकया
अनुनासिक विभक्ति प्रत्यय जुई । थन सिमाँ
सिमाहः छुटे जूयानीतिँ ‘सिमा’ शब्दे अपादान
कारकया अनुनासिक (ँ) प्रत्यय जुल, थुगु
प्रकारँ दकमनँ सोक्य माल, किन्तु सर्वनामवाचक
‘गुह्य—भो—उह्य’ आदि शब्दँ अपादान कारके
एकवचने ‘सिके—के—याके’ तथा बहुवचने
‘पिके’ प्रत्यय जुई :—गुह्यसिके, भोके, उह्य-
याके । गुह्यपिके इत्यादि ।

किन्तु प्राणिवाचक संज्ञावाचक शब्दया एक
वचनँ ‘याके’ तथा बहुवचनँ ‘तेके—पिके’ प्रत्यय
जुई, यथा :—

रामयाके दाँ कया हिँ ।

रामतेके—पिके दाँ कया हिँ ।

अप्राणिवाचक संज्ञा शब्दँ प्रायः एक वचने
जक कारक प्रत्यय जुई, एकवचनँ बहुत्व अर्थ
न प्रकट जू ।

(सम्बन्ध) गुगु प्रकारँ थःगु व करपिगु आदि
सम्बन्ध प्रकट जुई वेत सम्बन्ध कारक धाई,
सम्बन्ध कारके एक वचने संज्ञावाचक शब्दँ
‘या’ प्रत्यय जुई तथा बहुवचने ‘पिनि’ प्रत्यय
जुई, यथा :—

रामया सल । कृष्णया किसि ।

रामपिनि सल । कृष्णपिनि किसि ।

सर्वनामवाचक ‘गुह्य—भो’ आदि शब्दँ
क्रम पूर्वक एक वचने ‘सिगु—गु’ तथा बहुवचने
‘पिनिगु’ प्रत्यय जुई :—गुह्यसिगु, गुह्यपिनिगु ।

भोिगु, भोिपिनिगु ।

(अधिकरण) आधारयात अधिकरण धाई, कर्त्ता व
कर्म—द्वारँ गन ज्या जुई उजागु थाय्यात
‘अधिकरण’ धाई । अधिकरण कारके अका-
रान्त इकारान्त आदि अप्राणिवाचक भिन्न २
शब्द भेदँ भिन्न २ प्रत्यय जुई, यथा :—

(१) अधिकरण कारके ह्रस्व अकारान्त शब्दँ ‘इ’
प्रत्यय जुई, ‘अ—इ’ मिले जुया ‘ए’ जुया-
वनी :—

जाल+इ=जाले क्यन ।

दुःख+इ=दुःखे फँसे जुल ।

विवरण :- गद्ये संस्कृत व्याकरणे 'राम' आदि ह्रस्व अकारान्त शब्दया सप्तमी विभक्तिया रूप 'राम + इ = रामे' जुया च्वन, अथे हे थ्व नेपालभाषा—व्याकरणे नै 'जाल + इ = जाले, दुःख + इ = दुःखे' थुगुप्रकारै सर्गत्र ह्रस्व अकारान्त शब्दया रूप सिद्ध जुया च्वन, थुजागु थासे "आद्गुणः । अष्टाध्यायी अ० ६।१।८७" थ्व पाणिनि सूत्रया नियमै 'अ + इ' मिले जुया 'ए' गुण जुल ।

(३१) थुगु नियमे गुणसन्धि प्रकरण स्वया-दिसै ।

थ्व ह्रस्व अकारान्त शब्द नै गनै 'खे' गनै 'ले' प्रत्यय जुई, यथा:—

ल :—लखे म्हिटे मते ।

आख:—आखले अभ्यास या ।

थन 'ले—खे' प्रत्यय जुई बले विसर्गया लोप जुई ।

प्राचीन समये 'लख' 'आखल' शब्दया नै व्यवहार जुया च्वन, किन्तु वर्तमान समये 'लख—आखल' शब्दया चलन मजुल । अकारान्त 'लख—आखल' शब्द जूसा (१) थ्व नियमे थें इकार प्रत्यय जुया अ + इ = मिले

जुया 'ए' जुई किन्तु थौं कन्दे 'लख—आखल' शब्दया व्यवहार मजू ।

(२) आकारान्त शब्द प्रायः न्यागु प्रत्यय जुई :-

(अ) प्रायः हलन्त 'य्' प्रत्यय जुई :-

ज्या—ज्याय् धन च्वना च्वन ।

विवरण :- थन हलन्त यकारया पृथक् उच्चारण याय् मज्यू, किन्तु आकारान्त शब्द नापै उच्चारण याय् मा ।

(आ) आकारान्त शब्द गनै 'टे' तथा 'टी' प्रत्यय जुई :-

ल्हा—ल्हाटे—ल्हाटी घा जुल ।

(इ) आकारान्त शब्द गनै 'याके' 'पिंके' तथा 'तेक्ये' प्रत्यय जुई :-

काय् म्हाय् याके—पिंके—तेक्ये श्रद्धा भक्ति मःत ।

माँ व्वायाके पिंके विश्वास मःत ।

किन्तु 'न्हाय्, थाय्' आदि शब्द थ्व प्रत्यय जुई मखु, न्हाय् थाय्, शब्दया 'य्' स्थाने 'से' आदेश जुई :-

थाय्—थुगु थासे च्वै ।

न्हाय्—न्हासे कै बल ।

(ई) आकारान्त शब्दें गनँ 'ले' तथा 'ठे' प्रत्यय

जुई :

ख्या, न्यटा—ख्याले मखु न्यटाले ।

एवं भया—भयाले, ना—नाले आदि ।

प्वा—प्वाठे स्यात ।

विवरण :—प्राचीन समये 'ख्याल, न्यटाल, भयाल, नाल' आदि शब्दया नँ प्रयोग जुया चवन, थुगु प्रकारँ अकारान्त जुई बले अधिकरण कारक-या नं० (१) नियम हे लगे जुई, अर्थात् 'इ' प्रत्यय जुया अ + इ मिले जुया 'ए' जुल धका सीक्य माल ।

किन्तु थौं कन्हे ख्याल आदि शब्दया व्यवहार मजू ।

(उ) गनँ २ अनुस्वारयुक्त आकारान्त शब्दें 'ए' प्रत्यय जुई, अनुस्वारया 'म' जुया वनो, यथा :—

दाँ—दाभे सने मते ।

गाँ—गाभे वने मते ।

(इ) ह्रस्व इकारान्त दीर्घ ईकारान्त शब्दें अधिकरण कारके 'इ' प्रत्यय जुई, इ+इ तथा ई+इ मिले जुया छगु दीर्घ 'ई' जुयावनी, यथा :—

ह्रस्व इकार तुटि+इ=तुटी कै वल ।

भुटि+इ=भुटी की दाल ।

कठि+इ=कटी कै दु ।

दीर्घ ईकार बोली+इ=बोली मधुरता सोमदु ।

मही+इ=मही ध्यो मगा ।

(४) ह्रस्व उकारान्त शब्दें 'ई' प्रत्यय जुई, 'उ' या स्थाने 'व्' आदेश जुई, यथा :—

म्हुटु—म्हुट्+व्+ई=म्हुट्वी म्यें दु ।

पुटु—पुट्+व्+ई=पुट्वी गठः चिन ।

आलु—आल्+व्+ई=आल्वी चिकँ मगा ।

विवरण :—ह्रस्व इकार तथा दीर्घ ईकारान्त शब्दया सप्तमी विभक्तिया रूप :—

तुटि + इ=तुटी ।

भुटि + इ=भुटी ।

बोली + इ=बोली ।

मही + इ=मही ।

थुगु प्रकारँ इ+इ अथवा ई+इ थुजागु

सवर्णो वर्ण मिले जुया छगु दीर्घ जुई बले

“अकः सवर्णे दीर्घः । अष्टा० अ० ६।१।१०१”

अत्र पाणिनि सूत्रया नियम लगे जुल । सन्धिया

दीर्घ प्रकरणे (३०) थुगु नियम स्वया दिसँ ।

अथे हे उकारान्त 'भुटु—पुटु' शब्द सप्तमी कारके 'ई' प्रत्यय जुई बले "इको यणचि । अष्टा० अ० ६।१।७७" थ्व प्राणिनि सूत्रया नियमं उकारया थासे 'व' आदेश जुया 'भुट्-वी-पुट्-वी' रूप सिद्ध जुल । (१३) थुगु नियमे यण प्रकरण स्वयादिसँ ।

संस्कृत व्याकरणया नियम थें नेपालभाषा-व्याकरणे नँ थुजागु सन्धि दया च्वाँया नीति थ्व व्याकरणे सन्धि मरु धका धाय्गु विद्वत्ता-या खँ मखु ।

(५) दीर्घ उकारान्त शब्द 'ली' प्रत्यय जुई, तथा दीर्घ उकार ह्रस्व जुया बनी :—

भुटू—भुटुली जाठु ।

कपू—कपू—कपुली फेटु ।

पुखू—पुखुली म्हिटे मते ।

सुखू—सुखुली च्वने मते ।

विचरण :—थ्व नेपालभाषा-व्याकरणे 'ऋ-ऌ-लृ-लृ' अन्ते वर्गशु शब्द मरु, अतएव ऋकारान्त व लृकारान्त शब्दया व्याख्यान मयाना ।

(६) एकारान्त शब्द अधिकरण कारकया विभक्ति प्रत्यय जुई मखु, अथे तँ च्वनी :—

छें—छें मनु दु ।

क्ये—क्ये चि नो ।

(७) ऐकारान्त-ओकारान्त-औकारान्त शब्द प्रायः 'ले' प्रत्यय जुई, किन्तु गनँ 'टे' प्रत्यय जुई :—

खे—खेले भुजीँ फँसे जुल ।

लें—लेंले हा दनि ।

ह्वो—ह्वोटे की दु ।

ओ—ओले चि मगा ।

ल्होँ—ल्होँटे लः दनि ।

खो—खुगुचिया खोले चा थात ।

सौ—सौले की दु ।

खौ—खौले चिकँ दनि ।

विचरण :—अधिकरणे प्राणिवाचक सर्व शब्द एकवचने 'याके' बहुवचने 'पिके तथा 'तेक्ये' प्रत्यय जुई यथा :—रामयाके—पिके—तेक्ये धर्म दु ।

(सम्बोधन) सम्बोधन कारके प्राणिवाचक अथवा अप्राणिवाचक शब्दया न्होने 'हे' आगम जुई, तापाकँ सःत्ये बले जक थ्व सम्बोधनया प्रायः प्रयोग जुई :—

हे राम ! हे रामपी !

हे हरि ! हे हरिपी !

हे भाजु ! हे भाजुपी !

विवरण :—श्व नेपालभाषा-व्याकरणे प्रायः एकवचन व बहुवचनया जक प्रयोग खने दु, कारक विषये बहुवचनया प्रयोग नै प्रायः मनुष्यवाचक शब्दे जक विशेषजू, किन्तु अप्राणिवाचक पदार्थे एक वचनया प्रयोग जुई बले एकत्व तथा बहुत्व अर्थे न्यिगु नै प्रकट जुई, श्व लुमका तय माल ।

च्यागु कारकया संज्ञे पँ व्याख्यान याना वेधुन । आ च्यागु कारकया रूप च्वय-
त्यना :—

संज्ञावाचक शब्दया रूप ।

(Declension of nouns.)

अकारान्त राम शब्द ।

(६७)

	एकव०	बहुव०
(कर्त्ता)	राम	रामपी ।
(कर्म)	रामयात	रामपिन्त ।

एकव० । बहुव०

(करणा) रामँ रामपिसँ ।

(सम्प्रदान) रामयात रामपिन्त ।

(अपादान) रामयाके रामपिँके-तेक्ये ।

(सम्बन्ध) रामया रामपिनि ।

(अधिकरण) रामयाके रामपिँके-तेक्ये ।

(सम्बोधन) हे राम ! हे रामपी !

थुगु प्रकारँ ईश्वर—चन्द्र—कृष्ण—बुद्ध

आदि अकारान्त, वा—माँ—तता—किजा—मचा

आदि दीर्घ आकारान्त, हरि—कवि आदि

इकारान्त, माजु—भाजु—मैजु आदि उका-

रान्त तथा घेमेगु संज्ञा शब्दया रूप रामशब्द

थेँ समानरूपँ चले जुई ।

अर्थबोधक शब्दविषये सर्वनामवाचक शब्द ।

(Pronoun.)

अर्थबोधक शब्दया भेद (५६) थुगु नियमे

व्याख्यान याना वेधुन, संज्ञावाचक शब्दया

न्यागु भेद नै (५७) थुगु नियमे उपदेश याय-

धुन । संज्ञावाचक शब्दविषये लिङ्ग-संख्या-

कारकया नै विशेष विवेचना तथा व्याख्यान

जुई धुंकल । आ ध्व न्यागु सार्थक शब्द मध्ये क्रमप्राप्त 'सर्वनामवाचक' शब्दया विशेष व्याख्यान जुईगु जुल । थन कारक प्रकरणे सर्वनामवाचक शब्दे भिन्न २ कारक प्रत्ययया उपदेश याय् मागु कारणें नँ प्रथम सर्वनामवाचक शब्दया व्याख्यान अत्यावश्यक जुल । ध्व कारक विषयक सर्वनामवाचक शब्दया व्याख्यान याय्धुंका लिपा गुणवाचक शब्दया व्याख्यान जुईतिनि । कारक प्रकरणे संक्षेपँ सर्वनामवाचक शब्दे भिन्न २ प्रत्ययया व्याख्यान याना वेधुन । आ विशेष प्रकारें जुई ।

थुगु (५६-२) नियमे नँ सर्वनामवाचक शब्दया संक्षेपँ उपदेश जुई धुंकल, आ विशेषरूपँ व्याख्यान याय्थ्यना ।

सर्वनामवाचक शब्दया भेद ।

(Kinds of Pronouns.)

(६८) सर्वनामवाचक शब्द ७ प्रकारया दु :-

(१) पुरुषवाचक । (Personal pronoun.)

(२) आदरवाचक । (Pronoun denoting respect.)

(३) प्रश्नवाचक । (Interrogative pronoun.)

(४) सम्बन्धवाचक । (Relative or Con-junctive pronoun.)

(५) निश्चयवाचक । (Demonstrative pronoun.)

(६) अनिश्चयवाचक । (Indefinite pronoun.)

(७) निजवाचक । (Reflexive pronoun.)

विवरण :- सर्वनामवाचक शब्दे तथा अन्य प्राणिवाचक शब्दे भिन्न २ कारक प्रत्यय जुयाच्वन, भिन्न २ कारक प्रत्यय जूसा नँ आपालें मपा, भतो २ जक स्वरूप भेद जुयाच्वन, उगु २ सर्वनामवाचक शब्दया उगु २ कारक प्रत्यय क्वे च्वया तःगु शब्दया स्वरूपँ सोक्य माल ।

सर्वनामवाचक शब्दया रूप ।

(Declension of pronoun.)

सर्वनामवाचके पुरुषवाचक सर्वनाम ।

(Personal Pronoun)

'जि' (अस्मद्—मै—हम वाचक) शब्द ।

(१)	एकव०	बहुव० ।
(कर्त्ता)	जि	जिपीँ ।
(कर्म)	जित	जिमित ।
(करण)	जिँ	जिमिसँ ।
(सम्प्रदान)	जित	जिमित ।
(अपादान)	जिके	जिमिके ।
(सम्बन्ध)	जिगु	जिमिगु ।
(अधिकरण)	जिके	जिमिके ।
(सम्बोधन)	०	०

विवरण :—सर्वनामवाचक शब्दे सम्बोधन गनें दई मखु ।

‘छ’ (युष्मद्-तुम वाचक) शब्द ।

	एकव०	बहुव० ।
(कर्त्ता)	छ	छिपीँ ।
(कर्म)	छन्त	छिमित ।
(करण)	छँ	छिमिसँ ।
(सम्प्रदान)	छन्त	छिमित ।
(अपादान)	छंके	छिमिके ।
(सम्बन्ध)	छंगु	छिमिगु ।
(अधिकरण)	छंके	छिमिके ।

सर्वनामवाचके आदरवाचक सर्वनाम ।

(Pronoun denoting respect.)

(२) ‘छि’ (भक्त—आप वाचक) शब्द ।

	एकव०	बहुव० ।
(अ) (कर्त्ता)	छि	छिकिपीँ ।
(कर्म)	छित	छिकिपिन्त ।
(करण)	छिँ—छिसँ	छिकिपिसँ ।
(सम्प्रदान)	छित	छिकिपिन्त ।
(अपादान)	छिके	छिकिपिके ।
(सम्बन्ध)	छिगु	छिकिपिनिगु ।
(अधिकरण)	छिके	छिकिपिके ।

आदरवाचक बहुवचान्त ‘छः’ (आप वाचक) शब्द ।

(Plural in form.)

	बहुव० ।
(आ) (कर्त्ता)	छः पीँ ।
(कर्म)	छः पिन्त ।
(करण)	छः पिसँ ।
(सम्प्रदान)	छः पिन्त ।
(अपादान)	छः पिके ।

बहुव०

(सम्बन्ध) छः पिनिगु ।

(अधिकरण) छः पिंके ।

विवरण :— विसर्ग रहित 'छ' शब्द अपमान सूचक तथा
विसर्ग सहित 'छः' शब्द अत्यादर सूचक जुई ।

सर्वनामवाचके प्रश्नवाचक सर्वनाम ।

(Interrogative pronoun.)

(३) 'सु' (प्राणिवाचक कौन) शब्द ।

एकव० बहुव० ।

(कर्त्ता) सु सुपी ।

(कर्म) स्वेत—स्वीत सुपिन्त ।

(करण) सुनौ सुपिसँ ।

(सम्प्रदान) स्वेत—स्वीत सुपिन्त ।

(अपादान) स्वेके सुपिके ।

(सम्बन्ध) स्वेगु सुपिनिगु ।

(अधिकरण) स्वेके सुपिके ।

विवरण :— अप्राणिवाचक (कौन) 'सु' तथा कारण-
बोधक छाया (क्यों) शब्दया केवल एकवचन
प्रश्नवाचके प्रयुक्त जुई, यथा :—
छु वस्तु ? छाया थांना ?

'गुगु' (अप्राणिवाचक कौन) शब्द ।

एकव०

बहुव०

(कर्त्ता) गुगु गुपी ।

(कर्म) गुगुयात गुगुपिन्त ।

(करण) गुगु गुपिसँ ।

(सम्प्रदान) गुगुयात गुपिन्त ।

(अपादान) गुगुयाके गुपिके ।

(सम्बन्ध) गुगुसिगु गुपिनिगु ।

(अधिकरण) गुगुली गुपिके ।

विवरण :— प्रायः 'गुगु—गुगु' आदि शब्दया एकवचन
प्रयोग वस्तुवाचके जुई, बहुवचनया प्रयोग
प्राणिवाचके जुई, थ्व प्राणि—अप्राणिवाचक
मेद लुमंका तय् माल ।

सर्वनामवाचके सम्बन्धवाचक सर्वनाम ।

(Relative or Conjunctive Pronoun.)

(४) 'गुह्म' (प्राणिवाचक कौन) शब्द ।

एकव०

बहुव० ।

(कर्त्ता) गुह्म गुपी ।

(कर्म) गुह्मसित गुह्मेसित ।

(करण) गुह्म—गुह्मसेँ गुह्मपिसँ ।

एकव० बहुव० ।

(सम्प्रदान) गुह्मसित गुह्मेसित ।

(अपादान) गुह्मसिके गुह्मेसिके ।

(सम्बन्ध) गुह्मसिगु गुह्मेसिगु ।

(अधिकरण) गुह्मसिके गुह्मेसिके ।

विवरण :—श्व सम्बन्ध वाचक सर्वनाम शब्द न केवल पूर्व वर्तु संज्ञावाचक शब्दयात जक निर्देश याई (गथे संकेतवाचक सर्वनाम शब्द यांनाचन) किन्तु श्व सम्बन्धवाचक सर्वनाम शब्द न्यिगु वाक्ययात नँ मिले याई :—

(क) श्व बांलागु छे खः गुगुली जि चवना ।

(ख) श्व छे—गुगुली जि चवना—बांलागु खः ।

(ग) श्व गुरु—गुह्मसेँ जित आखः
व्वंकल—विद्वानह खः ।

श्व स्वंगु वाक्ये रेखाङ्कित सम्बन्धवाचक शब्द 'छे—गुरु' यात संकेत नँ यात, न्यिगु वाक्ययात नँ मिले यांना बिल ।

'गुरु' शब्दया प्रयोग सम्बन्धवाचके नँ जू प्रथम-द्वितीय वाक्ये उदाहरण बीधुन, किन्तु श्व 'गुरु' शब्द अप्राणिवाचके जक प्रयुक्त जुई ।

निश्चयवाचक सर्वनाम ।

(Demonstrative Pronoun.)

(५) प्राणिवाचक समीप निर्देशक (यह) 'श्व' शब्द ।

एकव० बहुव० ।

(अ) (कर्त्ता) श्व थुपी ।

(कर्म) श्वेत थुमित ।

(करण) श्व थुमिसँ ।

(सम्प्रदान) श्वेत थुमित ।

(अपादान) श्वेके थुमिके ।

(सम्बन्ध) श्वेगु थुमिगु ।

(अधिकरण) श्वेके थुमिके ।

प्राणिवाचक समीपनिर्देशक (यह) 'थुह्म' शब्द ।

एकव० बहुव० ।

(आ) (कर्त्ता) थुह्म थुपी ।

(कर्म) थुह्मसित-थुह्मेसित थुमित ।

(करण) थुह्म-थुह्मसेँ थुमिसँ ।

(सम्प्रदान) थुह्मसित-थुह्मेसित थुमित ।

(अपादान) थुह्मसिके-थुह्मेसिके थुमिके ।

(सम्बन्ध) थुह्मसिगु-थुह्मेसिगु थुमिगु ।

(अधिकरण) थुह्मसिके-थुह्मेसिके थुमिके ।

विवरण :—'थुपी' आदि न्हेगु शब्दया अर्थे क्रमपूर्वक

‘इपी’, इमित, इमिसँ, इमित, इमिके, इमिगु,
इमिके’ ध्वः हेगु शब्दया नै व्यवहारजू ।

प्राणिवाचक दूरनिर्देशक (वह) ‘व’ शब्द ।

	एकव०	बहुव० ।
(इ) (कर्त्ता)	व	उपी ।
(कर्म)	वेत	उमित ।
(करणा)	वँ	उमिसँ ।
(सम्प्रदान)	वेत	उमित ।
(अपादान)	वेके	उमिके ।
(सम्बन्ध)	वेगु	उमिगु ।
(अधिकरण)	वेके	उमिके ।

प्राणिवाचक दूरनिर्देशक (वह) ‘उह्य’ शब्द ।

	एकव०	बहुव० ।
(इ) (कर्त्ता)	उह्य	उपी ।
(कर्म)	उह्यसित-उह्ये सित	उमित ।
(करणा)	उह्यँ-उह्यसँ	उमिसँ ।
(सम्प्रदान)	उह्यसित-उह्ये सित	उमित ।
(अपादान)	उह्यसिके-उह्ये सिके	उमिके ।
(सम्बन्ध)	उह्यसिगु-उह्ये सिगु	उमिगु ।
(अधिकरण)	उह्यसिके-उह्ये सिके	उमिके ।

अप्राणिवाचक दूरनिर्देशक (वह) ‘उगु’ शब्द ।

	एकव०	बहुव० ।
(उ) (कर्त्ता)	उगु	उपी ।
(कर्म)	उगुयात	उपिन्त ।
(करणा)	उगुँ	उपिसँ ।
(सम्प्रदान)	उगुयात	उपिन्त ।
(अपादान)	उगुयाके	उपिके ।
(सम्बन्ध)	उगुयागु	उपिनि ।
(अधिकरण)	उगुली, उकी, उके	उपिके ।

विवरण :— एवं अप्राणिवाचक समीप निर्देशक ‘थुगु’
शब्दया रूप चले जुई ।

प्रायः अप्राणिवाचक सर्वनाम शब्दया
एकवचन वस्तुवाचके प्रयुक्त जुई, किन्तु बहुवचन
प्रयोग प्राणिवाचके जुई ।

सर्वनामवाचके अनिश्चयवाचक सर्वनाम ।

(Indefinite pronoun.)

(इ) प्राणिवाचक (सब) ‘सकल’ शब्द ।

	एकव०	बहुव० ।
(अ) (कर्त्ता)	सकल	सकले ।
(कर्म)	सकलयात-सकलसित	सकलपिन्त ।

	एकव०	बहुव०
(करण)	सकसिन्न	सकलपिसँ ।
(सम्प्रदान)	सकलयात-सकसित	सकलपिन्त ।
(अपादान)	सकलयाके-सकसिके	सकलपिके ।
(सम्बन्ध)	सकलयागु-सकसिगु	सकलपिनिगु ।
(अधिकरण)	सकलयाके-सकसिके	सकलपिके ।

अप्राणिवाचक (अन्य-और) 'मेगु' शब्द ।

	एकव०	बहुव० ।
(आ) (कर्त्ता)	मेगु	मेपी ।
(कर्म)	मेगुयात	मेपिन्त ।
(करण)	मेगुँ-मेगुलीँ	मेपिसँ ।
(सम्प्रदान)	मेगुयात	मेपिन्त ।
(अपादान)	मेगुयाके	मेपिके ।
(सम्बन्ध)	मेगुया-मेगुयागु	मेपिनिगु ।
(अधिकरण)	मेगुली	मेपिके ।

विवरण :—यन नँ एकवचन प्रयोग अप्राणिवाचके जुई, बहुवचन प्रयोग प्राणिवाचके जुई । एवं प्राणिवाचक 'मेह' शब्दया रूप 'गुह्य—उह्य' शब्द तुल्य चले जुई ।

सर्वनामवाचके निजवाचक सर्वनाम ।

(Reflexive pronoun.)

(७) प्राणिवाचक 'थः' (अपना) शब्द ।

	एकव०	बहुव० ।
(अ) (कर्त्ता)	थः	थःपी ।
(कर्म)	थःत	थःपिन्त ।
(करण)	थःम्हँ	थःपिसँ ।
(सम्प्रदान)	थःत	थःपिन्त ।
(अपादान)	थःके	थःपिके ।
(सम्बन्ध)	थःगु	थःपिनिगु ।
(अधिकरण)	थःके	थःपिके ।

विवरण :—

(१) ध्व 'थः' शब्द मध्यमपुरुषया प्रयोग जुई बले

आदरवाचक जुया वों :—

'थःगु नौं छु ?

अर्थात् छिगु नौं छु ? थन आदरवाचक जुल ।

(२) गनँ २ निजनिमित्त ज्या जुई बले 'थः' शब्द

द्वित्व (डबल) जुया वों :—

वँ थःथःम्हँ बिचायात ।

(३) ध्व 'थः' शब्दया प्रयोग अन्य पुरुष, मध्यम-

पुरुष तथा प्रथम पुरुषे नँ जू :—

वँ—छँ—जिं थःथःम्हँ बिचायाना ।

प्राणिवाचक घमण्डसूचक 'भी' (अपना) शब्द ।

(आ) एक० बहुव० ।

(कर्त्ता) भी भीपी ।

(कर्म) भीत भीपिन्त ।

(करण) भीसँ भीपिसँ ।

(सम्प्रदान) भीत भीपिन्त ।

(अपादान) भीके भीपिके ।

(सम्बन्ध) भीगु भीपिनिगु ।

(अधिकरण) भीके भीपिके ।

कारक विभक्ति ।

(Case-affix.)

(६६) संज्ञा आदि शब्दे मिले याना कारकया विशेष अर्थ प्रकट जुईगु चिन्हयात 'विभक्ति' धाई, थ्व विभक्ति कारकचिन्ह = कारक भेद अनेक प्रकारया दु, प्रत्येक (छगु छगु) कारक चिन्ह पूर्व व्याख्यान याना वेधुन ।

विवरण :—संज्ञावाचक व सर्वनाम वाचक शब्दे कारक चिन्ह भती भती भेद जुया वों, उगु उगु उदाहरण स्वया उगु उगु कारक विभक्तिया भेद सीक्ये माल ।

आ प्राणि-अप्राणिवाचक संज्ञा शब्द तथा सर्वनाम-वाचक शब्द प्रायः जुईगु भिन्न भिन्न कारक विभक्ति सीक्ये अःपुक्क्येया नीति थन बीत्यना ।

संख्या	विभक्ति	अर्थ	कारक प्रत्यय	
			एकवचन	बहुवचन
१	प्रथमा	कर्त्ता	०	पी ।
२	द्वितीया	कर्म	यात, सित, त	पिन्त, तेत, मित
३	तृतीया	करण	ँ, सँ	पिसँ, मिसँ ।
४	चतुर्थी	सम्प्रदान	यात, सित, त	पिन्त, तेत, मित
५	पञ्चमी	अपादान	ँ, याके, के	पिके, मिके, सिके
६	षष्ठी	सम्बन्ध	यां, यागु, सिगु	पिनि, पिनिगु ।
७	सप्तमी	अधिकरण	इ, ई, के, तेक्ये, याके, सिके	पिके, मिके, सिके ।
८	सम्बोधन	सःत्येगु	हे !	हे !.....पी

संज्ञावाचक शब्द विषये कारक परीक्षा विषय ।

(Examination of Case.)

कारक प्रसंगें सर्वनामवाचक शब्दया भेद व्याख्यान याय् धुन, उगु उगु सर्वनामवाचक

शब्दे कारक विभक्तिया भेद नँ सविभक्तिक शब्द-
निर्देशपूर्वक व्याख्यान याय् धुन । आ कारक
विषये गुगु गुगु कारक विभक्ति गुथाय् गुथाय्
जुई थ्व विषयया परीक्षा जुई ।

क्रियाया हेतुयात कारक धाई, अथवा
थय् धाय् माल कि गुगु द्वारँ क्रिया व संज्ञावाचक
शब्दया सम्बन्ध विदित जुई वेत 'कारक' धाई,
कारकया च्यागु भेदया उपदेश अर्थ सहित
(६६) थुगु नियमे जुई धु'कल । 'सम्बन्ध कारक'
(षष्ठी) व 'सम्बोधन' यात विद्वान् पिसँ थ्व न्यिगु
कारकया क्रिया नापँ सम्बन्ध (अन्वय) मज्ज्या
नीतिँ कारक माने याना मतः, थुगु मते खुगु जक
कारक जुल । थ्व खुगु अथवा च्यागु कारक मध्ये
प्रथम कर्त्ता कारकया परीक्षा :—

कर्त्ताकारक ।

(Nominative Case.)

(७०) (क) वेत 'कर्त्ता' धाई गुह्य स्वतन्त्र जुया क्रिया-
या ज्या याई, थुजागु कर्त्तायात 'स्वतन्त्र
कर्त्ता' धाई यथा :—

रामँ धर्म याना च्वन । पापीँ पाप याना च्वन ।

थन कर्त्ताँ धर्म व पाप स्वतन्त्र (स्वाधीन)
जुया याना च्वन ।

(ख) प्रेरणा याना भेषिन्त ज्या याकीह्य गुह्य
खः वेत 'प्रयोजक' अथवा 'हेतु कर्त्ता' धाई,
यथा :—

गुरूँ शिष्ययात आखः ब्वंका च्वन ।

(ग) यदि क्रियाया फल 'कर्मकारके' वन
धाःसा कर्मे नँ कर्त्ता कारक थँ कर्त्ता जुई,
यथा :—

काल विते जुल । सिँ छ्वया च्वन ।

जा बुना च्वन । धौ ख्वया च्वन ।

थुजागु कर्त्तायात 'कर्मकर्त्ता' धाई ।

(घ) क्रियाया ज्या याईह्य गुवले प्रधान अर्थात्
मुख्य जुई उवले कर्त्ताकारक जुई, संस्कृत
भाषाँ थुजागु कर्त्तायात 'उक्त कर्त्ता' अथवा
'अभिहित कर्त्ता' धाई, गुवले कर्त्ता अप्रथम-
अमुख्य अर्थात् गौण जुई उवले कर्मे हे कर्त्ता
जुई, थुजागु कर्त्तायात संस्कृत भाषाँ 'अनुक्त-
कर्त्ता' अथवा 'अनभिहित' कर्त्ता धाई :—

(अ) शिष्यँ आखः ब्वना च्वन । (अभिहित
कर्त्ता)

(आ) शिष्यं (शिष्यपाखे—द्वारं) आखः
व्यनेगु जुल । (अनभिहित कर्त्ता)

प्रथम वाक्ये आखः कर्म जुल तथा
द्वितीय वाक्ये 'आखः' कर्त्ता जुल ।

(ङ) गुवले अर्थवान् (अर्थ दुगु) संज्ञावाचक
शब्दया अर्थमात्र, लिङ्गमात्र, वचन (संख्या)
मात्र तथा परिमाण (तौल) मात्रया विवक्षा
(धाय्गु इच्छा) जुई उबले कर्त्ता कारक
जुई, यथा :—

अर्थमात्र— राम-कृष्ण-बुद्ध महात्मा जुया
वन ।

लिङ्गमात्र— पुलिङ्ग—ऋषि-मुनि ।
स्त्रोलिङ्ग—सीता-दमयन्ता ।
नपुं०—सिमा-छे ।

वचन मात्र—छि—नछि—स्वोँ ।

परिमाण मात्र—मुरी—पाथो—कूछि—
मना आदि ।

(च) सम्बोधन विषये प्रथमा विभक्ति अर्थात्

कर्त्ता कारक जुई, यथा :—

हे शिष्य ! हे विद्यार्थी !

थुगु प्रकारँ कर्त्ता न्यागु प्रकारया जुल :—

(१) स्वतन्त्र कर्त्ता ।

(२) हेतु कर्त्ता ।

(३) कर्म कर्त्ता ।

(४) अभिहित कर्त्ता ।

(५) अनभिहित कर्त्ता ।

उदाहरण च्चे बोधुन ।

कर्म कारक ।

(Objective case.)

(७१) कर्त्ता—कर्म आदिया अर्थ (६६) थुगु नियमे
व्याख्यान याना वेधुन ।

प्रायः खुगु प्रकारया कर्म दु :—

(क) ईप्सित कर्म ।

(ख) अनीप्सित कर्म ।

(ग) ईप्सितानीप्सित कर्म ।

(घ) कर्तृ कर्म ।

(ङ) अभिहित कर्म ।

(च) अनभिहित कर्म ।

(क) ईप्सित धयागु इष्ट अर्थात् कर्त्ता प्राप्त
याय् योगु :—

धर्मात्मै धर्म याना च्वन ।

थन 'धर्म' कर्त्ता योगु जुल ।

(ख) अनीप्सित धयागु अनिष्ट अर्थात् कर्त्ता

प्राप्त याग् मयोगु :—

खुँ विष नल ।

थन कर्त्ताया मयोगु 'विष' जुल ।

(ग) ईप्सित-अनीप्सित (इष्टानिष्ट) धयागु

थःत यो-मयोगु मिसे जुया च्चोँगु :—

जा न नँ धू नल ।

थन 'जा' योगु 'धू' मयोगु जुल ।

(घ) कर्त्ता कर्म जुईगुयात 'कर्तृ कर्म' धाई :—

सिँ फाय्गु जुल ।

जा बुक्येगु जुल ।

थन 'सिँ—जा' कर्त्ता कर्म थें जुल ।

(ङ) अभिहित कर्म धयागु मुख्य—प्रधान

कर्म :—

जा बुक्येगु जुल ।

विवरण :—थन कर्त्ता अप्रधान गौण जुया कर्म मुख्य

जुल, छाया धाःसा 'बुक्येगु जुल' थ्व क्रियापद

कर्तृ कर्म 'जा' यात वल ।

(च) अनभिहित कर्म धयागु गौण—अप्रधान

कर्म :—

वै जा बुकल ।

विवरण :—थन 'बुकल' क्रियाया कर्त्ता 'वै' प्रधान जुल ;

छाया धाःसा 'बुकल' क्रियापद 'वै' कर्त्तायात वल,

'उकिया नीति' कर्म 'जा' अमुख्य—अप्रधान

जुल । थुलि लुमंका तय् माल कि कर्त्ता निमित्त

क्रियापद वई बले कर्त्ता प्रधान जुई, कमनिमित्त

क्रियापद वई बले कर्मप्रधान जुई ।

(इष्टानिष्ट-जागु) करण कारक ।

(Instrumental case.)

(७२) (क) कर्त्ता गुगु पदार्थया सहायता कया ज्या

सिद्धयाई वेत 'करण कारक' धाई । थ्व

व्याख्यान याना वेधुन । यथा :—

कलमँ च्वल । टुटिँ न्यासिवन ।

खुकुडिँ पाल । मिखाँ स्वल ।

विवरण :—थन 'कलम—टुटि—खुकुडि—मिखा'या

सहायतौ च्वयेगु आदि ज्या सिद्ध जुल ।

(ख) गन हेतु—कारण अर्थया प्रतीति जुई अन

करण कारक जुई—तथा अपादान कारक नै

जुई, अप्राणिवाचक संज्ञाशब्दे करण व अपा-
दान कारकया समान रूप जुई :—

चाँ घः देकल । लुँ लुँ चुड़ी देकल ।

विवरण :—थन कारण—कार्यभाव प्रकट जुल ।

(ग) गुगु विकार जुया स्यना च्वाँ गु अंगँ अङ्गो
(शरीरधारी) या विकार प्रतीति जुई अन
करणकारक जुई :—

मिखाँ काँ जुल ।

छयनँ त्याट जुल । (खल्वाट-गंजा जुल)

(घ) मूल्यवाचक संज्ञा शब्दे करण कारक
जुई :—

गुलि भावँ कया ?

न्यिसलँ न्याना ।

(ङ) बाह्य—आभ्यन्तर भेदँ प्रायः करण कारक
न्यिगु प्रकारया दु :—

(अ) शरीरया अवयवँ बाह्य-पृथक्
जुईगु करणयात 'बाह्य-करण कारक'
धार्ई :—

खुकुडिँ पाल । पाँ पाल ।

(आ) शरीरया अवयवाश्रित करणयात
'आभ्यन्तर करण कारक धार्ई :—

मनँ मनँ विचायात । मिखाँ पुलु
पुलुँ स्वल ।

सम्प्रदानकारक ।

(Dative Case.)

(७३) (क) गुह्योसिगु निमित्तँ कर्त्ता कर्मद्वारँ 'सम्-
प्रदान'—अर्थात् 'वाँलाक—बीगु' ज्या याई
उकी सम्प्रदान कारक जुई, सम्प्रदानया
विभक्ति-प्रत्यय 'यात' जुई :—

गुरुँ शिष्ययात विद्या विल ।

विवरण :—थन गुरुँ शिष्ययात बीगु ज्यायात, उकिया
नीतिँ शिष्य सम्प्रदान कारक जुल ।

(ख) 'नमस्कार-स्वस्ति-स्वाहा' शब्द वाक्ये
वई वले गुह्योसिगु निमित्तँ शब्दया
प्रयोग जुई उकी सम्प्रदान कारक जुई :—

गुरु—भगवानुयात नमस्कार ।

शिष्य—मचातेत स्वस्ति ।

मिँ यात (अग्नये) स्वाहा ।

'नमस्कार' या अर्थ सत्कार, 'स्वस्ति' या

अर्थ कल्याण, 'स्वाहा'या अर्थ सस सत्य
खँल्हाना अर्पण याय्गु ।

(ग) प्रेरक—अनिरा कर्त्तृक भेद 'सम्प्रदान'
न्यिगु प्रकारया दु :—

(अ) प्रेरक—धार्मिक ब्रह्मूयात गोदान
बिल ।

थन ब्रह्मूँ जित गोदान व्यु धका
मनँ मनँ बिचा यांना धार्मिकह मनुयात
प्रेरणा यात ।

(आ) अनिराकर्त्तृक—पार्वती देवीँ सुद्योँ
(सूर्य)यात अर्घ्य अथवा मत बिल ।

थन सुद्योँनँ जित अर्घ्य व्यु धका न
स्वेत नँ प्रेरणायात, न प्रार्थना यात, न
स्वेत नँ व्यूसँ मच्यूसँ आदर, अथवा
निरादर यात ।

अपादान कारक ।

(Ablative case.)

(७४) प्रायः चल—अचल भेद अपादान कारक
न्यिगु प्रकारया दु :—

(अ) चल—चले जूगु रेलँ कुटँ वल ।

(आ) अचल—गामँ मनु वल ।

” —पर्वतँ ऋषिपीँ वल ।

अपादान कारकया व्याख्यान (६६) थुगु
नियमे यांना वेधुन ।

सम्बन्ध कारक ।

(Possessive case.)

(७५) (क) स्वत्व अर्थात् थःगु—मालिकपना अर्थ प्रकट
जुई बले सम्बन्ध कारक जुई :—

जुजुया दरवार । थःगु वस्तु ।

(ख) कार्य—कारण भाव प्रकट जुई बले सम्बन्ध
कारक जुई :—

लुँया कल्ली । वहया चमचा ।

कैँया भु । चाया घः ।

(ग) तुल्य, समान, सदृश, आधीन आदि शब्द
नापँ सम्बन्ध कारक जुई :—

रामया तुल्य-समान-सदृश लक्ष्मणा वीर स्वः ।

रामया आधीने सीता महाराणी जुल ।

विवरण :—समास जुई बले सम्बन्ध कारकया विभक्ति
प्रत्यय लोप जुई :—

रामया समान = रामसमान ।

रामया तुल्य = रामतुल्य ।

रामया सदृश = रामसदृश ।

रामया आधीन = रामाधीन ।

(घ) कर्त्तृ-कर्मभाव, सेव्य-सेवकभाव, जन्य-जनकभाव तथा अंग-अंगिभावे सम्बन्ध कारक जुई :—

(१) कर्त्तृ-कर्मभाव—शाल्मोकया रामायणा ।

सेव्य-सेवकभाव—मालिकया च्यो ।

३ जन्य-जनक भाव—माँ ब्याया मचा ।

(४) अंग-अंगीभाव—शरीरया लहा-टुटि ।

अधिकरण कारक ।

(Locative case.)

कारक प्रकरणे 'अधिकरण' या व्याख्यान याना वेधुन । अधिकरणया औपश्लेषिक—वैषयिक—अभिव्यापक—सामीपिक भेद प्यंगु

प्रकारया दुः—

(१) 'औपश्लेषिक' धयागु अधिकरणया छगु

भागया अवयव नापँ सम्बन्ध जुईगुयात धाई,

यथा :—

मुखली फेटु । छँ च्वँ ।

विवरण :—थन 'मुख' तथा 'छँ'या छगु भागया अवयवे जक मनु फेट्नी तथा च्वनी ।

(२) वैषयिक धयागु विषय प्रकट जुईगु ।

मोत्ते इच्छा जुल । आखले अभ्यास या ।

विवरण :—थन मोत्त अथवा आखःया विषय प्रकट जुल ।

(३) अभिव्यापक-धयागु उगु आधार गुगुलो आधेय पदार्थ सम्पूर्ण रूपं व्याप्त जुया च्वनो :—

दुर्बो ध्यो दु ।

हामोले चिकँ दु ।

विवरण :—थन दुर्बो ध्यो तथा हामोले चिकँ दकमन परिपूर्ण जुया च्वन ।

(४) सामीपिक—धयागु नजदीक जुईगु सः-तीगु :—

नदी छँ दु । गंगाय् भोपड़ी दु ।

विवरण :—थन नदीया अथवा गंगया नजदीक भोपड़ी अथवा छँ जुल । सम्बोधन कारकया उपदेश (६६) थुगु नियमे सम्बोधन प्रकरणे याना वेधुन, अनँ हे बुम्मे याय् माल ।

अर्थबोधक शब्दविषये गुणवाचक शब्द ।

(Adjective.)

कारकया भेद, उपभेद, लक्षण तथा परीक्षा समाप्त जुई धुंकल, प्रसङ्ग संगत सर्वनामवाचक शब्दे नँ कारकविभक्तिया भेद निर्देशपूर्वक परीक्षा याना वेधुन ।

आ अर्थबोधक शब्दविषये गुणवाचक शब्दया भेद—उपभेद, लक्षण तथा परीक्षा याय् माल । सामान्य रूपं गुणवाचक शब्दया उपदेश (५६—३) थुगु नियमे याना वेधुन, आ विशेष रूपं व्याख्यान याय् त्यना ।

गुणवाचक शब्दया भेद तथा लक्षण ।

(Kinds & definition of adjective.)

(७७) गुगु शब्दं उगु २ संज्ञावाचक शब्दया विशेष २ गुण अथवा धर्म प्रकट जुई वेत गुणवाचक शब्द धाई, अतएव गुणवाचक शब्दयात 'विशेषण' धयातल, यथा :—

तुयुगु स्वां । हाकुह सल ।

थुजागु गुणवाचक विशेषण न्यागु प्रकार-
या दु :—

(१) गुण अथवा धर्मवाचक । (Adjectives of quality.)

(२) परिमाणवाचक । (Adjective of quantity)

(३) संख्यावाचक । (Numeral adjective.)

(४) दूर तथा समीप निर्देशवाचक । (Demonstrative adjective.)

(५) पृथक् वाचक । (Distributive adjective.)

गुणवाचक शब्दविषये क्रमप्राप्त

गुण अथवा धर्मवाचक शब्द ।

(Adjectives of quality.)

(१) विशेष्य पदया गुण आदि विशेष धर्म प्रकट याईगु शब्दयात गुण अथवा धर्मवाचक शब्द धाई, थ्व गुणवाचक शब्द संज्ञावाचक शब्दया अर्थ परिमित जुई :—

थ्व वोरह मचा । थ्व तुयुह सल ।

थ्व परिश्रमी विद्यार्थी । थ्व होशिया

गुणवाचक शब्दविषये परिमाणवाचक ।

(Adjective of quantity.)

- (२) तौलयात प्रकट याईगु शब्द परिमाण-
वाचक जुई :—

रत्ति, मासा, तोला, पॅल, धानी, बाचकॅ,
चकॅछि, वामना, छमना, कूछि, फछि, मुरि,
एवं आपा, भतीचा, फुक्कॅ इत्यादि ।

गुणवाचक शब्दविषये संख्यावाचक शब्द ।

(Numeral adjective.)

- (३) गन्ती प्रकट याईगु शब्दयात संख्यावाचक
शब्द धाई, थ्व संख्यावाचक शब्द न्यागु
प्रकारया दु :—

(क) शुद्ध संख्यावाचक । (Definite car-
dinal.)

(ख) क्रम संख्यावाचक । (Definite ordi-
nal.)

(ग) आवृत्ति संख्यावाचक । (Multipli-
cative.)

(घ) संख्यांश वाचक । (Fractional
number.)

(ङ) अनिश्चित संख्यावाचक । (Indefini-
te numeral.)

शुद्ध संख्यावाचक ।

(Definite cardinal.)

- (क) पूर्णसंख्या निर्देशक शब्दयात शुद्ध
संख्यावाचक धाई, यथा :—

छि, नछि, स्वोँ इत्यादि ।

- (ख) 'छगुगु, न्यगुगु, स्वंगुगु' आदि वस्तु-
वाचक क्रमबोधक संख्या शब्द जुल ।

'छहहह, न्यहहह, स्वहहह' आदि प्राणि-
वाचक क्रमबोधक संख्या शब्द जुल ।

विवरण :—थुजागु थासे वस्तुवाचक 'छगु' शब्द तथा
प्राणिवाचक 'छहह' आदि शब्द स्वार्थे (थःगु-
अर्थे) क्रमपूर्वक 'गु' तथा 'ह' प्रत्यय जुई ।

- (ग) संख्या शब्दया गुणा निर्देशक शब्दयात
आवृत्ति संख्यावाचक धाई यथा :—

न्यिदुगँ, स्वदुगँ, प्यदुगँ आदि ।

- (घ) संख्याया भाग निर्देशक शब्दयात संख्यांश
वाचक शब्द धाई, यथा :—

वच्छि, वामना, स्वचकॅ इत्यादि ।

(क) गुगु संख्यावाचक शब्द निश्चित संख्या प्रकट जुई मखु वेत अनिश्चित संख्यावाचक शब्द धाई, यथा :—

आपा, तःहमछि, सकल, अनेक आदि ।

दूर तथा समीप निर्देशवाचक शब्द ।

(Demonstrative Adjective.)

(४) तापाक सःतोक संकेत याईगु शब्दयात 'दूर तथा समीप निर्देशवाचक' शब्द धाई :—

व मनु । उपोँ मनुत । (दूरनिर्देशक)

थ्व मनु । थुपोँ मनुत । (समीप निर्देशक)

थ्व दूर तथा समीप निर्देशक शब्द न्यिगु

प्रकारया दु :—

(अ) निश्चित निर्देशक (Definite demonstrative.)

(आ) अनिश्चित निर्देशक (Indefinite demonstrative.)

(अ) गुबले मनुष्य तथा चीज 'थ्व हे खः' धका निश्चित निर्देश जुई उबले विशेषणयात 'निश्चित निर्देशक' धाई ।

एकव० बहुव०

थ्व मनु । थुपोँ मनुत । } अर्थात् थुपोँ हे
थ्व वस्तु । थुगु वस्तु । } मनुत अथवा
थुगुहे वस्तु ।

व ऋषि । उपोँ ऋषिपोँ । } अर्थात् उपीँ हे
व फल । उगु फल । } ऋषिपोँ अथवा
उगुहे फल ।

(आ) गुबले अनिश्चयपूर्वक निर्देश जुई, 'थ्व हे खः' धका निर्देश जुई मखु, किन्तु केवल साधारण निर्देशक जुई बले थुजागु विशेषणयात अनिश्चित निर्देशक धाई, यथा :—

एकव० बहुव० ।

छम्हसेँ धाल । तःम्हसेँ धाल ।

मेहँ दाल । मेपिसँ दाल ।

अर्थात् थन 'उहमे हे खः' धका निर्देश मजुल ।

पृथक् वाचक ।

(Distributive adjective.)

(५) पृथक् निर्देशवाचक विशेषण मनुष्य तथा वस्तुयात 'तःहमे छम्ह अथवा न्यिहमे छम्ह अथवा अनेक वस्तु मध्ये छगु वस्तु' धका निर्देश याई :—

थःथः जक नल । न्यिहो छह हूँ ।
छगु २ वस्तु का ।
कि व वनी कि छ हूँ । न व, न छ विद्वान् स्वः।
एवं 'प्रत्येक—हरएक' आदि ।

विवरण :—थःथः, न्यिहो छह, छगु २, कि व—कि छ,
न व—न छ, प्रत्येक, हरएक आदि शब्द अलग २
निर्देश जुल ।

अर्थबोधक शब्दविषये गुणवाचक शब्दपरीक्षाविषय ।

(Examination of adjective.)

(७७) गुणवाचक शब्दया प्रयोग न्यिगु प्रकारँ
जुई :—

(१) संज्ञाविशेषण । (Attributive use.)

(२) क्रियार्थ पूरक । (Predicativ use.)

(१) गुणवाचक शब्द गुबले संज्ञावाचक शब्द-
या न्हापाँ वई उबले गुणवाचक शब्द संज्ञा-
विशेषण जुई :—

ह्वाउँ स्वाँ । वाऊँ स्वाँ ।

तःहो माँ । चोहो माँ ।

लंगडा किसि । हाकु सल ।

(२) गुबले गुणवाचक शब्द क्रियाया अर्थयात

पूर्ण याई उबले व गुणवाचक शब्द क्रियार्थ-
पूरक जुई :—

थ्व किसि लंगडा जुल । थ्व मनु काँ-स्वाँय
जुल । वया मचा तःही जुल ।

विवरण :—थ्व न्यिगु वाक्य मध्ये (१) वाक्ये गुणवा-
चक शब्द संज्ञाविशेषण रूपँ व्यवहार जुल ।
द्वितीय वाक्ये 'थ्व किसि जुल' धाय बले पूरा अर्थ
प्याहाँ म वो, 'थ्व किसी जुल' थुलि जक धाय बले
प्रश्न जुई कि, 'छु जुल ?' उत्तर प्याहाँ वई कि
'लंगडा जुल' । थुगु प्रकारँ गुणवाचक शब्दया
प्रयोग जुई बले क्रियार्थ पूरक जुई । थुजागु 'जुल'
आदि क्रियारूपयात अंग्रेजी व्याकरणे वर्ब
आफ इन्कम्प्लीट प्रेडिकेशन (Verb of inco-
mplete predication) अर्थात् अपूर्णार्थ
द्योतक क्रिया धाई ।

थुजागु 'जुये' आदि अपूर्णार्थ द्योतक क्रिया-
या अर्थयात पूर्ण याईगु शब्दयात अंग्रेजी
व्याकरणे कम्प्लोमेन्ट (Complement) अर्थात्
अर्थपूरक धाई, थन नै 'लंगडा' आदि शब्द कम्प्ली-
मेन्ट जुल धका सीक्ये माल ।

(७८)

अनेक शब्द मिले जुया संज्ञावाचक शब्द-
या विशेषण जुया वोँ :—

कुटुंब वोग फल । सीत्यह मनु ।

वाँ मलाह मिसा । तुयु खाह दाजु ।

विवरण :—ध्व प्यंगु वाक्ये नँ रेखाङ्कित (—) पद

उगु २ संज्ञावाचक शब्दया विशेषण जुल ।

(८०) पूरा वाक्य नँ विशेषण जुया वों :—

(१) ध्व तपस्वी—गुम्हसेँ १२ वर्षतक तपस्या

यात—भीँम्ह पुरुष खः ।

(२) व राम—गुम्हसेँ दुष्ट राक्षस रावणयात

स्यात—आदर्श पुरुष जुया वन ।

(३) व बुद्ध—गुम्हसेँ संसारया उपकार निमित्त

राजपाट त्यागयात—आदर्श त्यागी जुया वन ।

विवरण :—ध्व स्वंगु वाक्ये रेखाङ्कित पूरा वाक्य संज्ञा

वाचक 'तपस्वी—राम—बुद्ध' शब्दया क्रम पूर्वक

विशेषण जुल । थुजागु विशेषणयात अंग्रेजी

व्याकरणे (Adjective clause) एङ्जेक्टिव

छाज धाई ।

गुणवाचक शब्दया सामान्य-विशेष-

अतिशय भेद ।

(Comparison of adjectives)

(८१) गुणवाचक शब्द सामान्य—विशेष—अति-

शय भेद स्वंगु प्रकारया दुः—

(१) सामान्यार्थवाचक । (Positive degree)

(२) विशेषार्थ वाचक । (Comparative degree)

(३) अतिशयार्थ वाचक । (Superlative degree)

(१) गुणवाचक शब्दे सामान्य अर्थ प्रतीति जुई

बले गुणवाचक शब्दया वहे स्वरूप जुई :—

तुयु—हाकु—वाऊँ—ह्याऊँ आदि ।

(२) गुणवाचक शब्द विशेष अर्थ प्रतीति याय

माल धाःसा गुणवाचक शब्दया पूर्व 'आपा'

शब्दया आगम जुई । ध्व विशेषार्थ गुणवाचक

शब्द न्यह पुरुष मध्ये अथवा न्यगु वस्तु

मध्ये अपेक्षा (Compare) जुई बले 'बेसँ'

'बेसीँ' अथवा 'सिनँ' शब्द नापँ प्रयुक्त

जुई :—

ध्व अँया बेसँ—बेसीँ सन्तरासी आपा गो ला ।

वया बेसँ—बेसीँ व आपा तुयु ।

वया सिनँ व आपा तुयु ।

विवरण :—विशेषार्थ प्रतीति जुई बले गुबले 'बेसँ—

बेसीँ—सिनँ' पदया प्रयोग जुई बले ध्व स्वंगु

पदया न्हापाँ वईगु शब्द सम्बन्ध कारके जुई मा :—
 ध्व स्वंगु वाक्ये नँ 'अँया' 'वया' शब्दे 'अँ—व'
 शब्दया सम्बन्ध कारक प्रयोग जुल । विशेषार्थ
 प्रकट याय् बले 'आपा' पदया आगम मयाः सौं
 ज्यु, यथाः—'वया बेसँ—वेसीँ—सिनँ व तुयु'
 इत्यादि ।

(३) गुणवाचक शब्द अतिशय (आपालँ) अर्थ
 प्रतीति याय् माल धाःसा गुणवाचक शब्दया
 पूर्व 'आपालँ' पदया आगम जुई । ध्व अति-
 शयार्थ गुणवाचक शब्दया प्रयोग उगु उगु
 गुण विषये दकसिया बेसीँ अधिक अर्थ
 प्रतीति जुई बले जक जुई ।

फलमध्ये अँ आपालँ चाकु ।

जुजुमध्ये राम आपालँ धर्मात्मा ।

” बुद्ध आपालँ त्यागी ।

विवरण :—मुबले अतिशयार्थ प्रतीति याय्तः 'दकसिया
 बेसँ—वेसी' अथवा 'दकया बेसँ—वेसीँ' पद नापँ
 वई उबले 'आपालँ' पदया आगम जुई मखु :—

फलमध्ये दकसिया बेसँ—वेसीँ अथवा

दकया बेसँ—वेसीँ अँ चाकु ।

संस्कृते गुणवाचक शब्द विशेषार्थ व अति-

शयार्थ प्रकट याय्तः क्रमपूर्वक 'तर' व 'तम' प्रत्यय
 जुई, यथा ।

कृष्ण—कृष्णतर—कृष्णतम ।

रक्त—रक्ततर—रक्ततम ।

किन्तु अंग्रेजी व्याकरणे 'er' व 'est' गुण-
 वाचक शब्दे मिले याना विशेषार्थ व अतिशयार्थ
 प्रकट जुई, तथा भिन्न २ शब्दया नँ प्रयोग जुई :—

great greater greatest.

good better best.

little less least.

अर्थबोधक शब्दविषये क्रमप्राप्त क्रियावाचक
 शब्दविषय ।

(Verb.)

अर्थबोधक शब्दया 'संज्ञावाचक—सर्वनाम
 वाचक—गुणवाचक—क्रियावाचक—अव्ययवाचक
 न्यागु शब्द भेद (५६) थुगु नियमे उपदेश याना
 वेधुन, संज्ञावाचक शब्दविषये संज्ञावाचक शब्दया
 भेद—उपभेद—लक्षण व परीक्षा जुई धुकल,
 सर्वनामवाचक तथा गुणवाचक शब्दया नँ भेद—
 उपभेद—लक्षण व परीक्षा विशेष प्रकारँ समाप्त
 जुई धुकल । आ अर्थबोधक (Articulate)

शब्द मध्ये क्रियावाचक तथा अव्ययवाचक शब्द-
या विशेष व्याख्यान याय् मानि । आ क्रमनियमं
ध्व न्यिगु शब्द मध्ये क्रियावाचक शब्दया व्या-
ख्यान जुईगु जुल ।

क्रियाया अर्थ लक्षण व स्वरूप ।

(Definition of verbs.)

(८२) क्रियाया मूलायात धातु धाई, क्रियाया
अर्थ ज्या (व्यापार) या बोध जुई ।

क्रियाया उपदेश (५६—(४) थुगु नियमे
नँ याना वेधुन ।

(८३) ज्या—क्रिया बोधक धातुया विशेष स्वरूप
प्रायः 'एकारान्त' धका सीक्ये माल, तथा
भिन्न भिन्न स्वरूप नँ दया च्वन, यथा :—

नये (खाना To eat.)

वने (जाना To go.)

धाये (कहना To say.)

काल, पुरुष तथा वचन भेद ।

(Kinds of time, person & number of verb)

(८४) क्रिया अथवा धातु काल-पुरुष तथा वचन
नापँ सम्बन्ध जुई, काल स्वंगु प्रकारया दु :—

(क) (१) वर्त्तमान । (Present.)

(२) भूत । (Past.)

(३) भविष्यत् । (Future.)

जुया च्वोंगु ज्यायात 'वर्त्तमान' काल
धाई, जुईधुं कुगु ज्यायात 'भूतकाल' धाई तथा
जुईतिनिगु ज्यायात 'भविष्यत्' काल धाई ।
एवं पुरुष भेद स्वंगु प्रकारया दु :—

(ख) (१) अन्य पुरुष । (Third person.)

(२) मध्यम पुरुष । (Second person.)

(३) प्रथम पुरुष । (First person.)

गुह्यसिगु विषये खँ जुई वेत 'अन्य पुरुष'
गुह्य नापँ खँ जुई वेत 'मध्यम पुरुष', खँ
लहाईह्य गुह्य खः वेत 'प्रथम पुरुष' धाई ।

(ग) पुरुष तथा क्रियाया वचन भेद न्यिगु
प्रकारया दुः, यथा :—

(१) एकवचन । (Singular.)

(२) बहुवचन । (Plural.)

पुरुषया वचन भेद (६२) थुगु नियमे
विशेष प्रकारं व्याख्यान याना बीधुन ।
स्वंगु पुरुष भेदया क्रम पूर्वक उदाहरण :—

एकव० बहुव० ।
 3rd person. अन्य पुरुष-व उपो-मेपो ।
 2nd person. मध्यम पुरुष-छ-छि छिपो-छिकिपो ।
 1st person. प्रथम पुरुष-जि जिपो ।

विवरण :—पुरुषया वचन भेद तुल्य क्रियाया नै एक वचन व बहुवचन भेद दु, किन्तु थुलि लुमका तये माल कि क्रियाया स्वरूप वचन भेद जुई मखु अर्थात् क्रियाया एकवचने व बहुवचने वहे स्वरूप जुई, किन्तु अर्थ जक स्वंगु काले नै वचन भेद जुई, यथा :—

पुरुष भेद ।	एकव०		बहुव०	
	वने (To go जाना) धातुया रूप ।			
	वर्तमान ।	भूत ।	भविष्यत् ।	
अन्य पुरुष ।	व-उपी ।	वो ।	वन, वना ?	वनी, वनीतिनि, वनीला ?
मध्यम पुरुष ।	छ-छिपी ।	वो ।	"	"
प्रथम पुरुष ।	जि-जिपी ।	वने ।	वना ।	"

क्रियाभेद ।

(Kinds of verbs.)

(८५)

क्रियाया भेद न्यगु प्रकार दु :—

(१) सकर्मक । (Transitive.)

(२) अकर्मक । (Intransitive.)

(१) सकर्मक क्रिया धयागु कर्म दुगु, यथा :—

वँ सफू ब्वन ।

वँ जा नल ।

थन 'ब्वन—नल' क्रियाया कर्म 'सफू—जा' जुल ।

(२) अकर्मक क्रिया धयागु कर्म मरुगु :—

व घन ।

मचा ख्वल ।

थन 'घन—ख्वल' क्रियाया कर्म मरु ।

सकर्मक—अकर्मक क्रियाया लक्षण ।

(Definition of transitive & intransitive verb.)

(८६)

क्रिया फल रहित कर्ता जुई बले व क्रिया

अथवा धातुयात 'सकर्मक क्रिया धाई ।

विवरण :—(१) थुगु उदाहरणे ब्वनेगु फल व नयेगु

क्रियाया फल अर्थात् असर कर्ताय् मजुया सफुली
व जाय् जुल ।

- (२) क्रिया फल सहित कर्ता जुई बले व
क्रियायात 'अकर्मक क्रिया' धाई ।

विवरण :—(२) थुगु उदाहरणे घनेगु व ख्वयेगु क्रियाया
फल अर्थात् असर कर्ताय् जुया चवन ।

थुगु प्रकारँ सकर्मक व अकर्मक क्रियाया मेद
सीक्ये माल ।

वर्त्तमान काल प्रत्यय ।

(Present affix.)

- (८७) (क) वर्त्तमान काल विषये प्रत्येक क्रियाया
अन्तिम अवयव 'ये' या अन्य पुरुषँ तथा
मध्यम पुरुषँ प्रायः लोप जुई किन्तु प्रथम
पुरुषँ धातु-अवयव 'ए' या विकल्पँ लोप जुई,
तथा पूर्व धातुया अवयवँ विसर्ग (:)
प्रत्यय जुई ।

(ख) गनँ पूर्व धातु अवयवया अकार स्थाने
'ओ' आदेश जुई ।

(ग) गनँ पूर्व धातु-अवयव दोर्घ जुई ।

(घ) गनँ गनँ अन्य तथा मध्यम पुरुषँ आखिरे

नकार वईगु धात्वी 'नू' स्थाने 'अनुनासिक'
आदेश जुई, किन्तु प्रथम पुरुषे धातुया हे रूप
जुई, यथा क्रमशः उदाहरण :—

- (क) नये (To eat—खाना) धातु ।

वँ नः ।

छँ नः ।

जिँ नय्—नये ।

विवरण :—थन 'नये' धातुया अन्तिम धातु अवयव
'ये'या लोप अन्य पुरुष तथा मध्यम पुरुषँ जुया
विसर्ग प्रत्यय जुल विसर्ग प्रत्यय जुई बले 'खः'
शब्दे थँ छँ जक दीर्घ उच्चारण जुई प्रथम पुरुषे
धात्वयव 'ए' या विकल्पँ लोप जुल ।

धाये (To say—कहना) धातु ।

वँ धाः । छँ धाः । जिँ धाय्—धाये ।

विवरण :—थन अन्य पुरुष तथा मध्यम पुरुषँ धात्व-
यव 'ये'या लोप जुया विसर्ग प्रत्यय जुल प्रथम
पुरुषे विकल्पँ 'ए'या लोप जुल ।

- (ख) वये (To come—आना) धातु ।

व वो । छ वो । जि वये—वे—वय ।

विवरण :—थन अन्य पुरुष तथा मध्यम पुरुषे धातुय
अन्तिम अवयव 'ये' या लोप जुया पूर्व धा

अवयवया अकार स्थाने 'ओ' आदेश जुल, प्रथम पुरुषे धात्ववयव 'ए'या विकल्प लोप जुल ।

(ग) जुये (To be—होना) धातु ।

व जू । छ जू । जि जूये, जुई ।

विवरण :—थन अन्य पुरुष तथा मध्यम पुरुष धात्ववयव 'ये' या लोप जुया पूर्व धात्ववयव उकार दीर्घ जुल, प्रथम पुरुषे मूज धातुया हे रूप जुल । श्व वर्त्तमान कालया प्रथम पुरुषे सामान्य रूप मविष्यत्काल वाचक 'जुई' रूपया न प्रयोग जुया च्वन ।

(घ) वने (To go जाना) दने (To sleep) ब्वने (To read पढ़ना)

व वोँ । छ वोँ । जि वने ।

व द्योँ । छ द्योँ । जि दने ।

वँ ब्वोँ । छँ ब्वोँ । जिँ ब्वने ।

विवरण :—थन 'वने-दने-ब्वने' थुजागु नकारमध्यवर्त्ती (बिचो वईगु) धात्वी अन्य पुरुष तथा मध्यम पुरुष (ख) थुगु नियम थेँ ओकार आदेश जुल, तथा 'एकार' या लोप जुया 'नू' स्थाने अनुनासिक (ँ) आदेश जुल । प्रथम पुरुषे धातुया हे रूप जुल ।

भूतकाल प्रत्यय ।

(Past affix.)

(८८) (क) भूतकाल विषये अन्यपुरुषे (3 rd person)

प्रत्येक क्रियाँ प्रायः 'ल—त' प्रत्यय जुई तथा धातु-अवयवया लोप जुया वनी, यथा :—

(क) अन्य पुरुष-नये—वँ नल । धाये—वँ धाल ।

वये—व वल । काये—वँ काल ।

न्याये—वँ न्यात । स्याये—वँ स्यात ।

विवरण :—थन 'नये' आदि धातु 'ल—त' प्रत्यय जुया धातु-अवयव 'ये'या लोप जुल ।

(ख) मध्यम पुरुष भूतकालिक क्रिया वने जुई बले अन्य पुरुषे थेँ 'ल—त' प्रत्यय जुई, धातु अवयव लोप जुई, तथा प्रश्नवाचके एक पदे धातुया 'एकार' स्थाने 'आकार' आदेश जुई, किन्तु आकार पूर्व धातु जुई बले आकार ह्रस्व जुया वनी :—

(अ) मध्यम पुरुष—नये—छँ नल—नया ?

धाये—छँ धाल—धया ?

” ख्वये—छँ ख्वल—ख्वया ?

काये—छँ काल—कया ?

विवरण :—थन मध्यम पुरुष 'नल-नया' न्यगु रूप 'नये' धातु वने जुल, 'नल' रूपे 'ल' प्रत्यय जुया धातु अवयव 'ये' या लोप जुल । 'नया' रूपे

प्रश्नवाचके धातुया 'एकार' स्थाने 'आकार' आदेश जुया 'नये-नय् + ए = नय् + आ = नया' रूप सिद्ध जुल । प्रायः मध्यम पुरुषया द्वितीय 'नया' पद प्रश्न वाचके जुया बोँ, छँ नया ? अर्थात् छँ नया ला ?

(आ) गनँ वने—खने—घने आदि धात्वो एकार पूर्व नकार वई बले थुजागु धातुँ भूतकालिक क्रिया वने जुई बले 'ल-त' प्रत्यय जुई मखु, किन्तु धातुया 'एकार' स्थाने 'अ' आदेश जुया अन्य पुरुष व मध्य 'वन—खन—घन' रूप सिद्ध जुई, पक्षे मध्यमपुरुष धातुया 'एकार' स्थाने 'आकार' आदेश जुईः—

अन्यपुरुष—व वन, घन । वँ खन ।

मध्यमपुरुष—छ वन-वना ? घन-घना ?
छँ खन-खना ?

(ग) प्रथम पुरुष भूतकाल विषये प्रायः धातुया

(अ) 'एकार' स्थाने 'आकार' आदेश जुईः—

प्रथम पुरुषः—नये-जिँ नया ।

„ स्वये-जिँ स्वया ।

(आ) धातु आकार पूर्व जुई बले आकार ह्रस्व जुया वनीः—

प्रथम पुरुष—धाये—जिँ धया ।

काये—जिँ कया ।

(इ) किन्तु गनँ २ आकार पूर्व धातुया आकार ह्रस्व जुई मखु, किन्तु धातुया 'ये' स्थाने प्रश्नवाचके मध्यम व प्रथम पुरुष विषये क्रम-पूर्वक 'नकार—आकार' आदेश जुईः—
स्थाये—छँ स्याना ? छँ स्यात ।

„ जिँ स्याना, स्याना ?

न्हाये छँ न्हाना ? छँ न्हात ।

„ जिँ न्हाना, न्हाना ?

भविष्यत्काल प्रत्यय ।

(Future affix)

(८६) भविष्यत्काल विषये प्रायः धातुँ 'ई-ईतिनि-ईला' थ्व स्वंगु प्रत्यय स्वंगु पुरुषे नँ जुईः—तथा धातु-अवयवया लोप जुया वनी, यथा 'नये' धातु या रूपः—

3rd per. अन्यपुरुष-वँ नई, नईतिनि, नईला ?

2nd per. मध्यमपुरुष-छँ „ „ „

1st per. प्रथम पुरुष-जिँ „ „ „

विवरण :—यन 'नये' धातु 'ई-ईतिनि-ईला' ध्व स्वंगु प्रत्यय जुल, तथा धातु अवयव 'ये' या लोप नै जुल ।

'ईला' प्रत्यय जुई बले क्रिया प्रश्नवाचक जुया वनी:—

वै नई ला ? छै नईला ? इत्यादि ।

छगु ध्व लुमंका तय् माल कि वर्त्तमान आदि कालया विषये स्वंगु लिङ्गे नै समान हे क्रियाया रूप जुई, तथा क्रियाया एकवचन-बहुवचन रूप नै समान हे जुई धका सोक्ये माल, अर्थात् ध्व नेपालभाषा व्याकरण शास्त्रे क्रियाया लिङ्ग भेद तथा वचनभेद जुई मखु ।

धातुया रूप ।

(Conjugation of verbs.)

नये (To eat खाना) धातु ।

वर्त्तमान काल (लट् Present tense.)

अ० पु० वै—उमिसै नः ।

म० पु० छै—छिमिसै नः ।

प्र० पु० जिँ—जिमिसै नय्—नये ।

भूतकाल (लिट्—Past tense.)

अ० पु० वै—उमिसै नल ।

म० पु० छै—छिमिसै नल ।

प्र० पु० जिँ—जिमिसै नया ।

भविष्यत्काल (लुट्—लुट् Future tense.)

अ० पु० वै—उमिसै नई, नईतिनि, नईला ?

म० पु० छै—छिमिसै ,, ,, ,,

प्र० पु० जिँ—जिमिसै ,, ,, ,,

थुगु प्रकारँ अकार पूर्व तथा यकार मध्य-वर्त्ती (विचे वईगु) के च्वया तःगु प्रायः सकल धातुया रूप 'नये' धातुया रूप थै सोक्ये माल :—

हये—(to bring लाना)

ल्यये—(to choose चुनना)

तये—(to put रखना)

सये—(to know & bear fruit

जानना और फल लगना)

फये—(to support & put someth

ing on pot थामना—किसो चोज-

को वर्तनपर रखना)

गये—(to climb चढ़ना)

लये—(to reap घास आदि काटना)

* च्वये—(to write & strike with horn

लिखना और सींगसे मारना)

* ख्वये—(to weep रोना)

* त्वये—(to put off उतारना)

* ग्वये—(to shut door किवाड़ आदि
बन्द करना)

* ज्वये—(to be sharpened & drop
तेज होना और चूना)

* ब्वये—(to fly & show उड़ना और
दिखाना)

* ल्हये—(to vomit वमन-कै करना)

* स्वये—(to look & to be knotted

देखना और गांठ पड़ना)

* ह्वये—(to blossom खिल जाना)

विवरण :—(*) ध्व चिन्हित धातुया वर्त्तमान काले

अन्य पुरुषे तथा मध्यमपुरुषे विसर्ग आदेश जुड़

मखु, किन्तु ओ' आदेश जुई, धातु अवयव 'ये'

या लोप जुई, यथा:—

वँ च्वो । छँ च्वो ।

व ख्वो । छ ख्वो ।

वँ स्वो । छँ स्वो । इत्यादि ।

अपवाद ।

(Exceptions.)

दये (To be & to fall होना और गिरना) धातु ।

(होना—अर्थ)

वर्त्त० व दु । छ दु । जि दु ।

भूत व दत । छ दत । जि दत ।

भवि० व दई, दईतिनि, दईला ।

छ " " "

जि " " "

(गिरना—अर्थ)

वर्त्त० व दः । छ दः । जि दः ।

भूत व दल । छ दल । जि दल ।

भवि० व दई । दईतिनि, दईला ?

छ " " "

जि " " "

विवरण :—थन वर्त्तमान काले स्वंगु पुरुषे नै (होना

(अ) अर्थ) 'दये' धातुया थासे 'दु' आदेश जुल ।

वर्त्तमान काले ध्व 'दये' धातु नापँ निषेध वाचक

'म' शब्द बई बले 'दये' धातुया स्थाने 'रु' आदेश

विकल्प जुई, अर्थात् एक पक्षे 'दु' आदेश जुई,

तथा एक पक्षे 'रु' आदेश जुई, यथा :—

दु—मदु, मरु ।

(आ) गनँ निषेधवाचक न्यगु 'म' शब्द नापँ वया
अत्यन्त आवश्यक अर्थप्रतीति जुई बले 'दये'
धातुया थासे 'देक—रेक' आदेश जुई, यथा :—

मदेक मगाः, मरेक मगाः ।

(इ) वर्तमान विषये 'शेष' अर्थे 'दये' धातुं
'नि' प्रत्यय जुई, धातु अवयवया लोप जुई,
यथा:—दये—दनि, अर्थात् बाकि दु ।

(ई) भूतकाले ध्व धातु नापँ निषेधवाचक 'म' शब्द
वई बले 'दत' ध्व भूतकालिक क्रियाया अवयव
'द' या यासे विसर्ग (:) आदेश जुई, यथा :—
दये=दत—मःत । (नहीं रहा)

खये (To prove सिद्ध होता) धातु ।

वर्त्त० व खः, छ खः, जि खः ।

भूत व खत । छ खत । जि खत ।

भवि० व खई । खईतिनि । खईला ?

छ " " "

जि " " "

विवरण :—अन वर्त्तमान काले खंगु पुरुषे नँ 'खये'
धातुया 'ये' लोप जुया 'नये' धातुी थे विसर्ग

प्रत्यय जुल । ध्व 'खये' धातु नापँ निषेधवाचक
'म' शब्द वई बले वर्त्तमान व भूतकाले 'खये'
धातुया थासे 'खु' आदेश जुई :—मखु, मखुत ।

ब्वने (To read पढ़ना) धातु ।

अ० पु० वँ—उमिसँ ब्वों ।

म० पु० छँ—छिमिसँ ब्वों ।

प्र० पु० जिँ—जिमिसँ ब्वने ।

भूतकाल । (लिट् Past tense)

अ० पु० वँ—उमिसँ ब्वन ।

म० पु० छँ—छिमिसँ ब्वन—ब्वना ?

प्र० पु० जिँ—जिमिसँ ब्वना ।

भविष्यत्काल । (लुट्—लृट् Future tense)

अ० पु० वँ—उमिसँ ब्वनी—ब्वनोतिनि—ब्वनीला ?

म० पु० छँ—छिमिसँ " " "

प्र० पु० जिँ—जिमिसँ " " "

विवरण :—अकर्मक धातुया कर्त्ता एक वचन—बहुव-
चने 'व—उपी', छ—छिपी, जि—जिपी' थुगु
प्रकारें जुई, किन्तु सकर्मक धातुया कर्त्ता जुई बले
कर्त्ताया एक वचन—बहुवचने कर्त्ता अनुनासिक
' ' प्रत्यय जुई, उबले कर्त्ताया रूप 'वँ—उमिसँ

छँ—छिमिसँ, जिँ—जिमिसँ, थुगु प्रकारँ जुई ।

(६६) थुगु नियमे 'कर्त्ता कारक' स्वयादिसँ ।

थुगु प्रकारँ अकार पूर्व तथा नकार मध्य-
वर्त्ती के च्वयातःगु धातुया रूप 'वने' धातुया
रूप थें सीक्ये मालः—

वने—(To go जाना)

ज्वने—(To hold पकड़ना)

लहने—(To lift up & repair उठाना
और भरम्मत करना)

हने—(To unite & live with a
frindly manner जोड़ना और
मिलकर मित्रतासे रहना)

वने—(To sleep सोना)

खने—(To open & see खोलना-
देखना)

फ्यने—(To untie & spin बन्धन
खोलना और सूत काटना)

न्यने—(To ask पूछना)

ध्यने—(To cut काटना)

च्वने—(To live रहना)

स्यने—(To teach & to be spoiled

पढ़ाना और बिगड़ जाना)

फवने—(To ask for मांगना)

त्वने—(To drink पीना)

* कने—(To say कहना)

* तने—(To incorporate & lose

जोड़ना और खोना)

* पने—(To prevent & dry रोकना
और सेकना)

* गने—(To stop रोकना)

* हने—(To thread गूँथना)

* लने—(To wait & weight प्रतीक्षा
करना और तौलना)

* न्हने—(To perish नष्ट हो जाना)

* मने—(To boil उबालना)

विवरणः—ध्व (*) चिन्हित धातुया वत्तमान काले
अन्य पुरुष तथा मध्यम पुरुषे 'ओ' आदेश जुई
मखु, किन्तु विसर्ग (:) प्रत्यय जुई, यथाः—

वँ कँ । छ कँ ।

व तँ । छ तँ ।

वँ पँ । छँ पँ । इत्यादि ।

धाये (To say कहना) धातु ।

(वर्तमान काल (लट् Present tense.)

अ० पु० वैं—उमिसैं धाः ।

म० पु० छैं—छिमिसैं धाः ।

प्र० पु० जिं—जिमिसैं धाय्—धाये ।

भूतकाल (लिट् Past tense.)

अ० पु० वैं—उमिसैं धाल ।

म० पु० छैं—छिमिसैं धाल, धया ?

प्र० पु० जिं—जिमिसैं धया ।

भविष्यत्काल (लुट्—लृट् Future tense.)

अ० पु० वैं—उमिसैं धाई, धाईतिनि, धाईला ?

म० पु० छैं—छिमिसैं ” ” ”

प्र० पु० जिं—जिमिसैं ” ” ”

विवरण :—भविष्यत्काले 'नये—धाये' आदि 'य्' बिचे,

वर्तु प्रायः सकल धातु 'ई—ईतिनि—ईला' प्रत्यय

जुई बले धातु अवयव 'ये' या, लोप जुया 'नई—

नईतिनि—नईला' रूप । जुई, तथा धातु अवयव

केवल 'इ' या लोप जुई बले 'नये—नय् + ई =

नयो, नये-नय् + ईतिनि = नयोतिनि, नये-नय्-

ईला + नयोला' रूप सिद्ध जुई, ध्व निगु प्रकारया

रूप सिद्ध जुया चवन । हिन्दी भाषा व्याकरणे नैं
'गई थी-गयी थी' निगु प्रकारया रूप व्यवहारे
बया चवन ।

धुगु प्रकार के चया तःगु आकार पूर्व
वर्तु प्रायः सकल धातुया रूप 'धाये' धातुया
रूप थेँ सीक्ये माल, भेद थुलि जक जुई कि
केवल भूतकाल विषये गनँ 'ल' प्रत्यय तथा
गनँ 'त' प्रत्यय जुई :—

ग्याये—(To fear डरना)

न्याये—(To purchase & to bite

खरीदना और काटना)

काये—(To take लेना)

दाये—(To beat कूटना—मारना)

न्हाये—(To milk, put on & move

दूध दोड़ना, पहनना और चलना)

फाये—(To rend चीरना—फाड़ना)

पाये—(To dry सुखाना)

च्चाये—(To strike with foot लात-

से मारना)

बाये—(To throw फेंकना)

न्वाये—(To warn किसी कामका न करनेके लिये कहना)

लवाये—(To quarrel लड़ना झगड़ना)

स्वाये—(To unite जोड़ना)

धवाये—(To push धक्का देना)

हाये—(To season & gamble)
छैंकना, पासा-कौड़ी फेंकना)

वाये—(To be in separation अलग हो जाना)

घाये—(To attach to किसी चीजको किसीसे लगा देना)

चाये—(To wash & cut धोना-काटना)

हाये—(To dash, fall & dust टकराना, गिरना, फटकना)

प्याये—(To sacrifice भेंट करना-समर्पण करना)

थाये—(To weave & ring कपड़ा बुनना और घन्टो बजाना) इत्यादि ।

विवरण :—किन्तु 'ल' बिचे वर्ड्स 'हाले, काले, साले,

माले' आदि धातुया रूप भविष्यत्काले जक 'हाली, हालीतिनि, हालीला ?' थये रूप भेद जुई ।

मिये (To sell बेचना) धातु ।

वर्त्तमानकाल (लट् Present tense)

अ० पु० वैं—उमिसैं म्यू ।

म० पु० छैं—छिमिसैं म्यू ।

प्र० पु० जिँ—जिमिसैं मिये, मी ।

विवरण :—यन अन्यपुरुष व मध्यमपुरुषे वर्त्तमानकाले इकारपूर्व वर्ड्स धातुया 'इ' लोप जुया, धात्ववयव 'ए' या थासे दीर्घ 'ऊ' आदेश जुया 'मिये—म् + य + ऊ = म्यू' रूप सिद्ध जूल, प्रथम पुरुषे धातुया स्वरूप 'मिये' तथा भविष्यत्कालवाची 'मी' रूपया न व्यवहार जुयाचवन ।

भूतकाल (लिट् Past tense)

अ० पु० वैं—उमिसैं मिल ।

म० पु० छैं—छिमिसैं मिल, मिया ?

प्र० पु० जिँ—जिमिसैं मिया ।

भविष्यत्काल (लुट्—लृट् Future tense)

अ० पु० वैं—उमिसैं मी, मीतिनि, मोला ?

म० पु० छैं—छिमिसैं " " "

प्र० पु० जिँ—जिमिसैं " " "

विवरण :- धन 'मिये' धातु 'ई, ईतिनि, ईला' प्रत्यय जुया धातु अवयव 'ये' या लोप जू बले 'मि + ई = मी, मि + ईतिनि = मीतिनि, मि + ईला = मीला' थथे 'इ + ई' मिले जुया छगु दीर्घ 'ई' जुया वन ।

थथे हे कवे च्वया तःगु इकार पूर्व वईगु प्रायः सकल 'थिये' आदि—धातुया रूप सीक्ये मालः—

थिये (To touch छूना)

विये (To give देना)

फिये (To put on & prepare curd पहनना और दही जमाना)

सिये (To know, to die & to fry जानना, मरना, भूनना)

हिये (To wash कपड़ा धोना)

पिये (To sow, to wait & to break रोपना, प्रतीक्षा करना, सोवन आदि उधेड़ना-तोड़ना)

लिये (To uproot, to persue जड़से उखाड़ना और पोछा करना)

चिये (To bind बाँधना)

तिये (To put on, to prick धारण करना—चुभाना) इत्यादि २ ।

अपवाद ।

(Exceptions.)

दिये (to live & to be रहना और होना) धातु ।

(Only for 2nd & 3rd person with honour.)

वर्तकाल (लट् Present tense.)

छि, छिकिपीँ, छःपीँ दी ।

व, उपीँ, वेकःपीँ दी ।

भूतकाल (लिट् Past tense)

छि, छिकिपीँ, छःपीँ दिल ।

व, उपीँ, वेकःपीँ दिल ।

भविष्यत्काल (लुट्—लृट् Future tense)

छि, छिकिपीँ, छः पीँ दी, दीतिनि, दीला ?

व, उपीँ; वेकःपीँ दी, दीतिनि, दीला ?

विवरण :- थ्व 'दिये' धातु सन्मानसूचक केवल अन्य-

पुरुष व मध्यमपुरुष नापँ वई ।

जुये (To become होना) धातु ।

अ० पु० व—उपीँ जू ।

म० पु० छ—छिपीँ जू ।

प्र० पु० जि—जिपीँ जुये, जुई ।

विवरण :- 'जुये' रूपया थासे वर्तमान काले प्रथम

पुरुषे भविष्यत्काल वाची 'जुई' रूपया नै व्यवहा।
जुया च्वन।

भूतकाल (लिट् Past tense)

अ० पु० व—उपोँ जुल।

म० पु० छ—छिपीँ जुल, जुया?

प्र० पु० जि—जिपोँ जुया।

विवरण :—मध्यम पुरुषया द्वितीय रूप 'जुया' प्रश्न
वाचके जुई :—छ-छिपीँ जुया? अर्थात् जुया।
ला? थथे हे सर्वत्र ध्व लुमंका तय् माल।

भविष्यत्काल (लुट्-लृट् Future tense)

अ० पु० व—उपीँ जुई, जुईतिनि, जुईला?

म० पु० छ—छिपीँ " " "

प्र० पु० जि—जिपीँ " " "

विवरण :—'जुई—जुईतिनि—जुईला' ध्व धातुरूपे 'जुये'
धातु 'ई—ईतिनि—ईला' प्रत्यय जूया नीति
'जु+ई, जु+ईतिनि, जु+ईला' थथे विग्रह जुई
बले, 'इको यणचि। अष्टा० अ० ६।१।७७ ध्व
पाणिनि सूत्रया नियमं 'व' या थासे 'व्' आदेश
याना 'ज्+व्+ई=ज्वी, ज्+व्+ईतिनि=ज्वी-
तिनि, ज्+व्+ईला=ज्वीला' थथे प्रयोग याः
सौं ज्यू। थथे हे 'खुये-छुये' आदि भविष्यत्काल-

वाची धातुया 'खुई, खुईतिनि, खुईला=ख्वी,
ख्वीतिनि, ख्वीला। छुई, छुईतिनि, छुईला=छ्वी,
छ्वीतिनि, छ्वीला' न्यिगु २ प्रकारया दकमनै
रूप सीक्ये माल।

थुगु प्रकारँ के च्चयातःगु उकार पूर्व तथा
यकार बिचे वईगु प्रायः सकल धातुया रूप
सोक्थे माल :—

खुये—(To steel चुराना)

छुये—(To roast & touch भुनना और
छूना)

उये—(To burn जलाना)

लुये—(To drag, pour & find घसो-
टना—गिरा देना और पाना)

बुये—(To be born, to be defeated,
rub, take up & to be
cooked सन्तान जन्मना, हारना,
मलना, बोकना और पकना)

खुये—वँ—छँ—खू, जिँ खुये—खुई। खुल, खुया?

खुया। खुई, खुईतिनि, खुईला?

हुये—वँ—छँ छू, जिँ हुये । हुल, हुया ? हुया ।

हुई, हुईतिनि, हुईला ?

उये—वँ—ऊँ ऊ, जिँ उये—उई । उल, उया ? उया ।

उई, उईतिनि, उईला ?

लुये—वँ—छँ लू, जिँ लुये—लुई । लुल, लुया ?

लुया । लुई, लुईतिनि, लुईला ?

बुये—(अ) (सकर्मक-बोकना-मलना अर्थे) वँ—छँ बू ।

जिँ बुये—बुई । बुल,

बुया ? बुया । बुई,

बुईतिनि, बुईला ?

(आ) (अकर्मक-पकना, हारना अर्थे) वू । बुत । बुई,

बुईतिनि, बुईला ?

” सन्तान जन्मना अर्थे) वू । बुल । बुई,

बुईतिनि, बुईला ?

थये हे :—

हुये—(To rub पोँछना)

हूये—(To Dig खोदना)

सुये—(To heat milk, sue & thrust दूध गर्मे

करना, सोना और घुसेड़ना)

आदि २ धातुया रूप सीक्ये माल ।

(लट्) वर्त्तमानकाल भेद ।

(Kinds of Present tense.)

(६१)

वर्त्तमानकाल न्यगु प्रकारया दु :—

(१) सन्निहित वर्त्तमान । (Present contiguous.)

(२) सातत्य वर्त्तमान । (Present continuous.)

(१) ज्या जुई त्यईगु कालयात 'सन्निहित वर्त्तमान' धाई,—थुगुकाले धातुँ अन्य पुरुष व मध्यम पुरुषे 'त्यन' तथा प्रथम पुरुषे 'खना' प्रत्यय जुई :—

वँ नयेत्यन । छँ नयेत्यन । जिँ नयेत्यना ।

” नय्सन । ” नयत्पन । ” नयत्पना ।

(२) ज्या जुया च्वाँ गु कालयात 'सातत्य वर्त्तमान' धाई :—

नया च्वन—व्वना च्वन । इत्यादि ।

विवरण :—ध्व न्यगु काल देक्येगु विषये क्रियाँ 'त्यन-त्यना' प्रत्यय जुई बले 'सन्निहित वर्त्तमान' जुई, तथा धातु-अवयव 'ए' या लोप विकल्प जुई, अर्थात् गनँ जुई, गनँ जुई मखु । ध्व सन्निहित

वर्त्तमानयात 'आसन्न वर्त्तमान' नै धाई ।
सन्निहित वर्त्तमान काले 'ईन' प्रत्यय नै जू, थव
प्रत्यय स्वंगु पुरुषे नै जुई बले धातु-अवयव 'ये'
या लोप जुई :—

वै जा नईन, छै जा नईन, जिं जा नईन ।
वै खै ल्हाईन, जै खै ल्हाईन, जिं खै ल्हाईन ।

सातत्य वर्त्तमान देख्येतः क्रियाया 'एकार'
स्थाने 'आकार' आदेश जुया अन्य पुरुष व
मध्यम पुरुषे 'चन' तथा प्रथम पुरुषे 'चवना'
प्रत्यय जुई :—

वै जा नयाचवन । छै जा नयाचवन । जिं जा नयाचवना ।
वै खै ल्हानाचवन । जै खै ल्हानाचवन । जिं खै ल्हानाचवना ।

थव 'चवन-चवना' प्रत्यय 'चवने' धातु प्याहाँ
बोग खः ।

भूतकाल भेद ।

(Kinds of past tense.)

(६२) संस्कृत व्याकरणे अद्यतन—(थौं ज्या जुई
धुँकुगु अथवा जुईतिनिगु) तथा अनद्यतन—
(म्हिग म्हिग जुईधुँकुगु अथवा कन्हे कँस
जुईतिनिगु)—काल भेद भूत तथा भवि-
ष्यत्कालया अनेक भेद दु; किन्तु थव नेपाल-

भाषा-व्याकरणे अद्यतन—अनद्यतन भेदया
नियगु काले नै वहे पूर्वोक्त क्रियाया रूप जुई ।

अद्यतन—अनद्यतन काल भेद क्रिया रूपया
भेद जुई मखु, किन्तु आसन्न अर्थात् यथे
ज्या जुईगु 'आसन्न पूर्ण भूतकाल' प्रकट जुई
बले प्रत्येक क्रिया 'एकार' लोप विकल्प जुई,
तथा अन्य पुरुषे 'धु'कल' तथा मध्यम-प्रथम
पुरुषे 'धुन' प्रत्यय जुई, यथा :—

आसन्नपूर्ण भूतकाल ।

(Past perfect contiguous tense.)

नये (To eat. खाना) धातु ।

अ० पु० वै जा नयेधु'कल—नयधु'कल ।

म० पु० छै जा नयेधुन—नयधुन ।

प्र० पु० जिं जा " "

गनै 'जुये' आदि उकार पूर्व तथा यकार
विचे बईगु धातु 'धु'कल—धुन' प्रत्यय जुई
बले धात्ववयव 'ए' अथवा 'ये' या लोप
नित्य जुई :—

व—छ—विद्वान् जुईधु'कल ।

जि— " जुईधुन ।

विवरण :—अर्थात् 'यथे' ज्या सिधल' धुजागु अर्थ प्रकट जुईगु कालयात 'आसन्नपूर्ण भूतकाल' धाई ।

(६३)

पूर्वोक्त सन्निहित वर्तमान कालया 'सन-सना' तथा 'ई-ईन' प्रत्यय 'अद्यतन आसन्न भविष्यत्काले' नँ व्यवहार जू, धातुया पदे विकल्प 'एकार' लोप जुई :—

भविष्यत्काल भेद ।

(Kinds of future tense.)

अद्यतन आसन्न भविष्यत्काल ।

(Contiguous future tense.)

याये (To do—करना) धातु ।

अ० पु० वँ थौं थ्व ज्या याई, यायेसन-याय्सन ।
याईन ।

अ० पु० छँ " याई, यायेसन-याय्सन ।
याईन ।

प्र० पु० जिँ " याई, यायेत्यना-याय्स्यना ।
याईन ।

विवरण :—अर्थात् ज्या 'थौं' यथे 'जुईन' धुजागु सन्निहित भविष्यत्काल प्रकट जुईगु कालयात "अद्यतन आसन्न भविष्यत्काल" धाई ।

थ्व हे अर्थे धातु 'ई' प्रत्यय जुई बले (जुये- to be होना) धातुया 'जुल' क्रियापद नापँ प्रयोग जुई, तथा मध्ये मुख्य धातु धात्वर्थ निर्देश 'गु' प्रत्यय जुई, यथा :—

वँ-छँ-जिँ-थौं ज्या याईगु जुल ।

कालया विशेष व्यवस्था ।

लकार विषय (Government of Moods)

सामान्य प्रकारँ भूत—भविष्यत्—वर्तमान काल भेदपूर्वक (लट्—लिट्—लुट्) क्रिया-या व्याख्यान याना वेधुन ।

आ क्रियाया विशेष व्यवस्था—नियम—पूर्वक व्याख्यान जुईगु जुल ।

(६४)

थ्व काल व्यवस्था न्यागु प्रकारया दु :—

- (१) स्वार्थवाचक—लट्....लृट् (Indicative.)
- (२) विधिवाचक—लिट् (Potential.)
- (३) आशीर्वादवाचक—लिट् (Benedictive.)
- (४) आज्ञावाचक—लोट् (Imperative.)
- (५) हेतु—हेतुमद्भूतकाल-लृट् (Subjunctive.)

स्वार्थवाचक ।

(Indicative.)

- (१) गन क्रियाया निज वास्तविक अर्थ सामान्य प्रकारँ प्रकट जुई अन क्रिया स्वार्थवाचक जुई, थुगु विषये सामान्य प्रकारँ 'वर्तमान—भूत—भविष्यत' स्वंगु कालया नँ व्यवहार जुई :—

(व वोँ । व वन । वनीतिनि ।
छ वोँ । छ वन । छ वनीतिनि ।
जि बने । जि वना । जि वनीतिनि ।

विधिवाचक !

(Potential.)

- (२) विधि धयागु शास्त्र व्यवस्था अथवा धार्मिक व्यवस्था द्वारँ विधान जुईगु, अर्थात् हुँ ज्या याय्तः धार्मिक अथवा शास्त्र नियमँ प्रेरणा जुईगु, थुगु काले प्रत्येक धातुँ, 'माः—माल' प्रत्यय जुई, थ्व विधिकाल सामान्य रूपँ प्रायः स्वंगु कालयात व्यवहार जुई :—

- (क) विधिक्रिया—तोते (To abandon—छोड़ना) धातु ।

मोक्षार्थीँ विषय वासना तोतेमाः, तोतेमाल ।
विद्यार्थीँ सुख तोतेमाः, तोतेमाल ।

- (ग) निवरण :—थन विधिक्रियाया कालविषये 'तोते' क्रियाँ 'माः—माल' प्रत्यय जुल, किन्तु आकार मध्य-वर्त्ती (बिचे वर्ईगु) धातुया विधिक्रिया विषये 'एकार' लोप विकल्पँ जुई :—

(ख) विधिक्रिया याये (To do करना) धातु ।

वँ—उमिसँ धर्म यायेमाः—याय्माः ।

यायेमाल—याय्माल ।

छँ—छिमिसँ धर्म ” ”

जिँ—जिमिसँ धर्म ” ”

इत्यादि ।

अपवाद ।

(Exceptions.)

- (अ) विधि क्रिया दिये (To live & sit रहना—बैठना) धातु ।

(Only for 2nd & 3rd person with reverence.)

म० पु० छि-छिकिपीँ-छःपीँ दिसँ ।

अ० पु० वेकःपीँ दिसँ ।

(आ) विधिक्रिया भाये (To come & go

आना-जाना) धातु ।

(Only for 2nd & 3rd person with reverence.)

म० पु० छि-छिकिपोँ-छःपीँ भासँ ।

अ० पु० वेकःपीँ भासँ ।

विवरण :—थन 'दिये-भाये' धातु 'सँ' प्रत्यय जुल,
धात्वययव 'ये' या लोप जुल ।

ध्व 'दिये-भाये' धातुया विधिविषये विनय-
भावना, प्रार्थना तथा आदरसूचक व्यवहार जक
जुई, ध्व विधि-क्रियाविषये आदरसूचक व्यवहार
यायत्तः मध्यम पुरुष (छि—छिकिपीँ—छःपीँ)
आदर वाचकया जक विशेष प्रयोग जुई, अतएव
आदरवाचक 'छि-छिकिपीँ-छःपीँ' कर्त्ता वई,
विधिक्रिया विषये ध्व 'दिये भाये' क्रियाया व्यव-
हार प्रथमपुरुषे जुई मखु । ध्व धातु अन्य-
पुरुषया प्रयोग जुई बले 'वेकःपीँ' आदि आदर
वाचक शब्दया प्रयोग जुई ।

विधिक्रियाविषये 'दिये-भाये' धातु 'माः—
माल' प्रत्यय जुई बले नँ अन्य पुरुष तथा
मध्यम पुरुषया आदर वाचक शब्दया प्रयोग
जुईः—

म० पु० छि-छिकिपीँ-छःपीँ दीमाः दीमाल ।

अ० पु० वेकःपीँ " "

म० पु० छि-छिकिपीँ-छःपीँ भायेमाः-भाय्माः,

" भायेमाल-भाय्माल ।

अ० पु० वेकःपीँ " "

विवरण :—'माः-माल' प्रत्यय जुई बले 'दिये' धातु

मविष्यत् कालबोधक 'ई' प्रत्यय जुई, धातु अवयव

'ये' या लोप जुया 'दि+ई=दी' रूप सिद्ध जुई ।

आशीर्वादवाचक ।

(Benedictive)

(३) गुगुक्रिया आशीर्वादया अर्थ प्रकाशित जुई

वेत आशीर्वाद वाचक क्रिया धाई । ध्व

आशीर्वाद विषये क्रियाँ केवल 'मा' प्रत्यय

जुई तथा धातु-अवयवया लोप जुईः—

म्वाये—छ सच्छि न्पीर म्वाय्मा ।

जुये—जय जय जुईमा ।

विवरण :—विधि विषये विसर्गयुक्त 'माः' प्रत्यय जुई,

ध्वया उच्चारण जुई बले केवल 'मा'या सिनँ

अधिक दीर्घ उच्चारण जुई, थुलि जक भेद जुया

चवन, तथा आशीर्वाद विषये 'माल' प्रत्यय नँ

जुई मखु । ध्व 'मा' प्रत्यय 'प्रार्थना' तथा 'इच्छा'

अर्थ नँ जूः—

हे परमेश्वर ! जिगु सकल मनोरथ पूर्ण
जुईमा ।

थन परमेश्वरया नाम स्मरण पूर्वक प्राथना नै
जुल, थःगु इच्छा नै प्रकट जुल ।

आज्ञावाचक ।

(Imperative)

(४) गुगुक्रियाँ आज्ञा-हुकुमया अर्थ प्रकट जुई
उगु क्रियायात आज्ञावाचक क्रिया धाई ।
वने (To go जाना) धातु ।

(क) अ० पु० व—उपोँ हुँ ।
म० पु० छ—छिपोँ हुँ ।
प्र० पु० जि—जिपोँ वने ।

विवरण :—थन अन्य पुरुष व मध्यमपुरुषे आज्ञावाचक
क्रिया विषये 'वने' धातुया स्थाने 'हुँ' आदेश
जुल, किन्तु प्रथम पुरुषे 'वने-खने-घने' आदि
नकार मध्यवर्ती (बिचे वईगु) धातुया आज्ञा-
वाचक क्रिया विषये वहे रूप जुई ।

आज्ञाक्रिया (वने To read—पढ़ना) धातु ।

(ख) अ० पु० वँ—उमिसँ वँ ।
म० पु० छँ—छिमिसँ वँ ।
प्र० पु० जिँ—जिमिसँ वने ।

विवरण :—थन अन्य पुरुष तथा मध्यम पुरुषे वने
धातुया 'एकार' लोप जुया अवशिष्ट (बचे जूगु)
'न'या अनुस्वार आदेश जुल । प्रथम पुरुषे धातुया
हे रूप जुल ।

आज्ञाक्रिया ल्यये (To choose पसन्द करना) धातु ।

(ग) अ० पु० वँ—उमिसँ ल्य ।
म० पु० छँ—छिमिसँ ल्य ।
प्र० पु० जिँ—जिमिसँ ल्ये ।

विवरण :—थन अन्य पुरुष व मध्यम पुरुषे 'ये' या लाप
जुल, किन्तु प्रथम पुरुषे 'ये' या लोप जुया
'ल्य' या अकार स्थाने 'एकार' आदेश जुल, थुगु
प्रकारँ अकार पूर्व तथा यकार बिचे वईगु धातुया
रूप प्रायः 'ल्यये' धातुया रूप थें जुई ।

आज्ञाक्रिया याये (To do करना) धातु ।

(घ) अ० पु० वँ—उमिसँ या ।
म० पु० छँ—छिमिसँ या ।
प्र० पु० जिँ—जिमिसँ याय् ।

थये हे :—

स्याये—(To kill—मारना)

न्हाये—(To milk & put)

दहना आर पहनना)

न्याये—(To purchase—खरीदना)

काये—(To take—लेना)

थुजागु आकार न्हापाँ वईगु धातुया नँ
'याये' धातुया रूप थें समान हे रूप जुई

अर्थात् :—

वँ—छँ स्या, न्हा, न्या, का ।

जिँ स्वाय्, न्हाय्, न्याय्, काय् इत्यादि ।

विवरण :—थुजागु आकार मध्यवर्ती धातुया जक
प्रथम पुरुषे 'एकार' लोप जुई तथा अन्य व
मध्यम पुरुषे धातु अवयव 'ये' या लोप जुई ।

(ङ) आज्ञाक्रिया मिये (To sell बेचना) धातु ।

वँ—उमिसँ—म्यु ।

छँ—छिमिसँ—म्यु ।

जिँ—जिमिसँ—मो ।

थन अन्य व मध्यमपुरुषे धातुया 'इ' लोप
जुया धात्ववयव 'ए' या थासे 'उ' आदेश
जुल, प्रथमपुरुषे धात्ववयव 'ये' लोप जुया
ह्रस्व 'इ' यात दोघ 'ई' आदेश जुल । थुगु
प्रकारँ इकार पूर्व वईगु 'थिये-विये' आदि
धातुया रूप सीक्येमाल ।

(च) आज्ञाक्रिया जुये (To become होना) धातु ।

व—उपोँ—जु ।

छ—छिपीँ—जु ।

जि—जिपी—जुई ।

थन दकभनँ धात्ववयव 'ये' या लोप जुल,

प्रथमपुरुषे जक 'ई' प्रत्यय नँ जुल ।

प्रकारँ उकार पूर्व वईगु सकल 'खुये-छुये'
आदि धातुया रूप आज्ञाक्रिया विषये सीक्ये-
माल ।

हेतुहेतुमद्भूत काल ।

(Subjunctive.)

(५) कारणायात 'हेतु' धाई, कार्य (ज्या जुईगु)
यात 'हेतुमान' धाई, अर्थात् कारणाँ कार्य
प्रकट जुईगु कालयात 'हेतुहेतुमद्भूत काल'
धाई ।

थ्व कालँ प्रायः भविष्यत् काल प्रकट याई
यथा :—

वये (To come—आना) धातु ।

वा वो सा, वल धाःसा जाकि दनो ।

व्याहा याः सा, यात धाःसा सन्तान दर्ई ।

विवरण :—ध्व न्यिगु वाक्ये वा वईगु व व्याहा जुईगु कारण जुल, जाकि दनीगु व सन्तान दईगु कार्य जुल, अर्थात् कारणै कार्य प्रकट जुईगु काल जुल ।

ध्व काले हेतुवाक्ये धातु 'सा-धा:सा' संयोजक अव्यय वई । 'सा' अव्यय वई बले वर्त्तमान काले धात्ववयवया लोप जुया भिन्न २ रूप जुया वनी, 'धा:सा' अव्यय वई बले हेतु वाक्ये धातु भूतकालिक 'ल-त' प्रत्यय जुई, थुगु नियम पूर्वोक्त उदाहरणे हेतुवाक्ये 'वये-याये' धातुया रूप 'वो सा—बल धा:सा' तथा 'या:सा—यात धा:सा' जुल । थये हे :—

आख: व्वाँ सा, व्वन धा:सा विद्वान् जुई ।

दान व्य् सा, बिल धा:सा धर्म दई ।

इत्यादि हेतु-हेतुमद्भुत काल दृष्टीक्येमाल ।

संस्कृत व्याकरणे ध्व काल भविष्यत् जक जुयाचवन, अतएव हेतु वाक्ये तथा हेतुमान् वाक्ये (वृष्टिश्चेत् अभविष्यत् सुभिन्नमपि अभविष्यत्)

अर्थात् गुबले वा वई उबले जाकि दनी, थुगु प्रकारै भविष्यत्कालया प्रयोग जुयाचवन, किन्तु

अंग्रेजी तथा हिन्दी व्याकरणे स्वंगु कालया नै

व्यवहार जुयाचवन । थुगु प्रकारै ध्व नेपालभाषा-व्याकरणे नै स्वंगु कालया व्यवहार जू :

वर्त्तमान—वँ या: सा जिँ याय् ।

भूत—वँ गुबले यात जिँ उबले याना ।

भविष्यत्—वँ गुबले याई जिँ उबले यायतिनि ।

क्रियाविषये परीक्षा विषय ।

(Examination of verb.)

क्रियाया अर्थ—लक्षण तथा स्वरूप (८२-

८३) थुगु नियमे व्याख्यान याना वेधुन ।

क्रियाया भेद तथा काल व्यवस्था विषये नै

(६१ व ६४) थुगु नियमे व्याख्यान जुई

धुंकल । आ क्रियाया परीक्षा आरम्भ जुईगु

जुल ।

(६५)

क्रिया परीक्षा विषये निम्नलिखित क्रिया-विषयक परीक्षा जुई :—

(१) पूर्वकालिक क्रिया (Participle verb.)

(२) प्रेरणार्थक क्रिया (Causative verb)

(३) संयुक्त क्रिया (Compound verb.)

(४) भाव-कर्म क्रिया । (Active-passive verb.)

(५) कर्मकर्तृ क्रिया । (Kind of passive verb.)

(६) अकर्मक-सकर्मक क्रिया । (Intransitive to transitive verb.)

पूर्वकालिक क्रिया ।

(Participle)

(१) छगु वाक्ये भिन्न भिन्न समये कर्त्ता छगु ज्या समाप्त याना भेगु ज्या थाले याई, अथवा कर्त्ता न्यिगु नँ ज्या छकलँ हे याईगु गगु क्रियाँ प्रकट जुई वेत पूर्वकालिक क्रिया धाई, अर्थात् न्हापाँ छगु ज्या याना हाकनँ भेगु ज्या थाले याईगु क्रियायात पूर्वकालिक क्रिया धाई :—

(१) छँ आखः ब्वना वा ।

(२) जि बजार वना वे ।

विवरण :—ध्व न्यिगु वाक्ये आखः ब्वना वयेगु तथा

बजार वना वयेगु न्यिगु वाक्ये नँ न्यिगु २ ज्या

जुल, ध्व न्यिगु ज्या मध्ये छगु ज्या न्हापाँ याना

तिनि भेगु ज्या थाले जुई । थुगु प्रकारँ सर्वत्र भेमेगु नँ पूर्वकालिक क्रिया सीक्येमाल ।

पूर्वकालिक क्रिया देखेगु नियम ।

(अ) मूल धातुया 'एकार' स्थाने 'आ' आदेश जुई :—

नये—नया । जुये—जुया ।

त्वने—त्वना । ब्वने—ब्वना ।

वने—वना । च्वये—च्वया ।

स्वये—स्वया । ख्वये—ख्वया ।

(आ) आकार मध्यवर्ती धातु जुई बले आकार गनँ ह्रस्व जुई गनँ जुई मखु :—

धाये—धया । फाये—फाया ।

(इ) गनँ आकार बिचे वईगु धातु 'ना' प्रत्यय जुई तथा धात्ववयव 'ये' या लोप जुई :—

स्वाये स्वाना । ल्वाये ल्वाना ।

थुजागु पूर्वकालिक क्रियाया न्यिगु भेद

दु :—

(१) समाप्तद्योतक ।

(२) सातत्यद्योतक ।

(१) 'ह्रँ आखः व्वना वा' ध्व वाक्ये व्वनेगु ज्या समाप्त याना जक वरेगु ज्या आरम्भ जुई ।

(२) सातसद्योतक क्रियाँ न्यिगु ज्या नापँ प्रकट याई तथा क्रियाया ज्या समाप्त मजुस्य चलतो जुया च्वनीगु बोध याई, अले व क्रिया द्वित्व (डबल) जुया वनी, द्वित्व जुई बले धातु अवयवया लोप जुया अन्तिम धातुँ अनुनासिक प्रत्यय जुई :—

वँ सफू व्व व्वँ ज्या यात ।

वँ ज्या या याँ आखः व्वन ।

वँ महि न नँ खँ लहात ।

विवरण :—प्राचीन समये 'स्याना-ल्वाना'या थासे 'स्यानावो-ल्वानावो' थथे व्यवहार जुयाच्वन, किन्तु थौं कन्दे ध्व चलन चले मजूया नीतिं थुजागु शब्द प्रायः जिं तोता बिया, संस्कृत व्याकरणे पूर्वकालिक क्रिया देक्यत :—

'शतृ-शानच्-कानच्, क्त्वा-ल्यप्-णमुल्' प्रत्यय याना 'कृ' आदि धातुँ "कुर्वन्, कुर्वाणः, कृत्वा, प्रकृत्य" इत्यादि रूप सिद्ध जुई । तथा णमुल् प्रत्यय

जुई बले 'स्मृ' आदि धातुँ 'स्मारँ स्मारँ' रूप जुयावनी । थुजागु पूर्वोक्त प्रत्यययात 'कृदन्त' प्रत्यय धाई, तथा थुजागु कृदन्त प्रत्यय याना बने जूगु शब्दयात 'कृदन्त' शब्द धाई (९७-ई) थुगु नियम स्वयादिसँ ।

क्रमप्राप्त प्रेरणार्थक क्रिया ।

(Causative verb.)

(२) ज्या याक्येगु क्रियायात प्रेरणार्थक क्रिया धाई, सामान्य नियमँ सर्व धातुँ धातुस्थ 'ए'या न्हापा 'क्य' आगम जुया धात्वयवया लोप जुई बले गनँ धातुस्थ नकारया थासे अनुस्वार आदेश जुई, गनँ पूर्व धातु स्वर दीर्घ जुया वनी :—

च्वये—क्य=च्वक्ये ।

व्वने—क्य=व्वंक्ये ।

स्वये—क्य=स्वक्ये ।

ल्वाये—क्य=ल्वक्ये ।

धाय्—क्य=धाय्क्ये ।

ख्वये—क्य=ख्वय्क्ये ।

न्हिले—क्य=न्हिक्क्ये ।

संस्कृत भाषा प्रेरणार्थक क्रियायात 'गन्त क्रिया' धाई, अंग्रेजो भाषा (Causative verb) 'काजेटिव वर्ब' धाई।

क्रमप्राप्त संयुक्त क्रिया।

(Compound verb.)

(३) न्यिगु स्वंगु क्रिया मिले जुया बने जुईगु क्रियायात संयुक्त क्रिया धाई, संयुक्त क्रियाया प्रत्यय पूर्वकालिक क्रिया थेँ जुई, किन्तु संयुक्त क्रिया विषये थुलि भेद सीक्ये माःकि पूर्व क्रिया मुख्य जुई, द्वितीय क्रिया गौण अर्थात् अमुख्य जुया पूर्व क्रियाया सहायक (auxiliary) क्रिया जुई :—

(१) थ्व ज्या याना दिसँ।

(२) थ्व चिट्ठो ब्वना दिसँ।

विवरण :—थन 'याना दिसँ, ब्वना दिसँ' थ्व न्यिगु २ क्रिया छगु २ वाक्ये जुया च्वन, न्यिगु क्रिया मध्ये पूर्व २ क्रिया 'थाय्गु—ब्वनेगु' मुख्य जुल, द्वितीय 'दिसँ' थ्व क्रिया पूर्व क्रियाया सहायक मात्र जुल, पृथक् अर्थ जुई मखु।

संस्कृत व्याकरणे थुजागु संयुक्त क्रियाया विशेष व्यवहार मजू, किन्तु छगु क्रियाँ हे न्यिगु

क्रियाया अथे प्याहाँ वो, 'याना दिसँ—ब्वना दिसँ' थ्व न्यिगु क्रियाया अर्थ 'करोतु—पठतु' थुलि हे सिद्ध जू।

भाव कर्म क्रिया।

(Active-passive verb.)

(४) क्रिया अथवा धातुया अर्थयात 'भाव' धाई, थुजागु भाव अथवा क्रियाया प्रयोग स्वंगु प्रकारँ जुई :—

(अ) कर्त्तृवाच्य। (Active voice.)

(आ) कर्मवाच्य। (Passive voice.)

(इ) भाववाच्य। (Impersonal form.)

(अ) गुगु वाक्ये कर्त्ता प्रधान जुया क्रिया वई व वाक्ययात 'कर्त्तृवाच्य' धाई।

(आ) गुगु वाक्ये कर्म प्रधान जुया क्रिया वई व वाक्ययात 'कर्मवाच्य' धाई।

(इ) गुगु वाक्ये भाव अर्थात् अकर्मक धातुया अर्थमात्र प्रधान जुया क्रिया वई उजागु वाक्ययात भाववाच्य धाई :—

(अ) रामँ रावणयात स्याः, स्यात, स्याई।

(आ) रामँ (रामपाखे-रामद्वारँ)रावण स्याक्येगुजुल,

स्याःगुजुल ।

”

”

स्याक्येधुं कल,

स्याय्धुं कल ।

”

”

स्याक्यो—

स्याक्योतिनि,

स्याई—

स्याईतिनि ।

विवरण :—प्रथम (अ) वाक्ये ‘स्याः’ आदि क्रियाया

(क) मुख्य कर्त्ता ‘रामँ’ जुल, अतएव ध्व वाक्य कर्त्तृ-
वाच्य अथवा कर्त्ता प्रधान जुल ।

द्वितीय (आ) वाक्ये ‘स्याक्येगुजुल, स्याःगु-
जुल’ आदि क्रियाया कर्त्ता ‘रावण’ जुल । प्रथम
(अ) वाक्ये ‘रावण’ कर्म जुया द्वितीय (आ) वाक्ये
कर्त्ता जुल, अतएव ध्व वाक्य कर्मवाच्य अथवा
कर्मप्रधान जुल ।

(ख) ध्व नेपाल भाषा व्याकरणे कर्त्ताकारके व
करणकारके समान रूपं अनुनासिक (ँ) प्रत्यय
जुई, थन कर्त्तृवाच्ये ‘राम’ कर्त्ताकारक तथा कर्म
वाच्ये ‘राम’ करणकारक जुया वनी, किन्तु न्यगु
कारकया नँ स्वरूप समान हे जुया च्वन, अर्थ-

मेदँ जक कारक मेद सीदई । कर्मवाच्ये ध्व
कारक मेद सरलरूपं सीक्येतः कर्त्तावाचक शब्दया
लिपा ‘पाखे’ अथवा संस्कृत शब्द ‘द्वार’ पदया
आगम जुई बले कर्त्ताकारक व करणकारकया
मेद सीदई ।

(ग) छगु छु लुमंका तय्माल धाःसा कर्त्तृवाच्ये
सकर्मक—अकमेक न्यगु क्रियाया नँ प्रयोग जुई,
किन्तु कर्मवाच्ये सकर्मक क्रियाया जक प्रयोग
जुई ।

(घ) गथे कर्त्तृवाच्ये स्वंगु कालया व्यवहार
जुई, छगुप्रकारं कर्मवाच्ये नँ स्वंगु कालया व्यव-
हार जुई ।

(ङ) कर्त्तृवाच्यं कर्मवाच्य देख्ये बले गर्ने प्रेरणा-
र्थक धातुँ धात्वर्थ निर्देश (९७-आ) ‘गु’ प्रत्यय
नापँ ‘जुये’ धातुँ वर्त्तमान अर्थे ‘ल’
प्रत्यय जुई, मेगु धातुमात्रँ धात्वर्थ निर्देश ‘गु’
प्रत्यय नापँ ‘जुये’ धातुया वर्त्तमान अर्थे न्हापाँ
थे ‘ल’ प्रत्यय जुई ।

भूतकाले प्रेरणार्थक धातुँ तथा सामान्य धातुँ
‘धुंकल’ प्रत्यय, भविष्यकाले प्रेरणार्थक धातुँ
तथा धातुमात्रँ पूर्वोक्त ‘ई-ईतिनि’ प्रत्यय
जुई ।

कर्मवाच्य धातुया रूप ।

(Causative passive, passive.)

नये—नक्येगुजुल । नयेगुजुल ।

नक्येधुं कल । नयेधुं कल ।

नक्यो, नक्योतिनि । नई, नईतिनि ।

याये—याक्येगुजुल । याःगुजुल ।

याक्येधुं कल । यायधुं कल ।

याक्यो, याक्योतिनि । याई, याईतिनि ।

पाले—पायक्येगुजुल । पाःगुजुल ।

पायक्येधुं कल । पालेधुं कल ।

पायक्यो, पायक्योतिनि । पालो, पालोतिनि ।

(३) 'जुयेगु, वनेगु' आदि धातुया अर्थयात भाव धाई, भाव छगु जक जूयानातिँ उको द्विवचन-बहुवचनया प्रयोग जुई मखु, न भावक्रियाय् मध्यम व प्रथम पुरुषया प्रयोग जुई, किन्तु सर्वत्र भावक्रियाय् अन्यपुरुषया (3rd person) एकवचन क्रियाया जक प्रयोग स्वंगु काले न केवल अकर्मक धातुँ जक जुई, थुलि भेद भाववाच्ये व कर्त्तृवाच्य-कर्मवाच्ये सीक्येमाल ।

भाववाच्य धातुया रूप ।

जुये (To be होना) धातु ।

वर्त्त० एक० भूत एक० भवि० एक०

वेगु-उमिगु, छंगु-छिमिगु,

जिगु-जिमिगु-पाखेँ-द्वारै जुईगुजुल जुई धुं कल जुईतिनि ।

थ्व ज्या—

विवरण :—सकर्मक धातुया कर्त्तृवाच्य-कर्मवाच्य

(क) न्यिगु भेद तथा अकर्मक धातुया न कर्त्तृवाच्य भाववाच्य न्यिगु भेद जुल । अकर्मक धातुया रूप कर्त्तृवाच्ये 'छ जू, व जू, जि जुई' आदि रूप क्रिया प्रकरणे बीधुन ।

(ख) भाववाच्ये, अकर्मक धातुँ प्रायः वर्त्तमान काले धात्वर्थ निर्देश 'गु' प्रत्यय नापै 'जुये' धातुँ वर्त्तमान अर्थे 'ल' प्रत्यय जुई, तथा भूतकाले 'धुं कल' भविष्यकाले 'ई-ईतिनि' प्रत्यय जुई, धातुया 'ये' या अथवा 'ए' या लोप जुई :—

जुये—जुईगुजुल, जुईधुं कल, जुईतिनि ।

द्यने—द्यनेगुजुल, द्यनेधुं कल, द्यनीतिनि ।

वने—वनेगुजुल, वनेधुं कल, वनीतिनि ।

(ग) भाववाच्ये अकर्मक धातु प्रधान जूया नीतिं कर्त्ताय् सकर्मक धातुवी थे करणकारक जुई मखु धका सीक्येमाल, भाववाच्ये कर्त्ताय् 'पाखे—द्वार' शब्दया आगम कर्मवाच्ये थे जुई ।

छगु धव लुमंका तयेमाल कि अकर्मक धातु कर्त्तृवाच्ये तथा भाववाच्ये अनुनासिक (ँ) प्रत्यय जुई मखु । किन्तु अनुनासिक सहित 'द्वार' आदि पदया आगम जुई ।

क्रमप्राप्त कर्मकर्त्तृ क्रिया ।

Kind of passive verb.

(५) गुगु कर्त्ताय् कर्मसमान क्रिया लक्षित

(अ) जुई व कर्त्ता कर्मवत् जुई धका धया तल, थुजागु क्रियायात—गुगुली कर्त्ता कर्मवत् जुई—'कर्मकर्त्तृ क्रिया' धाई, धव क्रियाया रूप भाववाच्ये थे जुई :—

भिद्यते काष्ठम्—सिँ फाय्गुजुल ।

पच्यते ओदनः—जा बुक्येगुजुल ।

विवरण :—थन 'सिँ-जा' कर्त्ता कर्मथे जुल ।

कर्म कर्त्तृ क्रियाय् प्रायः सकर्मक धातु नँ अकर्मक जुया वनी, अतएव कर्मकर्त्तृ क्रियाया

कर्मवाच्य जुई मखु, किन्तु भाववाच्य जक जुई, तथापि कर्त्तृवाच्य क्रिया कर्मवाच्य तथा भाववाच्य याय्तः हे धव कर्मवत् अतिदेश (उपदेश) जुल ।

'वँ जा बुकेत्यन । वँ सिँ फाय्त्यन ।

थन 'जा-सिँ' कर्म जुल, किन्तु :—

'सिँ फाय्गुजुल, जा बुकेगुजुल ।

थन 'सिँ-जा' कर्त्ता जुल, वस थुजागु कर्मया कर्त्तृत्वेन परिणाम जुईगु हे धव कर्मकर्त्तृ क्रियाया प्रयोजन जुल ।

(आ) गनँ २ सौकर्यातिशय अर्थात् आपालँ सरल रूप अथे प्रकट याय्तः गुबले कर्त्ता करण आदि कारकया प्रयोग जुई मखु उबले करण आदि कारक नँ कर्त्ता जुया वनी :—

जोगु चुपिँ वँलोक पाः ।

भोँगु पाँ छकलँ सिमा कोठल ।

थन 'चुपि-पा' कर्त्ता जुल ।

'वँ चुपिँपाल, वँ पाँ पाल ।

थुजागु थासे 'चुपि-पा' करण कारक जुई ।

(इ) अधिकरण नँ कर्त्ता जू :—

जासिँ जा बुकल । क्येँ सिँ क्येँ बुकल ।

थन 'जासि-क्ये सि' कर्त्ता जुल, किन्तु :—
 'वँ जासी जा बुकल, वँ क्येँसी क्येँ बुकल ।
 (१६६) थुजागु थासे 'जासी-क्येँसी' अधिकरण जुल ।

क्रमप्राप्त अकर्मक—सकर्मक क्रिया ।

(Intransitive to transitive verb.)

(६) अकर्मक क्रियाँ सकर्मक जुईगु क्रियायात अकर्मक-सकर्मक क्रिया धाई । अकर्मक क्रियाँ धातुस्थ 'एकार'या न्हापा 'क्य' आगम जुई बले अकर्मक क्रिया सकर्मक जयावनी तथा धात्वव-यव 'य' आदि वर्णया लोप जुई, गनँ धातुस्थ स्वर दीर्घ आदि जुया स्वरूप बदले जुई :—

ख्वये	क्य	ख्वेक्ये ।
न्हिले	क्य	न्होक्के ।
वाये	क्य	वाक्ये ।
म्वाये	क्य	म्वाक्ये ।
सिये (परना)	क्य	स्याक्ये ।
म्हिट्टे	क्य	म्हिट्टिक्ये ।
छ्वये (जलना)	क्य	छ्वेक्ये ।

विवरण :—थन दकमनँ अकर्मक धातु धातुस्थ एकार-

या न्हापा 'क्य' आगम जुया धातु-अवयवया लोप जुल, 'न्हिले' अकर्मक धातु 'क्य' आगम जुया ह्रस्वस्वर दीर्घ जू बले न्हिल्-ए = न्हो—क्य-ए = 'न्होक्के' सिद्ध जुल ।

ध्व अकर्मक सकर्मक जुईगु क्रिया प्रेरणार्थक क्रिया जुया वनी । प्रेरणार्थक क्रिया (९५-(२) थुगु नियमे व्याख्यान याना वेधुन । ध्व न्यिगु प्रकारया प्रेरणार्थक क्रिया मध्ये थलि जक भेद जुई कि (९५-(२) थुगु प्रेरणार्थक क्रिया सकर्मक धातु बने जुई, (९५-(६) ध्व प्रेरणार्थक क्रिया अकर्मक धातु बने जुई ।

शब्दविषये क्रमप्राप्त अव्यय विषयक परीक्षा विषय ।

(Examination of preposition)

अर्थबोधक शब्दविषये संज्ञावाचक, सर्वनाम-वाचक तथा गुणवाचक शब्दया लक्षण व परीक्षा समाप्त जुल । वया लिया क्रिया विषये नँ क्रिया-वाचक शब्दया स्वरूप, भेद—उपभेद तथा लक्षण व परीक्षा विशेष प्रकारँ समाप्त जुईधुकल । क्रियावाचक शब्द परीक्षाया लिपा आ अव्यय-वाचक शब्द क्रमँ वल । अव्यय वाचक शब्दया

नै स्वरूप तथा लक्षण । (५६—(५) थुगु नियमे व्याख्यान याना वेधुन । आ अव्यय शब्द विषयक भेद—उपभेदया विशेष लक्षणपूर्वक परीक्षा जुई ।

(६६) अव्ययवाचक शब्द न्यागु प्रकारया दु :—

- (१) क्रियाविशेषण । (Adverb.)
- (२) सम्बन्धवाचक । (Relative conjunction.)
- (३) उपसर्ग । (Preposition.)
- (४) संयोजक । (Conjunction.)
- (५) विस्मयादिबोधक । (Interjection.)

अव्ययविषये क्रियाविशेषण ।

(Adverb.)

(१) क्रिया नापँ वई बले गुगु शब्दँ क्रियाया विशेषकाल, भाव अथवा रीति आदि बोध याई वेत क्रियाविशेषण धाई :—

(क) थयेँ वा । कन्हे वा । कैस वा ।

(ख) वँ थये यात । व अथे फेटुनाच्चन ।
विवरण :—थन (क) वाक्ये 'थयेँ—कन्हे—कैस' शब्दँ 'वा' क्रिया नापँ वया वर्तमान तथा भविष्यकालयात बोध यात ।

(ख) वाक्ये 'थथे—अथे' शब्दँ क्रियाया भाव अथवा रीति प्रकट जुल ।

अव्ययविषये क्रियाविशेषण ।

थुजागु क्रियाविशेषण खुगु प्रकारया दु :—

- (अ) कालवाचक । (Adverb of time.)
- (आ) स्थानवाचक । (Adverb of place or relative adverb.)
- (इ) रीतिवाचक । (Adverb of manner.)
- (ई) परिमाणवाचक । (Adverb denoting quantity.)
- (उ) स्वीकार—निषेधवाचक । (Adverb of affirming & denying.)
- (ऊ) प्रश्नवाचक । (Interrogative adverb.)

क्रियाविशेषणविषये कालवाचक शब्द ।

(Adverb of time.)

(अ) गुगु शब्दँ कालविशेष प्रकटयाई वेत काल वाचक अव्यय धाई :—

आ	म्हिंग	सदा
उबले	म्होग	सुटे

थऊँ कन्हे सर्वदा सिपा
थयें कँस बःन्ही न्हापा
थगुने आक्यो ।

क्रियाविशेषणविषये क्रमप्राप्त

स्थानवाचक शब्द ।

(Adverb of place. or relative adverb.)

(आ) गुगु शब्द स्थानयात प्रकट याई व शब्द-

यात स्थानवाचक अव्यय धाई :-

थन उखे वारपार दुने
अन थुखे सतिक पिने
गन गुखे सर्वत्र गुथाय्
उखे पाखे तापा उथाय् थुखे पाखे
च्चे के

क्रियाविशेषणविषये रीतिवाचक शब्द ।

(Adverb of manner)

(इ) गुगु शब्द भाव अथवा रीतियात प्रकट

याई वेत भाववाचक अव्यय धाई :-

गुरू शिष्ययात पटापट—चटाचट दाल ।

मिसाँ मिजँयात पुलुपुलु अथवा पुलुक स्वया
मुसुमुसु अथवा मुसुक
न्हिल ।

विवरण :- थुजागु भाव अथवा रीति प्रकट जुई बले व
अव्यय शब्द प्रायः (आपाले) द्वित्व अर्थात् डबल
जुया वनी, अकारान्त अव्यय शब्द जुल थाःसा
पूर्वपद दीर्घ जुयावनी :-

पटापट—सरासर ।

थुगु प्रकारे के च्वयातःगु भाव अथवा रीति-
वाचक शब्द सीक्येमाल :-

चकाचक	सरासर	थपक
छकाछक	धमाधम	भसँक
फकाफक	सुरुसुरु	ध्याच्च
खुरुखुरु	न्याच्च	

क्रियाविशेषणविषये परिमाणवाचक शब्द ।

(Adverb of quantity.)

(ई) गुगु शब्द परिमाण अर्थात् 'आपा—ह' प्रकट याई व शब्द परिमाणवाचक अव्यय जुई धका सीक्येमाल :-

आपा थुलि
अत्यन्त उलि
भतीचा गुलि इत्यादि

क्रियाविशेषणविषये स्वीकार-

निषेधवाचक शब्द ।

(Adverb of affirming & denying.)

(उ) गुगु शब्द 'स्वीकार तथा निषेध' प्रकट

जुई वेत स्वीकार—निषेधवाचक अव्यय
धाई :—

खः न्हयँ
मखु म्हा
ज्यौ न—मते

विवरण :—'खः—मखु' ध्व न्यिगु शब्द धातुया रूप न
जुयाचवन, 'खये' धातुया रूप स्वयादिसँ ।

क्रियाविशेषण विषये प्रश्नवाचक शब्द ।

(Interrogative adverb.)

(ऊ) गुगु शब्द प्रश्नपूर्वक काल, स्थान, अवस्था

तथा रीति आदि प्रकट जुई उजागु शब्दस्य
प्रश्नवाचक अव्यय धाई :—

। हु छ गुबले वया ?

। जी छ गुलितक थन चवने तिनि ?

विवरण :—थन 'गुबले—गुलितक' शब्द कालबोधक

प्रश्नवाचक अव्यय जुल ।

थुगुप्रकारँ निम्नलिखित शब्द नँ सीक्ये-

माल :—

गन गनँ गुलितक गुबलेसम्म ।
गुलि छाये गथे छु ।

अव्ययविषये सम्बन्ध वाचक शब्द ।

(Relative conjunction.)

(२) गुगु शब्द संज्ञावाचक शब्दे तथा वाक्यया
मेमेगु शब्दे सम्बन्ध प्रकाश याई वेत सम्बन्ध
वाचक अव्यय धाई, थुजागु अव्यय न्यिगु
प्रकारया दु :—

(अ) निर्विभक्तिक । (Without possessive case proceeding.)

(आ) सविभक्तिक । (With possessive case proceeding.)

(अ) गुगु शब्दया न्हापाँ विभक्ति अर्थात्
कारक प्रत्यय वई मखु, उजागु शब्दयात निर्वि-
भक्तिक अव्यय धाई । यथा :—

रामनापँ वा । राम समेत हूँ ।

एवं रहित—सहित आदि ।

विवरण :—ध्व वाक्ये 'नापँ' व 'समेत' पदया न्हापाँ हुँ विभक्ति (कारक प्रत्यय) राम शब्द म बल । 'रामनापँ—रामसहित' थुजागु शब्दे षष्ठी तत्पुरुष समास जुया सम्बन्धकारक विभक्ति 'या' लोप जुल । 'रामया नापँ'—'रामया समेत' ध्वे धाःसौं ज्यू, किन्तु थुगु प्रकारँ धाय् बले 'नापँ, समेत' आदि सविभक्तिक अव्यय जुई ।

(आ) गुगु शब्दया न्हापाँ सम्बन्ध वाचक 'या' विभक्ति (कारक प्रत्यय) वई उजागु शब्द यात 'सविभक्तिक सम्बन्धवाचक' अव्यय धाई :—

लक्ष्मणया न्हापा राम बुल ।

रामया लिपा लक्ष्मण बुल ।

विवरण :—ध्व न्यगु वाक्ये 'न्हापा-लिपा' अव्यय पदया पूर्वा 'लक्ष्मण—राम' शब्द सम्बन्धवाचक 'या' कारक प्रत्यय (विभक्ति) बल, थुजागु शब्द-यात सविभक्तिक अव्यय धाई ।

थुगु प्रकारँ ववे च्वयातःगु सविभक्तिक सम्बन्धवाचक अव्यय शब्द सीक्येमाल :—

न्हापा नापँ दुने ।

लिपा थोने पिने ।

च्वे न्थोने पलसँ ।

के लिउने

अव्यय विषये उपसर्गविषय ।

(Preposition)

(३) उपसर्ग धयागु क्रियानापँ अथवा संज्ञा-वाचक शब्दनापँ वई । प्रायः यावत् उपसर्ग शब्द संस्कृते जक जुयाच्चन, तथापि नेपाल भाषाय् व्यवहृत (व्यवहार याना तःगु) संस्कृत शब्द आपालँ दया च्वाँ या नोतिँ उपसर्ग शब्दया व्याख्यान याय्माल ।

मुख्य २ उपयोगी उपसर्ग निम्नलिखित

जुयाच्चन :—

प्र परा अप सम अनु अव निर्

दुर् वि नि अधि अति सु कु

उत् अभि प्रति परि उप आ अ ।

विवरण :—ध्व उपसर्ग गुगु क्रियानापँ वई वँ क्रियाया अर्थयात प्रकाश धाई, क्रियानापँ संयोग मजुई बले अर्थरहित जुई, किन्तु गनँ २ उपसर्ग क्रिया-

नापै संयोग जुई बले धातुया अर्थ बदले नै
जुयावनी, यथा :—

दान—आदान ।

हार—प्रहार, आहार, संहार, विहार, परिहार ।

‘दान’ धयागु दान बीगु, थकी ‘आ’ उपसर्ग
मिले याय्बले ‘आदान’ अर्थात् दान काय्गु अर्थ
जुल, एवं ‘हार’ शब्दे ‘प्र—आ—सं—वि—परि,
उपसर्ग मिले याय्बले भिन्न भिन्न अर्थ जुई
यथा :—

प्रहार—दाय्गु, आहार—नय्गु, संहार—
स्याय्गु, विहार—आनन्द याय्गु, परिहार—
जवाव बीगु ।

आ च्वे उपदेश याना तयागु उपसर्ग ‘प्र—
परा’ आदि क्रियानापै वई बले क्रियाया अर्थ
प्रकट जुईगुया क्रमपूर्वक व्याख्यान जुईगु जुल :—

प्र—अतिशय (आपा) अर्थद्योतक :—

प्र—णाम=प्रणाम । प्र—स्थान=प्रस्थान ।

प्र—सिद्ध=प्रसिद्ध ।

परा—अनादर, नाश अर्थ द्योतक :—

परा—जय=पराजय । पराभव, परास्त ।

अप—अपमान अथवा भूँक्ष्णद्योतक :—

अपमान, अपयश, अपशब्द, अपवाद ।

सम्—संयोग व उत्कृष्ट अर्थ द्योतक :—

सम्बन्ध, संस्कृत (बालाका तःगु)

अनु—सादृश्य व पश्चात् (लिपा) अर्थद्योतक :—

अनुरूप, अनुचर ।

अव—अनादर व निकृष्टार्थद्योतक :—

अवज्ञा, अवगुण ।

निर्—निषेध (रहित) अर्थद्योतक :—

निराकार, निर्दोष, निर्मल, निर्भय ।

दुर्—दुष्टता-निन्दा अर्थद्योतक :—

दुर्जन, दुर्बुद्धि, दुर्दशा ।

वि—हीनता तथा अधिक अर्थद्योतक :—

वियोग, विरूप, विशेष ।

नि—निषेध तथा अवरोध (रुके जुईगु) द्योतक :—

निषेध, निवारण, निरोध ।

अधि—मालिक अर्थ प्रकट जुईगु :—

अधिराज, अधिकार ।

अति—अधिक अर्थ प्रकट जुईगु :—

अतिशय, अतिकाल ।

सु—श्रेष्ठ अर्थ द्योतक :—

सुजाति, सुपुत्र ।

कु—दुष्टता—निन्दा अर्थद्योतक :—

कुकर्ष, कुपुत्र, कुजाति ।

उत्—श्रेष्ठ—उच्च अर्थद्योतक :—

उत्कृष्ट, उत्कर्ष, उदय ।

अभि—व्यापक—इच्छा आदि द्योतक :—

अभिव्यापक, अभिप्राय, अभिमत ।

प्रति—नित्य, विरोध आदि द्योतक :—

प्रतिदिन, प्रतिमास, प्रतिवादी ।

परि—सर्वतो भाव व अधिक द्योतक :—

परिपूर्ण, परिजन, परिवार ।

उप—समोपता (सतोगु) भेद आदि द्योतक :—

उपवन (वन नापँ चोँ गु) उपजाति,

उपनाम ।

आ—सीमा (अन्त) विरोध, ग्रहण आदिद्योतक :—

आसूर्य (सूर्यतक) आक्रमण, आदान ।

अ—रहित, निषेध द्योतक :—

अरूप, अव्यय, अपवित्र ।

अव्यय विषये संयोजक शब्द ।

(Conjunction.)

(४) गुगुशब्दं पद, वाक्य अथवा वाक्यांशया

विचे वया पद व वाक्ययात संयोग याई वेत

‘संयोजक’ अव्यय धाई :—

थुजागु संयोजक अव्यय न्यगु प्रकारया दुः—

(क) अनाश्रित (Co-ordinative)

(ख) आश्रित (Subordinative)

(क)—समानावस्थ वाक्य अथवा समानपदयात

संयोग याईगु अव्यययात अनाश्रितअव्यय धाई,

थुजागु अनाश्रित अव्यय प्यंगु प्रकारया दुः—

(अ) संयोजक । (Cumulative)

(आ) विकल्पक । (Alternative.)

(इ) विरोधक । (Adversative)

(ई) परिणाम बोधक । (Illative)

(अ) वाक्य अथवा पदयात संयोग याईगु

अव्यययात संयोजक अव्यय धाई :—

व—राम व लक्ष्मण वने वन ।

नै—महर्षि गौतमँ न्याय शास्त्र दयकल,

महर्षि कपिलँ नै साङ्ख्य शास्त्र दयकल ।

न केवल—बल्कि नै—पुरुषोत्तम राम न केवल

वीर ठहरे जुल, बल्कि

धर्मात्मा नै सिद्ध जुल

आ—छँ न्हापाँ व्याकरण शास्त्र ब्वन,

आ न्यायशास्त्र ब्वँ ।

(आ) विकल्प अर्थात् अनिश्चय प्रकट याईगु

अव्यययात विकल्पक अव्यय धाई :—

(वा—अथवा—छँ वेदान्त शास्त्र ब्वँ वा (अथवा)

मीमांसा शास्त्र ब्वँ ।

कि-कि—कि व कि छ खुँ ठहरे जुल ।

न-न—न वँ न छँ भौँगु ज्या यात ।

मखु सा—(अन्यथा) छ थन च्वने मते, मखु सा

(अन्यथा) छ पकडे जुईगु जुल ।

खय् मा मखय् मा—छ दोषी खय् मा मखय्

खः साँ मखु साँ मा (खः साँ मखु साँ)

छ थन च्वने मते ।

(इ) विरोध प्रकट याईगु अव्यययात

विरोधक अव्यय धाई :—

जू साँ-व बृद्धिमान् जूसाँ बदमास ठहरे जुल ।

अनै—वेत विपत्तिजक वयाच्वन, अनै व

शान्तचित्त जुया च्वन ।

जक—छँ योयोगु ज्या या, व्यसने जक फँसे

जुई मते ।

(ई) परिणाम (फल) पिकाईगु अव्यययात

परिणाम बोधक अव्यय धाई :—

नीतिँ—उकिया नोतिँ—वँ बालाक परिश्रमयाना

आखः ब्वन, उकिया

नीतिँ व विद्वान् जुल ।

(ख) गुगु अव्ययँ अन्याश्रित वाक्ययात संयोग

याई थुजागु अव्यययात आश्रित अव्यय धाई,

थुजागु सापेक्ष—आश्रित अव्ययँ अन्याश्रित

वाक्ययात संयोग याई बले छगु प्रधान (मुख्य)

वाक्य जुई, छगु अप्रधान अर्थात् आश्रित

वाक्य जुई :—

आश्रित वाक्य संयोजक प्रधान वाक्य ।

सा—वँ आखः ब्वोँ सा व विद्वान् जुई ।

थुजागु आश्रित अव्यय गुं गु प्रकारया दु :—

(१) वाक्यारम्भ सूचक । (Introductory sense)

(२) कारण सूचक । (Causation or reason)

(३) परिणाम सूचक (Effect)

(४) उद्देश्य सूचक (Purpose)

(५) अवस्थामुचक (Condition)

(६) विरोध सूचक (Contrast)

(७) तुलना द्योतक (Comparison)

(८) विस्तार अथवा रीति सूचक

(Extent or manner)

(९) समय सूचक (Time)

प्रधान वाक्य संयोजक आश्रित वाक्य ।

Principal clause. Con. Dependent clause.

(१) मैं धाल कि वा बल ।

मैं प्रतिज्ञा यात कि जिँ वेद ब्वने ।

(२) व पास जुई छाये धाःसा मैं बालाक परि-
श्रम यात ।मोसैं धर्मियाय माल छाये धाःसा भोगु जीवनया
विश्वास मरु ।

(३) ब्रह्मू नँ उलि मछि नल कि मैं धर २ लहट ।

मैं अथे आखः ब्वन कि व पागल जुया वन ।

आश्रित वाक्य प्रधान वाक्य ।

(४) मैं सत्य-असत्य छुटे याय धका वेदशास्त्र ब्वन ।

मैं दाँ कमाय याय धका आखः ब्वन ।

मैं आराम साथ च्वने धका न्हूगु बालागु छें दन ।

(५) यदि जित आझा जूसा जिँथ्व ज्या याय ।

हँ आखः म ब्वौ तल्ले हँगु सुधार जुई मखु ।

आश्रित वाक्य संयोजक प्रधान वाक्य ।

धर्मात्मा मजू तल्ले पाप कम जुई मखु ।

वा वो सा बल धाःसा जाकि दनो ।

(६) ऋषिणीँ यद्यपि गरीब जुन उपोँ धर्मात्मा
जुया वन ।

व तःहँ मनु जूसौँ पापी जुया च्वन ।

(७) व गथे विद्वान् जुया च्वन अथे जिनँ जुई ।

मैं छुन्त उनि यो गुलि मैं जित यो ।

(८) गथे मनुतसेँ पो अथे उमिसँ लई ।

गुबले तक वेद दई उबले तक ज्ञान दई ।

गुबले सम्म सूर्य दई उबले सम्म प्रकाश दई ।

(९) छ गुबले बई उबले जि वने ।

गुबले तक संसार दई सूर्य चन्द्रमा
उदय जुई ।

अव्ययविषये क्रमप्राप्त विस्मयार्थ

बोधक शब्द ।

(Interjunction)

(३) गुगु शब्द दुःख-कष्ट आदि शोक, सुख-
आनन्द आदि हर्ष, आश्चर्य-निन्दा-घृणा

आदि अन्तःकरणया भाव तथा दशा-अवस्था
प्रकट जुई वेत 'विस्मयादि बोधक' अव्यय
धार्इ ।

दुःख बोधक (Denoting grief) आया ! आह !

सुख बोधक (Denoting joy) आहा ! धन्य धन्य !

आश्चर्य बोधक (Denoting wonder) ओहो !

निन्दा बोधक (Denoting reproof)

छि ! धिक्कार ! थ्वैक !

घृणा बोधक (Denoting contempt or
redicule) छि-छि-छो, धत, धत्तेरो !

प्रशंसा बोधक (Denoting approval)

वाह वाह ! धन्य ! स्यावास ! क्या बात !

सम्बोधन बोधक (Denoting address) हे ! अरे !

शब्दविषये शब्द रचना परीक्षा विषय ।

(Derivations)

थुगु (५६) नियमे उपदेश याना वयागु अर्थ
बोधक संज्ञावाचक-सर्वनामवाचक-गुणवाचक-
क्रियावाचक तथा अव्यय वाचक शब्दया उद्देश,
लक्षण व परीक्षा क्रमपूर्वक समाप्त जुई धुंकल,
थ्व न्यागु सार्थक शब्दया भेद उपभेद पूर्वक

(५७) उमिगु नें स्वरूप-लक्षण तथा परीक्षा यथाक्रम
याना वेधुन । आ भिन्न २ शब्द अनेक प्रकारगु
शब्द द्यक्येगु विषये व्याख्यान याय्माल ।

शब्द रचना धयागु शब्द सिद्ध याय्गु, थुगु
(५८) नियमे सामान्य रूप 'रूढि-यौगिक-
योगरूढि' शब्द भेद पूर्वक शब्द रचनाया भेद
उपदेश याय् धुन । आ शब्द रचनाया विशेष
भेद पूर्वक परीक्षा जुईगु जुल ।

शब्द रचनाया मुख्य स्वंगु भेद दु :-

- (५९) (१) कृदन्त । (Verbal formations)
(२) तद्धित । (Derivatives)
(३) समास । (Compound word)

शब्द रचना विषये कृदन्त विषय ।

(Noun or verb formed by affixes termed
कृत to the root)

क्रियाया अन्ते प्रत्यय याना सिद्ध जुईगु
व्दयात 'कृदन्त' धार्इ, थुगुप्रकारें बने जुई,
शब्द प्यंगु प्रकारया दु :-

- (अ) कर्त्तावाचक । (Subjective word)
(आ) कर्मवाचक । (Objective word)

(इ) भाववाचक । (Abstract word)

(ई) क्रियावाचक । (Words denoting verb)

कृदन्त विषये कर्त्तावाचक शब्द ।

(Subjective word)

(अ) क्रिया कृदन्त प्रत्यय जुई बले वर्त्तमान-

भूत-भविष्यत्काल बोधक कर्त्तावाचक शब्द

सिद्ध जुई :-

(१) वर्त्तमान बोधक—वर्त्तमान कालवाचक

धातु 'ह' प्रत्यय जुई :-

नये-नःह, वने-वोह, स्वये-स्वोह, स्याये-स्याह ।

(२) भूतकाल बोधक—धातु 'ह' प्रत्यय जुई

बले विचे 'धुंकू' पदया आगम जुई तथा

धातु-अवयव 'ए' गनँ लोप जुई गनँ जुई

मखु :-

नये-नयधुंकूह, वने-वनेधुंकूह, स्याये-

स्यायधुंकूह ।

(३) भविष्यत्काल बोधक—प्रत्येक क्रिया

प्रायः 'ईह' प्रत्यय जुया क्रिया-अवयव 'ये'

वा लोप जुई :-

नये—नईह ।

स्वये—स्वईह ।

स्याये—स्याईह ।

विवरण :- धन 'नये' आदि धातु 'ईह' प्रत्यय जुया

धात्ववयव 'ये' या लोप जुल । धात्ववयव 'ए' जक

लोप जुई बले 'नये—नयोह, स्वये—स्वयोह,

स्याये—स्यायोह' थथे रूप जुया वनी ।

गनँ 'नू' बिचे वईगु धातु 'ईह' प्रत्यय जुई

बले धात्ववयव 'ए' जक लोप जुई :-

वने—वन् + ए = वन् + ईह = वनीह ।

द्यने—द्यन् + ए = द्यन् + ईह = द्यनीह ।

त्वने—त्वन् + ए = त्वन् + ईह = त्वनीह ।

ध्व 'ह', 'ईह' प्रत्यय प्राणिवाचके जक जुई ।

कृदन्तविषये कर्मवाचक शब्द ।

(Objective word)

(आ) क्रिया 'गु' तथा 'सा' प्रत्यय जुई बले

कर्मवाचक शब्द सिद्ध जुई, 'गु' प्रत्यय जुई

बले गनँ धात्ववयव 'ए' या विकल्प लोप जुई,

गनँ 'वने' आदि धातु 'धात्ववयव' लोप

जुई मखु 'सा' प्रत्यय जुई बले 'ये' धात्ववयव-

या लोप जुई :-

'गु' प्रत्ययया रूप ।

- (क) नये—नयेगु, नय्गु ।
 त्वने—त्वनेगु ।
 स्वये—स्वयेगु, स्वेगु ।
 न्यने—न्यनेगु ।
 स्याये—स्यायेगु—स्याय्गु ।
 धाये—धायेगु—धाय्गु ।

विवरण :—ध्व 'गु' प्रत्यय जुई बले केवल अप्राणिबोधक अथ जक प्रकट जुई । 'नये—स्याये—धाये' आदि अकार तथा आकार मध्यवर्ती धातु 'गु' प्रत्यय जुई बले विकल्प (गनँ जुई-गनँ जुई मखु) 'एकार' या लोप जुया 'नयेगु-नय्गु, स्यायेगु—स्याय्गु' तथा 'धायेगु—धाय्गु' न्यिगु प्रकारया शब्द सिद्ध जुई, प्रायः ध्व न्यिगु प्रकारया नँ लोके व्यवहार जुयाच्वन ।

- (ख) ध्व 'गु' प्रत्यय धातु निर्देश याय् बले अर्थात् थुगु धातु धका धाय् बले नँ जुई :—
 वने—वनेगु, वने—वनेगु
 'सा' प्रत्ययया रूप ।

- (ग) नयेगु—नसा ।
 तियेगु—तिसा ।

लायेगु—लासा ।

हायेगु—हासा ।

कृदन्त विषये भाववाचक शब्द ।

(Abstract words.)

भाववाचक शब्दया उपदेश (५७-७) थुगु नियमे याना वेधुन ।

- (इ) गुगु क्रिया उच्चारण याय् बले क्रियाया भाव अर्थात् अर्थ—धर्म—स्वभाव प्रकट जुई थुजागु शब्द भाववाचक धका सीक्येमाल ।
 क्रियाँ भाववाचक शब्द बने जुई बले क्रियाया समानस्वरूप जुई, किन्तु प्रायः न्यिगु क्रिया नाप नापँ वई :—

नये त्वने । काये विये । हाले हिले ।

सने सिने । माले मिले । पाले पिले ।

भूतकाल वाचक 'काल-बिल' शब्दया नँ व्यवहार जू ।

कृदन्तविषये क्रियावाचक शब्द ।

(Words denoting verb.)

क्रियावाचक शब्दया व्याख्यान (८२—९५)

थुगु नियमे विशेषप्रकारँ याना वेधुन ।

कृदन्त भूत पूर्वकालिक क्रिया ।

(Indeclinable past participle or gerund)

- (१) क्रिया आ—ना प्रत्यय जुई बले कृदन्त क्रियावाचक शब्दसिद्ध जुई, तथा धात्ववयवया लोप जुई :—

स्वये—स्वय्+आ=स्वया ।

याये—या+ना=याना ।

कृदन्त सातत्यबोधक वर्तमानपूर्वकालिकक्रिया ।

(Present participle or gerund denoting repetition)

- (२) क्रिया द्वित्व जुया अन्तिम धातुँ अनुनासिक प्रत्यय जुई बले सातत्य अर्थात् निरन्तर अर्थ प्रकट जुई :—

ब्रह्मचारीँ वेद व्व व्वँ तप यात ।

योगोँ योग या योँ शरीर तोतल ।

ऋषिँ तप यायाँ शास्त्र दय्कल ।

विवरण :— ध्व हे कृदन्त क्रियावाचक शब्दयात पूर्व कालिक क्रिया धाई, थुगु (९५—(१) नियम स्वया दिसे ।

उद्देश्य—कारण बोधक क्रिया ।

(Infinitive.)

- (३) क्रियाँ 'तः' प्रत्यय जुई धात्ववयवया प्रायः

'ए' लोप विकल्प जुया वनो :—

नये—नय्तः । स्याये—स्याय्तः ।

याये—याय्तः । स्वये—स्वय्तः ।

वने—वनेतः । त्वने—त्वनेतः ।

म्हटे—म्हटेतः । पाले—पालेतः ।

विवरण :—संस्कृत व्याकरणे ध्व अर्थे 'तुमुन्' प्रत्यय जुई, किन्तु अंग्रेजी व्याकरणे थुजागु क्रियायात (Infinitive verb) इन्फिनिटिव बर्ब धाई ।

कृदन्त भविष्यत्काल बोधक क्रिया ।

(Future participle)

- (४) कर्त्तव्य अर्थे अर्थात् अवश्य याय् माःगु

(अ) (should or must) अर्थे प्रत्येक क्रियाँ

“मा :—माल” प्रत्यय जुई तथा 'ए' विकल्प

लोप जुई :—

ध्व ज्या यायेमाः—याय्माः ।

,, यायेमाल—याय्माल ।

संस्कृत व्याकरणे ध्व अर्थे “तव्य तथा

अणोयर” प्रत्यय जुया ‘कृ’ आदि धातुं
‘कर्त्तव्य—करणीय’ पद सिद्ध जुई ।

विवरण :—‘माः’ प्रत्यय जुई बले अवश्य (must)
अर्थया बोध जुई, किन्तु ‘माल’ प्रत्यय जुई बले
केवल कर्त्तव्य अर्थ (should) जक प्रकट जुई ।
थ्व ‘मा-माल’ प्रत्यय विधि क्रियाविषये (९.४-२)
नँ व्याख्यान याना वेधन । कृदन्त क्रियाय् अवश्य
कर्त्तव्य अर्थया प्रतीति जुई, किन्तु विधिक्रियाय्
केवल विधिरूप विधान सम्म जुई, थुलिजक भेद
जुयाचवन ।

(आ) क्रिया ‘मानि’ प्रत्यय जुई बले अवश्य
कर्त्तव्य, भविष्यत्काल तथा शेष थ्व स्वंगु
अर्थ प्रकट जुई :—

जिं धर्म यामानि ।

थन स्वंगु अर्थ प्रकट जुल ।

शब्द रचना विषये तद्धित विषय ।

(derivatives.)

(२) संज्ञावाचक शब्द अनेक प्रकारगु प्रत्यय-
याना अनेक शब्द सिद्ध जुई, थुजागु शब्द
यात ‘तद्धित’ प्रत्ययान्त शब्द धाई ।

(६८) तद्धित प्रत्ययान्त शब्द स्वंगु प्रकारया दुः—

(अ) कर्त्तावाचक । (Subjective words)

(आ) भाववाचक । (Abstract words)

(इ) गुणवाचक । (Adjectives formed

by noun.)

तद्धित विषये कर्त्तावाचक शब्द ।

(Subjective words.)

(अ) संज्ञावाचक शब्द ‘गुल’ अथवा ‘कुल’
प्रत्यय जुई बले तद्धित प्रत्ययान्त कर्त्तावाचक
शब्द सिद्ध जुई :—

ऐला—ऐलागुल—ऐलाकुल ।

गजी—गजीगुल—गजीकुल ।

बमौ—बमौगुल—बमौकुल ।

तद्धित विषये भाववाचक शब्द ।

(Abstract words)

(आ) भाववाचक शब्द न्यिगु प्रकारं सिद्ध
जुई :—

(१) विशेषण वाचक शब्दया लिपा प्राणि-
वाचके-अप्राणिवाचके क्रमपूर्वक वर्त्तमान अर्थ-

बोधक 'चने' धातुं 'ह्य-गु' प्रत्यय जुई,
तथा विचे 'स्प' आगम जुई :—

बाँला=बाँलास्पचोँ ह्य, बाँलास्पचोँ गु ।

ह्याऊँ=ह्याऊँस्पचोँ ह्य, ह्याऊँस्पचोँ गु ।

वाऊँ=वाऊँस्पचोँ ह्य, वाऊँस्पचोँ गु ।

(२) विशेषण वाचक शब्द 'पना' प्रत्यय
जुई :—

मूर्ख—मूर्खपना ।

दुष्ट—दुष्टपना ।

पागल—पागलपना ।

विवरण :—संस्कृत व्याकरणे 'त्व-ता-य' आदि
अनेक भाव प्रत्यय याना भाववाचक अनेक शब्द
सिद्ध जुई :—

रक्त—रक्तत्व, रक्तता ।

लोहित—लोहितत्व, लोहितता, लौहित्य
इत्यादि ।

थुगु (५७—(३) नियमे नें भाववाचक शब्द-
विषये व्याख्यान याना वेधुन । थुजागु भावप्रत्य-
यान्त शब्दयात अंग्रेजी भाषा (Abstract
noun) 'एवस्ट्रेक्ट नाउन' धाई ।

तद्धितविषये गुणवाचक शब्द ।

(Words denoting quality.)

(इ) गुणवाचकशब्द अनेक प्रकारें प्रत्यय याना
सिद्ध जुई, प्रायः थ्व प्रत्यय संस्कृत व्याकरण-
या जुयाचन ।

(१) संज्ञावाचक शब्द 'इक' प्रत्यय जुई बले
संज्ञाशब्दया प्रथम अक्षर दीर्घ जुया अन्तिम
स्वरवर्णया लोप जुया वनी :—

स्वभाव+इक=स्वाभाव+इक=स्वाभाविक ।

प्रकृति+इक=प्राकृत+इक=प्राकृतिक ।

वेद+इक=वैद्+इक=वैदिक ।

शरीर+इक=शारीर+इक=शारीरिक ।

प्रमाण+इक=प्रामाण+इक=प्रामाणिक ।

संसार+इक=सांसार+इक=सांसारिक ।

विवरण :—थन तद्धित प्रकरणे दक मन 'इक' आदि
मेमेगु प्रत्यय जुई बले संज्ञावाचक शब्दया अन्तिम
स्वर 'अ अथवा इ' वर्ण लोप जुया 'इक' आदि
स्वर वर्ण नापै हल् वर्ण मिले जुई ।

थन 'इक' प्रत्यय जू बले संज्ञावाचक शब्दया
आदि अक्षर दीर्घ तथा अन्तिम स्वरवर्णया लोप

जुया हल् 'व्-त्' आदि वर्ण 'इक' प्रत्ययया इकार
नापँ मिले जुल ।

ध्व 'इक' प्रत्यय जुई बले सिद्ध जुईगु शब्दया
'पठ्ठी' अर्थात् सम्बन्ध अर्थ जुई :-

शारीरिक—शरीरया अर्थात् शरीर सम्बन्धी ।

प्राकृतिक—प्रकृतिया अर्थात् प्रकृति सम्बन्धी ।

(२) संज्ञावाचक शब्द 'इत' प्रत्यय जुई बले

अन्तिम स्वरवर्ण लोप जुई :-

आनन्द—आनन्द+इत=आनन्दित ।

हर्ष—हर्ष+इत=हर्षित ।

दुःख—दुःख+इत=दुःखित ।

(३) संज्ञावाचक शब्द 'ई' प्रत्यय जुई बले

अन्तिम स्वरवर्ण लोप जुई :-

धन—धन्+ई=धनी ।

ऊन—ऊन्+ई=ऊनी ।

धर्म—धर्म्+ई=धर्मी ।

भार—भार+ई=भारी ।

बल—बल्+ई=बली ।

शर्म—शर्म्+ई=शर्मी ।

नेपाल—नेपाल्+ई=नेपाली ।

जापान—जापान्+ई=जापानी ।

विलायत—विलायत+ई=विलायती ।

देश—देश्+ई=देशी ।

विवरण :- 'धन—धर्म—बल' आदि शब्द 'ई' प्रत्यय

जुया मनुष्य आदि बोधक शब्द जुई बले

'संज्ञाशब्द प्रकट जूगु पदार्थ दुहा' अर्थ जुई :-

धनी—धन दुहा पुरुष ।

बली—बल दुहा पुरुष ।

धर्मी—धर्म दुहा पुरुष ।

किन्तु 'ऊन' आदि शब्द 'ई' प्रत्यय जुई बले

पठ्ठी अथवा सम्बन्ध अर्थ जुई :-

ऊनी—ऊनया अथवा ऊन सम्बन्धी ।

नेपाली—नेपालया, अथवा नेपाल सम्बन्धी ।

(४) संज्ञावाचक अकारान्त शब्द 'वान्' तथा

इकारान्त शब्द 'मान्' प्रत्यय जुई :-

धन—धनवान् । पुत्र—पुत्रवान् ।

बुद्धि—बुद्धिमान् । मति—मतिमान् ।

विवरण :- ह्रस्व अकारान्त शब्द 'वान्' तथा ह्रस्व

इकारान्त शब्द 'मान्' प्रत्यय जुई, धन नँ संज्ञा-

वाचक शब्द 'वान्—मान्' प्रत्यय जुई बले संज्ञा-

वाच्य पदार्थ दुहा अर्थ जुई :-

धनवान्—धनदुह्य पुरुष ।

पुत्रवान्—पुत्रदुह्य पुरुष ।

बुद्धिमान्—बुद्धिदुह्य पुरुष ।

(५) संज्ञावाचक शब्द 'इयार' प्रत्यय जुई तथा

संज्ञावाचक शब्दया अन्तिम स्वर लोप जुई :-

होश—होश्+इयार=होशियार ।

गुठि—गुठ्+इयार=गुठियार ।

विवरण :- धन दकमनै 'इयार' आदि स्वरवर्ण युक्त प्रत्यय जुई बले संज्ञावाचक शब्दया अन्तिम स्वरलोप जुया हलन्त वर्ण प्रत्ययया स्वरवर्णनापै मिले जुई ।

(६) गुणवाचक शब्द 'ह्य' तथा 'गु' प्रत्यय जुई बले प्राणिवाचक व अप्राणी-वस्तुवाचक शब्द सिद्ध जुई :-

बाँला—बाँलाह्य, तुयु—तुयुह्य मनु ।

बाँला—बाँलागु, तुयु—तुयुगु वस्तु ।

शब्दरचना विषये क्रमप्राप्त समास विषय ।

(शब्द चिकोइँक्येगु)

(Compounds.)

विभक्ति (कारक प्रत्यय) थुगु (६९) नियमे

व्याख्यान याना बीधन ।

(६६)

कारक-विभक्ति सहित अलग अलग जुया-

(३) च्चोँगु न्यिगु स्वंगु पद छथाय् मुँका संक्षेप (चिकोइँ) याना छगु पद बने जुईगुयात 'समास' धाई । न्यिगु स्वंगु पद मुना छगु पद जुई बले कारक विभक्ति लोप जुया वनी :-

धर्मया अवतार—धर्मावतार ।

दयाया सागर—दयासागर ।

विवरण :- ध्व न्यिगु वाक्ये षष्ठी- (सम्बन्धवाचक)

कारक विभक्ति 'या' जुल, 'धर्म-अवतार' तथा 'दया-सागर' ध्व न्यिगु २ पदया समास अर्थात् चीहँ याय् बले सम्बन्ध-कारक विभक्ति 'या' या लोप जुया 'धर्मावतार' तथा 'दयासागर' ध्व न्यिगु पद सिद्ध जुल ।

थथे हे :-

पसःया मही—पसःमही ।

सँया पो—सँपो ।

थुजागु शब्द संक्षेप याय्गु समास

खगु प्रकारया दु :-

समासया भेद ।

(Kinds of compounds.)

- (अ) अव्ययीभाव । (Indeclinable compound.)
- (आ) तत्पुरुष । (Determinative compound.)
- (इ) कर्मधारय । (Appositional compound.)
- (ई) द्विगु । (Numeral compound.)
- (उ) द्वन्द्व । (Copulative compound.)
- (ऊ) बहुव्रीहि । (Relative compound.)

समासविषये अव्ययीभाव समास ।

(Indeclinable compound.)

अव्ययया स्वरूप व लक्षण (५६ (५)) थुगु
तथा (२६) थुगु नियमे विशेष भेद — उपमेद तथा
उदाहरण पूर्वक व्याख्यान याना वेधुन ।

- (अ) न्हागु पद नापै अथवा अव्यय पद नापै
अव्यय पद मिले जुया वने जुगु शब्दयात

‘अव्ययीभाव’ समास धाई, थ्व अव्ययीभाव
समासे अव्यय पद नापै समास जुया नीति
अव्यय पदया अर्थ प्रधान अर्थात् मुख्य जुई,
अतएव थ्व समासयात ‘अव्यय पदार्थ प्रधान’
अथवा ‘पूर्व पदार्थ प्रधान’ धका धया तल
थ्व समासे न्यिगु पदे न्हापाँ अव्ययवाचक
शब्द अवश्य वई :—

यथा—शक्ति=यथाशक्ति । (शक्तिपूर्वक)

प्रति—दिन=प्रतिदिन । (न्ही न्ही)

उखे व थुखे=उखेथुखे ।

न्हापा व लिपा=न्हापालिपा ।

वल्ल व चल्ल=वल्लचल्ल ।

वाल्ल व ईल्ल=वाल्लईल्ल ।

विवरण :—‘यथाशक्ति-प्रतिदिन’ थ्व न्यिगु शब्दे ‘यथा-
प्रति’ अव्यय पद ‘शक्ति-दिन’ संज्ञावाचक शब्द
नापै समास जुल ।

‘उखेथुखे—न्हापालिपा’ आदि समासे न्यिगु
पद नै अव्यय पद जुया समास जुल, गनै छशु
अव्यय पद वई, गनै न्यिगु पद नै अव्यय वाचक
वई, थुगु प्रकारं अव्ययीभाव समास जुयाचवोंगु
(समस्त) पद सोक्थेमाल ।

समासविषये तत्पुरुष समास ।

(Determinative compound.)

(आ) द्वितीया विभक्तिं नसें सप्तमी विभक्ति-
तक अर्थात् द्वितीयाकारकं नसें अधिकरण-
कारक तक कारकप्रत्यय दुगु पदया समास-
यात् 'तत्पुरुष' समास धाई, थ्व समास उत्तर
पदार्थ (लिपा वईगु पदया अर्थ) प्रधान—
मुख्य जुई :—

द्वितीया तत्पुरुष—मचायात्—कबीह्म=मचाकबीह्म ।

” मनुयात्—पालीह्म=मनुपालीह्म ।

” मिसायात्—ह्वे कीह्म=मिसाह्वे कोह्म ।

तृतीया तत्पुरुष—धनें—हीनह्म=धनहोनह्म ।

” दयाँ—हीनह्म=दयाहोनह्म ।

” मिखाँ—काँह्म=मिखाकाँह्म ।

” धर्मेँ—पूर्णह्म=धर्मपूर्णह्म ।

चतुर्थी तत्पुरुष—होमयात्—सामग्री=होमसामग्री ।

(होम निमित्त सामग्री)

” द्योयात्—स्वाँ=द्योस्वाँ ।

(द्योनिमित्त स्वाँ)

(निमित्त अर्थे चतुर्थी)

पञ्चमी तत्पुरुष—दत्तिणँ—उत्तर=दत्तिणोत्तर ।

पश्चिमँ—उत्तर=पश्चिमोत्तर ।

षष्ठी तत्पुरुष—नरया—पति=नरपति ।

” धनया—पति=धनपति ।

” लाखया—पति=लखपति ।

” छेंया—ठुवा=छें ठुवा ।

” *न्हिया—बच्छि=वान्हि ।

” *चाया—बच्छि=वाचा ।

सप्तमी तत्पुरुष—शरणे—वोह्म=शरणवोह्म ।

” ईश्वरे—आधोन=ईश्वराधोन ।

विवरण :—थन दकमनेँ 'तत्पुरुष' समासे द्वितीयाकारकं नसेँ अधिकरण कारक तक द्वितीया आदि विभक्तिया (कारक प्रत्ययया) लोप जुल ।
ॐ थ्व चिन्हित समास अर्द्धवाचक 'बच्छि' पद नापेँ समास जुई बले न्यिगु पदया छगु (अवयवो) पदार्थ प्रकट जुई, तथा समास जुई बले 'बच्छि' पदया थासे 'बा' आदेश जुया पूर्व प्रयोग जुई ।

थ्व षष्ठी समासया 'अपवाद' जुल ।

थुजागु तत्पुरुष समास व्यंगु प्रकारया

हु :—

- (क) विशेषण विशेष्य समास ।
(Compound of adjective & noun.)
- (ख) उपमान—उपमेय समास ।
(Compound denoting comparison.)
- (ग) मध्यमपद लोपो समास ।
(Compound with elision of the second member.)
- (घ) नञ् समास ।
(Compound with negative word.)
- (क) विशेषण-विशेष्य समासयात 'कर्मधारय' समास धाई, श्व 'कर्मधारय' समासया व्याख्यान लिपा जुईतिनि ।
- (ख) गुह्ये सिगु अथवा गुगु चोजया उपमा बीगु जुई वेत 'उपमान' धाई, गुगु चोजयात अथवा गुह्य-पुरुषयात उपमा बीगु जुई वेत 'उपमेय' धाई, थुजागु समासयात 'उपमान—उपमेय' समास धाई :—
मिसा थेँ ख्वाह्य द्यो=मिसाख्वाह्य द्यो ।
मिँ थेँ च्याःह्य देवी=मिँ च्याःह्य देवी ।
पुरुष सिंह थेँ च्वोँ ह्य=पुरुषसिंह ।
नर सिंह थेँ च्वोँ ह्य=नरसिंह ।

विवरण :—थन प्यंगु वाक्ये नें 'मिसा-मिँ-सिंह' उपमान जुल, 'द्यो, देवी, पुरुष तथा नर' थुपी उपमेय जुल, थुजागु समासयात उपमानोपमेय समास धाई :—

(ग) गुगु समासे बिचे बईगु पदया लोप जुई वेत मध्यमपद लोपो समास धाई :—

पुरुष प्रधानगु देश=पुरुषदेश ।

मिसा प्रधानगु देश=मिसादेश ।

विवरण :—थन न्यिगु वाक्ये नें बिचे वोगु 'प्रधान' पदया लोप जुल, 'प्रधान' धयागु मुख्य, पुरुष देश अर्थात् पुरुष जक आपालें दुगु देश, एव' मिसादेश ।

(घ) श्व समास (न) पद नापँ निषेध अर्थे जुई, 'न' श्व आखः नापँ मिले जुया बने जूगु समासयात 'नञ् तत्पुरुष' समास धाई । श्व नञ् समासे स्वंगु नियम दु :—

(१) नकारया 'न' लोप जुया 'अ' बाकि जुई, यथा :—

न—विद्या=अविद्या ।

न—ज्ञान=अज्ञान ।

(२) नकारया 'न' लोप जुया 'अ' बाकि बचे जुई बले 'अ' या लिपा 'न' प्रत्यय जुई :—

न—पेल=अनपेल ।

न—मोल=अनमोल ।

किन्तु संस्कृत व्याकरणे उत्तरपदया पूर्व
वर्ण स्वरवर्ण जुई बले जक 'अ' या लिपा
श्व 'नृ' हलन्त प्रत्यय जुई :—

न+अश्व=अ+नृ+अश्व=अनश्व ।

(सल मखु)

न+अक्ष=अ+नृ+अक्ष=अनक्ष ।

(इन्द्रियरहित)

(३) नकार लोप मजूस्य अथेँ तूँ च्वनी :—

न—क्षत्र=नक्षत्र । (सूर्य थेँ तेज मरुगु
नगु-चन्द्र आदि ।)

न—पुंसक=नपुंसक । (मिजँ मिसाया
चिन्ह मरुह्म ।)

समासविषये कर्मधारय समास ।

(Appositional compound)

(इ) गुणवाचक शब्द (५६-३) थुगु तथा (७७)

थुगु नियमे व्याख्यान याना वेधुन । प्रशंसक
गुणवाचक शब्दयात 'विशेषण' धाई, प्रशस्य
संज्ञावाचक शब्दयात 'विशेष्य' धाई ।

गुगु समासे विशेषण व विशेष्य (प्रशंसक
व प्रशस्य) या समान आधार जुई अर्थात्
प्रशंसा याईगु पदया धर्म तथा प्रशंसा जुईगु
पदया धर्म समान आधार जुई वेत 'कर्मधारय'
समास धाई, संस्कृत भाषा समान आधारयात
'समानाधिकरण' धाई यथा :—

विशेषण । विशेष्य ।

ह्याऊँ गु—पलेस्वाँ=ह्याऊँ पलेस्वाँ ।

भुयुगु—सँ=भुयुसँ ।

चाकुगु—महो=चाकुमहो ।

विवरण :—थन 'ह्याऊँ पलेस्वाँ' शब्दे ह्याऊँ या
ह्याऊँ गु धर्म तथा पलेस्वाँ या स्वाँ धर्म छगु हे आधारे
जुल । थुगु प्रकारँ 'भुयुसँ, तःहीमा, चीहीमौ'
आदि शब्दे 'कर्मधारय' समास सीक्येमाल ।

श्व कर्मधारय समास 'तत्पुरुष'या मेद खः,
'ह्याऊँ पलेस्वाँ' आदि शब्दे प्रथमा विभक्ति नापै
प्रथमा विभक्तिया समास जुल ।

समासविषये द्विगु समास ।

(Numeral compound.)

(ई) गुगु समासे संख्यावाचक शब्द पूर्व वई वेत

‘द्विगु’ समास धाई । श्व द्विगु समासे न्हापाँ
संख्यावाचक शब्द अवश्य वयेमाः, उत्तरपद
संख्यावाचक वोसँ ज्यू, मवोसँ ज्यू :—

न्यिगु—सच्छि=न्यिसः ।

स्वंगु—सच्छि=स्वसः ।

विवरण :—थन ‘न्यि-स्व’ संज्ञावाचक पद नापँ समास
जू बले ‘सच्छि’ पदया एकवाचक ‘च्छि’ पदया
लोप जुया विसर्ग (:) प्रत्यय जुल, थुजागु समास
उभयपद संख्यावाचक द्विगु समास जुल ।

थुगु प्रकारँ निम्नलिखित द्विगु समास जुया
च्वोंगु पद सीक्येमाल :—

चतुर्—युग=चतुर्युग ।

चतुर्—मुख=चतुर्मुख ।

चतुर्—वर्ण=चतुर्वर्ण ।

त्रि—लोक=त्रिलोक ।

त्रि—भुवन=त्रिभुवन ।

पञ्च—रत्न=पञ्चरत्न ।

थन दकभनँ पूर्व पदे जक संख्यावाचक शब्द
वल ।

श्व द्विगु समास कर्मधारय समासया भेद
धका सीक्येमाः, ‘न्यिसः, स्वसः, पञ्चामृत’

आदि शब्दे विशेषण-विशेष्यया धर्म समान
आधार जुयाच्वन ।

श्व द्विगु समासे पूर्वपद संख्यावाचक शब्द
जुया जक श्व समासया भिन्न नों जुल ।

आ थुगु प्रकारँ समास भेद सीक्येमाल कि :—

तत्पुरुष भेद कर्मधारय समास जुल, हाकनँ
कर्मधारय भेद द्विगु समास जुल ।

छगु श्व लुमंका तय्माल कि समास जुया
च्वोंगु छगु पदे समास भेदँ अनेक अर्थ भेद
जुयावनी । यथा :—‘राजपुरुष’ श्व शब्दे ‘राजा-
या पुरुष=राजपुरुष’ थथे विग्रह (पद अलग २)

जुई बले तत्पुरुष समास जुई । ‘राजा पुरुष=
राजपुरुष’ अर्थात् ‘जुजु हे पुरुष जुयाच्वन’
थुजागु अर्थ प्रकट जुई बले कर्मधारय समास
जुई । ‘राजा व पुरुष=राजपुरुष’ थथे विग्रह
याय् बले द्वन्द्व समास जुई । ‘गुह्यसिके छद्म
अथवा अनेक राजा तथा छद्म अथवा अनेक
पुरुष दया च्वन । थुजागु अर्थ प्रकट जुई बले
बहुव्रीहि समास जुई ।

थुगु प्रकारँ ‘चतुर्युग-चतुर्मुख’ आदि शब्दे
समास भेदँ अनेक अर्थभेद जुयावनी धका
सीक्येमाल ।

समासविषये द्वन्द्व समास ।

(Copulative Compound.)

(उ) गुगु समासे मुख्यतः 'व' शब्द वया समास जुई वेत 'द्वन्द्व समास' धाई, थ्व समासे पूर्व-उत्तर न्यगु पदया नै अर्थ प्रधान (मुख्य) जुई, अतएव थ्व समासयात 'उभय पदार्थ प्रधान' धका धयातल :—

माँ व व्वा=माँव्वा ।

मिसा व मिजँ=मिसामिजँ ।

काय् व म्हाय्=काय्म्हाय् ।

सल व किसि=सलकिसि ।

सच्छि व न्यिसः=सच्छिन्यिसः ।

जा व क्ये=जाक्ये ।

धौ व बजि=धौबजि ।

इत्यादि ।

समासविषये बहुब्रीहि समास ।

(Relative compound.)

(ज) गुगु समासे विशेषण व विशेष्य अथवा उपमान-उपमेय न्यगु पद अथवा भेमेगु न्यगु स्वंगु पद मिले जुया धाथःगु पदया अर्थ

सामान्य रूप प्रकट याना मेह्य पुरुष अथवा चीज—वस्तुयात संकेत याना प्रकाश याई वेत 'बहुब्रीहि' समास धाई :—

चन्द्रया ज्योति थेँ ज्योति दुगु दीपक-चन्द्रज्योति दीपक ।

सिंहया स्वरूपथेँ स्वरूप दुह्य पुरुष-सिंहस्वरूप पुरुष ।

विवरण :—'चन्द्रज्योति-सिंहस्वरूप' धाय् बले थन समास मज्जूसा 'चन्द्रया ज्योति तथा सिंहया स्वरूप' थुलि जक अर्थ प्रकट जुई, किन्तु थन बहुब्रीहि समास जूया नीतिँ थ्व समासे 'चन्द्रज्योति' धाय् बले 'चन्द्रया थेँ ज्योति दुगु दीपक' तथा 'सिंहस्वरूप' धाय् बले 'सिंहया स्वरूप थेँ स्वरूप दुह्य पुरुष' थुगु प्रकारँ अन्यपुरुषयात निर्देष याना बिल, उकिया नीतिँ थ्व समासे अन्य पदार्थ प्रधान जुई धका सीक्येमाल ।

थुजागु बहुब्रीहि समास न्यगु प्रकारया

दु :—

(१) तद्गुणसंविज्ञान बहुब्रीहि ।

(२) अतद्गुणसंविज्ञान बहुब्रीहि ।

(१) तद्गुण संविज्ञान धयागु समास जुई बले विशेषण-विशेष्य आदि पदया अर्थ पुरुषे अथवा पदार्थे च्वनो ।

विवरण :—‘चन्द्रज्योति-सिंहस्वरूप’ धाय् बले उपमान वाचक ‘चन्द्रज्योति’ तथा ‘सिंहस्वरूप’ ध्व न्यिगु २ पदं गुगु वस्तु अथवा गुह्य पुरुषयात संकेत यात उगु वस्तुया अथवा उह्य पुरुषया ‘चन्द्रया’ थें ज्योति दुगु तथा सिंहया स्वरूप थें स्वरूप दुह्य’ ध्व न्यिगु गुण दीपक व पुरुषे जुया च्वन । समास जुई बले थथे गुगु दया च्वनीगु समासयात ‘तद्-गुणसंविज्ञान’ धाई । थथे हे ‘माकल्वा—सल-ल्वा’ शब्दे बहुव्रीहि समास सीक्येमाल ।

(२) अतद्गुणसंविज्ञान बहुव्रीहि समासे समस्त (समास जुया च्चों गु) पदया अर्थ अन्यपुरुष अथवा वस्त्वी प्रकट जुई मखु, किन्तु मेगु सांकेतिक अर्थ प्रकट जुई :—

विलायतयात खँ ह्य=विलायतखँ ह्य ।

चीनदेशयात स्यूह्य=चीनदेशस्यूह्य ।

विवरण :—थन ‘विलायतखँ ह्य’ तथा ‘चीनदेशस्यूह्य’ शब्दं गुह्य पुरुषयात संकेत यात उह्य पुरुषे विलायत व चीनदेश मरु ।

एवं ‘दृष्टसागर’—(समुद्रखँ ह्य) ‘दृष्ट-सूर्य’—(सूर्यखँ ह्य) थुजागु शब्दे अतद्गुण संविज्ञान बहुव्रीहि समास सीक्येमाल ।

शब्दविषये शब्द निरुक्ति विषय ।

(Parsing.)

शब्द रचना विषये कृदन्त-तद्धित-समासया व्याख्यान याय्धुन, आ शब्द निरुक्ति विषये व्याख्यान याय्गु जुल ।

(१००) एक अथवा अनेक वाक्ये गुलि शब्द बोगु दु सकल शब्दया नाम निर्देश पूर्वक भेद-उपभेद प्रकट याय्गुयात ‘शब्दनिरुक्ति’ धाई । शब्दनिरुक्ति याय् बले के च्वया तःगु प्रकारं शब्दया अलग अलग भेद-उपभेद सीका धाय्मा :—

(१) न्हापाँ वाक्यया पदच्छेद याय्माः, ‘पद-च्छेद’ धयागु अलग २ पद यायेगु अर्थात् कर्त्तृवाच्य—कर्मवाच्य भेद, तथा कर्त्ता—क्रिया—कर्म आदि सामान्य प्रकारं अलग २ पद छुटे याय्मा :—

रामचन्द्रं सीता महाराणी व्याहायात ।

विवरण :—ध्व वाक्य कर्त्तृवाच्य जुल, ‘रामचन्द्र’ कत्त, ‘सीता महाराणी’ कर्म ‘व्याहायात’ क्रिया जुल ।

(२) संज्ञावाचक शब्द निरुक्ति याय् बले संज्ञा

वाचक शब्दया निम्नलिखित भेद धाय्मा :—

(क) ज्ञातिवाचक, व्यक्तिवाचक, समूहवाचक, द्रव्यवाचक, भाववाचक संज्ञाशब्द भेद, तथा समास जुयाच्चोँ गु पदया अव्ययोभाव, तत्पुरुष, धर्मधारय, द्विगु, द्वन्द्व तथा बहुब्रीहि समास भेद ।

(ख) अन्यपुरुष, मध्यमपुरुष तथा प्रथमपुरुष भेद ।

(ग) पुल्लिङ्ग, स्त्रीलिङ्ग तथा नपुंसकलिङ्ग भेद ।

(घ) एकवचन—बहुवचन भेद ।

(ङ) संज्ञाशब्दया मूल (आदि शब्दरूप) सहित प्रथमा-द्वितीया आदि कारक भेद ।

(च) पूर्वलिखित न्यागु भेद धाय् धुंका वाक्ये प्रेमेगु क्रिया आदि वाचक शब्दनापै विशेष सम्बन्ध प्रकट याय्माः ।

(३) सर्वनामवाचक शब्द निरुक्ति याय् बले निम्नलिखित भेद धाय्मा :—

(क) पुरुषवाचक, आदरवाचक, प्रश्नवाचक, सम्बन्धवाचक, निश्चयवाचक, अनिश्चय-

वाचक तथा निजवाचक सर्वनाम भेद ।

(ख) संज्ञावाचक शब्दे थैँ अन्यपुरुष आदि पुरुष भेद, पुल्लिङ्ग आदि लिङ्ग भेद, एकवचन आदि वचन भेद, सर्वनामवाचक शब्दया मूल शब्दरूप सहित प्रथमा आदि कारक भेद तथा वाक्ये प्रेमेगु शब्द नापै विशेष सम्बन्ध निर्देश याय्माः ।

(४) गुणवाचक शब्द निम्नलिखित प्रकारं निरुक्ति याय्माल :—

(क) गुण अथवा धर्मवाचक, परिमाणवाचक, संख्यावाचक, दूर तथा समीप निर्देशवाचक, पृथक्वाचक गुणशब्द भेद ।

(ख) वाक्ये गुण विशेष पदया विशेषण जुल उगु विशेष्य पद सहित निर्देश याय्माः ।

(५) क्रियावाचक शब्द निम्नलिखित प्रकारं निरुक्ति याय्मा :—

(क) अकर्मक—सकर्मक धातु भेद ।

(ख) भूत, भविष्यत्, वर्तमान कालभेद ।

(ग) अन्यपुरुष, मध्यमपुरुष, प्रथमपुरुष भेद ।

(घ) एकवचन—द्विवचन आदि संख्या भेद ।

(ङ) वाक्ये गुगु कर्त्ताया क्रिया जुयाच्चन उगु कर्त्ताया क्रिया धका निर्देश याय्माः ।

ववरणः—क्रियावाचक शब्द स्वंगु लिङ्गे नँ समान हे जुई, क्रियापद निर्णय याय् बले कर्त्तावाचक शब्द भेदँ जक क्रियापदया लिङ्ग भेद सीक्येमाल, किन्तु संज्ञावाचक शब्दे थँ पृथक् लिङ्ग निर्देश याय्म्वा ।

(६) अव्ययवाचक शब्द निम्नलिखित प्रकारँ निरुक्ति याय्माः—

(क) क्रियाविशेषण, सम्बन्धवाचक, उप-सर्ग, संयोजक, तथा विस्मयादि बोधक अव्यय भेद ।

(ख) तथा क्रियाविशेषणे नँ कालवाचक, स्थानवाचक, रीतिवाचक, परिमाणवाचक, स्लोकार—निषेधवाचक तथा प्रश्नवाचक

याविशेषण अव्ययभेद ।

(ग) वाक्ये अव्यय पदया उगु २ शब्दनापँ सम्बन्ध निर्देश याय्माः ।

(घ) क्रियाविशेषणया निरुक्ति याय् बले फलाना क्रियाया विशेषण धका धाय्माः—
शब्दनिरुक्ति याय्गुया उदाहरणः—

सकल संसारया अधिपति परमेश्वरँ थ्व संसारे सकल मनुष्यतेत तथा सकल जीव-धारिपिन्त उपकार याय्तः आदि सृष्टि काले प्यंगु सत्यज्ञानबोधक ऋग्वेद, यजुर्वेद, साम-वेद, अथर्ववेद व आपालँ अन्न—फल—मूल दय्कल ।

पदच्छेदः—

थ्व वाक्य कर्त्तृवाच्य जुल ।

कर्त्ता— सकल संसारया अधिपति परमेश्वरँ ।
क्रियाविशेषण—थ्वसंसारे, सकलमनुष्यतेत तथा सकलजीवधारिपिन्त उपकार याय्तः ।

कर्म— प्यंगु सत्यज्ञानबोधक ऋग्वेद, यजु-वेद, सामवेद अथर्ववेद व आपालँ अन्न—फल—मूल ।

क्रिया— दय्कल ।

विवरण :—

सकलसंसारया—

समस्तपद, कर्मधारय समास, संज्ञा, जाति-
वाचक, अन्यपुरुष, नपुंसक लिङ्ग, एकवचन,
सम्बन्धकारक, मूल शब्द अकारान्त 'सकल-
संसार' ।

अधिपति—

समस्तपद, उपपद समास, संज्ञा, जाति-
वाचक, अन्यपुरुष, पुलिङ्ग, एकवचन, मूलशब्द
इकारान्त 'अधिपति' ।

विशेष्य 'परमेश्वर' पदया थन विशेषण तुल्य
उपयोग जुल ।

परमेश्वर—

समस्तपद, कर्मधारय समास, संज्ञा, व्यक्ति-
वाचक, अन्यपुरुष, पुलिङ्ग, एकवचन, मूलशब्द
अकारान्त 'परमेश्वर' 'दयकल' क्रियाया कर्ता
कारक ।

ध्वसंसार—

समस्तपद, कर्मधारय समास, संज्ञा, जाति-
वाचक, अन्यपुरुष, नपुंसकलिङ्ग, एकवचन, मूल
शब्द अकारान्त 'ध्वसंसार' अधिकरणकारक,
'दयकल' क्रियाया क्रियाविशेषण ।

सकल—

सर्वनामवाचके अनिश्चयवाचक सर्वनाम, अन्य
पुरुष, पुलिङ्ग, मूलशब्द अकारान्त 'सकल', विशेष्य
'मनुष्यतेत' पदया थन विशेषण तुल्य उपयोग
जुल ।

मनुष्यतेत

संज्ञा, जातिवाचक, अन्यपुरुष, पुलिङ्ग, बहु-
वचन, मूलशब्द, अकारान्त 'मनुष्य' कर्मकारक
'यायूतः' क्रियाया कर्म ।

तथा—

अव्ययवाचक, अनाश्रित संयोजक । थन
'सकल मनुष्यतेत' तथा 'सकल जीवधारिपिन्त'
थव न्यगु पदयात, संयोग यात ।

सकल—

सर्वनाम वाचके अनिश्चयवाचक सर्वनाम,
अन्यपुरुष, पुलिङ्ग, एकवचन, मूल शब्द अकारान्त
सकल, विशेष्य 'जीवधारिपिन्त' पदया थन
विशेषणतुल्य उपयोग जुल ।

जीवधारिपिन्त—

संज्ञा, जातिवाचक, अन्यपुरुष, उभयलिङ्ग,
बहुवचन, मूलशब्द ईकारान्त 'जीवधारी' कर्मकारक
'यायूतः' क्रियाया कर्म ।

उपकार—

संज्ञा, जातिवाचक, अन्यपुरुष, नपुंसक लिङ्ग, एकवचन, मूलशब्द अकारान्त 'उपकार', कर्मकारक 'यायूतः' क्रियाया कर्म ।

यार्तः—

क्रिया, सकर्मक, कृदन्त क्रियावाचक, मूलधातु 'याये' ।

आदिसृष्टिकाले—

समस्त पद, तत्पुरुष समास, संज्ञा, जातिवाचक, अन्य पुरुष, नपुंसक लिङ्ग, एकवचन, मूल शब्द अकारान्त 'आदिसृष्टिकाल' अधिकरणकारक 'दयूकल' क्रियाया क्रियाविशेषण ।

प्यांगु—

संख्या, गुणवाचके शुद्धसंख्यावाचक, अन्यपुरुष नपुंसकलिङ्ग, बहुवचन, मूलशब्द 'प्यांगु' विशेष्य 'ऋग्वेद' आदिया विशेषण ।

सत्यज्ञानबोधक—

समस्तपद, तत्पुरुष समास, गुणवाचक, अन्य-पुरुष, पुल्लिङ्ग, एकवचन, मूलशब्द अकारान्त 'सत्यज्ञानबोधक' धन विशेष्य 'ऋग्वेद' आदिया विशेषण ।

ऋग्वेद—

समस्तपद, कर्मधारय समास, संज्ञा, व्यक्ति-वाचक, अन्यपुरुष, नपुंसकलिङ्ग, एकवचन, मूलशब्द अकारान्त 'ऋग्वेद' कर्मकारक, 'दयूकल' क्रियाया कर्म ।

यथे हे यजुर्वेद—सामवेद—अथर्ववेदया न शब्द निरुक्ति जुई ।

व—

अव्ययवाचक, अनाश्रित संयोजके संयोजक अव्यय । धन 'ऋग्वेद' आदि तथा 'आपाल' आदि पद्यात संयोग यात ।

आपाल—

संख्या, गुणवाचके अनिश्रित संख्यावाचक, अन्यपुरुष, नपुंसकलिङ्ग, बहुवचन, मूलशब्द लकारान्त 'आपाल' विशेष्य 'अन्न' आदिया विशेषण ।

अन्न-फल-मूल—

(००९—५५) संज्ञा, जातिवाचक, अन्यपुरुष, नपुंसकलिङ्ग, बहुवचन, मूलशब्द अकारान्त अन्न, कर्मकारक 'दयूकल' क्रियाया कर्म ।

यथे हे 'फल—मूल' या शब्दनिरुक्ति जुई ।

दय्कल—

क्रिया, सकर्मक, भूतकाल, अन्यपुरुष, एकवचन, मूलक्रिया शब्द एकारान्त 'दय्कये' 'परमेश्वर' कर्त्ताया क्रिया । थुगुप्रकारँ मेमेगु वाक्ये नँ शब्द-निरुक्ति याय्गु नियम सीक्येमाल ।

उद्देशविषये क्रमप्राप्त वाक्यविन्यास विचारविषय ।

(Syntax.)

उद्देशविषये व्याकरणाया मुख्य प्यंगुविषय 'वर्णविचार, शब्दविचार, वाक्यविन्यासविचार तथा छन्दविचार' (३) थुगु नियमे उपदेश याना वेधुन । उद्देशविषये प्रथम 'वर्णविचार' जुल, वर्णविचारया उद्देश—लक्षण—परीक्षाया क्रमपूर्वक (३—५४) थुलिनियमे व्याख्यान याना वेधुन । द्वितीय उद्देशविषय 'शब्दविचार' जुल, शब्दविचारया उद्देश—लक्षण—परीक्षाया यथाक्रम (५५—१००) थुलि नियमे व्याख्यान जुईधुं कल । उद्देशविषये तृतीय वाक्यविन्यास विचार जुल, आथ तृतीय विषयया व्याख्यान जुईगु जुल ।

पूर्व उपदिष्ट नियमे गुगु २ शब्दया साधन जुईधुं कल उगु २ शब्द वाक्ये गुगु प्रकारँ तय्माल थ्व नियमया उपदेश मज्जुनि, अतएव आ गुगु २ पद गुथाय् २ तय्माल उगु २ नियमया उपदेश याय्त्पना ।

(१०१)

व्याकरणाया उगु भागयात वाक्यविन्यास विचार धाई गुगुली अनेक शब्दँ नियम-पूर्वक वाक्य दय्कयेगु नियम-व्यवस्था दर्ई ।

वाक्यया लक्षण तथा स्वरूप ।

(Sentence.)

(१०२)

पूर्ण अर्थ युक्त न्यिगु अथवा अनेक पद समूहयात 'वाक्य' धाई । वाक्ये पूर्व उपदेश यानागु च्यागु (८) कारक तय्गु अनिवार्य मखु, किन्तु कर्त्ता व क्रिया ला वाक्ये अनिवार्य जुई, अर्थात् वाक्ये कर्त्ता व क्रिया मदे-कँ वाक्य गुबलेँ तयार जुई मखु, यथा :—

वँ ज्या याय्त्पन ।

छँ ज्या याय्त्पन ।

जिँ ज्या याय्त्पना ।

विवरण :—थन 'बै-छै-जि' कर्त्ता जुल, 'थाय्त्त्यन' आदि क्रियापद जुल, थ्व न्यिगु कर्त्ता व क्रिया वया जक थ्व वाक्यया पूर्ण अर्थ जुल ।

किन्तु गुबलेँ २ केवल क्रिया जक तथा वाक्य बने जुई :—

'थाय्त्त्यन—याय्त्त्यना ।'

इत्यादि ।

थुजागु कर्त्तारहित वाक्ये 'बै-छै-जि' आदि पदया अध्याहार (कल्पना) याय्माः ।

(१०३) गुह्मेसिया विषये छुँ वर्णन जुई वेत उद्देश्य (Subject.) धाई, गुगु विषयया वर्णन जुई वेत विधेय (Predicate) धाई :—

रामँ ज्या याय्त्त्यन ।

विवरण :—थन रामया विषये वर्णन जुल, अतः 'राम' उद्देश्य (Subject) जुल, 'ज्या याय्गु' विषय-या वर्णन जूया नीतिँ 'ज्या याय्त्त्यन' थुलि विधेय (Predicate) जुल ।

(१०४) 'वाक्यविन्यास' धयागु अनेक पद नियमितरूपँ तथा वाक्य दय्क्येगु, थ्व वाक्यविन्यासविषये पद—योजनाया साधारण नियम थ्व

खः कि वाक्यया आरम्भे कर्त्ता तथा अन्ते क्रिया अवश्य वयेमाः । यदि भेमेगु कारकया प्रयोजन जुल धाःसा भेमेगु फुक्कँ 'कर्म-करण' आदि कारक कर्त्ता व क्रियाया दट्ठी तय्माः

यथा :—

	कर्त्ता	करण	कर्म	क्रिया ।
(१)	मिसाँ	०	०	याय्त्त्यन ।
(२)	मिसाँ	०	सुज्या	याय्त्त्यन ।
(३)	मिसाँ	मुलुँ	सुज्या	याय्त्त्यन ।

विवरण :—थ्व स्वंगु वाक्यमध्ये (१) प्रथमवाक्ये केवल (अ) कर्त्ता आरम्भे तथा क्रिया अन्ते वल, द्वितीय (२) वाक्ये 'सुज्या' कर्मकारक कर्त्ता व क्रियाया दट्ठी वल, तृतीय (३) वाक्ये थथे हे करणकारक 'मुलु' कर्त्ता व क्रियाया दट्ठी वल ।

(आ) किन्तु अंग्रेजी व्याकरणे थुलि भेद दु कि कर्त्ता आरम्भे वई तथा कर्त्ताया लिपा 'क्रिया' अवश्य वयेमाः, थ्व न्यिगु 'कर्त्ता—क्रिया'या लिपा जक कर्म—करण आदि कारक वई :—

Ram kills Ravana with arrows.

राम किल्स रावण विद एरोज ।

थन (Ram) राम कर्त्ता, kills—स्याय्त्त्यन

क्रिया, Ravan—रावणयात कर्म with arrows बाणें करण जुल ।

(इ) संस्कृत व्याकरणे साधारण नियम ला (१०४) थुगु हे खः, थुगु नियमं पूर्वोक्त वाक्य थथे जुई :—

योषित् सूचिकया सीवनं करोति ।

किन्तु संस्कृत व्याकरणे थव नियम अवश्य कर्तव्य मखु, थः यो थाय् कर्ता—कर्म आदि कारक तथा क्रिया च्वे—के सम्बन्ध ज्यू :—

- | | | | | |
|------|---------|---------|---------|-----------|
| (१) | योषित् | सूचिकया | सीवनं | करोति । |
| (२) | सूचिकया | योषित् | सीवनं | करोति । |
| (३) | सूचिकया | सीवनं | योषित् | करोति । |
| (४) | सीवनं | सूचिकया | योषित् | करोति । |
| (५) | करोति | योषित् | सूचिकया | सीवनम् । |
| (६) | करोति | सूचिकया | योषित् | सीवनम् । |
| (७) | करोति | सीवनं | योषित् | सूचिकया । |
| (८) | योषित् | करोति | सूचिकया | सीवनम् । |
| (९) | योषित् | करोति | सीवनं | सूचिकया । |
| (१०) | सीवनं | करोति | सूचिकया | योषित् । |
| (११) | सूचिकया | करोति | सीवनं | योषित् । |

(ई) थुगु प्रकारं थः योध्य अनेक प्रकारं कर्ता-कर्म-क्रिया आदि उल्टा पुल्टा याय् ज्यू ।

थुगु संस्कृत व्याकरणया नियम नेपालभाषा—
व्याकरणे नँ पूर्वोक्त वाक्य निम्नलिखित प्रकारं
मती २ उल्टा पुल्टा याना तय् ज्यू :—

- (१) मिसौं मुलुं सुज्या यायत्यन ।
(२) मिसौं सुज्या मुलुं यायत्यन ।

किन्तु 'यायत्यन' आदि क्रियापद वाक्यया अन्त्रे
अवश्य तयमाः, संस्कृत व्याकरणे व नेपालभाषा-
व्याकरणे थलि जक भेद जुयाच्वन ।

(१०५) विशेषण वाचक शब्द सदा विशेष्यवाचक
शब्दया न्हापाँ वई, चाहे कर्ता-कर्म आदिया
विशेषण जुईमा, चाहे क्रियाया विशेषण जुई-
मा :—

(१) त्यागी भगवान् बृद्धया चामुगु ल्होँ पुचः
हे नायूगु दशना जुयाच्वन ।

(२) भगवान् रामचन्द्र राक्षसराज रावणयात
स्यात ।

(३) धर्मात्मा कृष्णं वीर अर्जुनद्वारा दुष्ट
अधर्मात्मा कौरवतेत अनेकयुक्ति नीतिपूर्वक
स्याकल ।

विवरण :—थन रेखाङ्कित (—) सकल विशेषणपद ढगु

उगु समीपस्थ विशेष्यपदया न्हापाँ वल । थुगु प्रकारँ दकमनँ विशेषण-विशेष्य शब्दया व्यवहार याय्माल ।

थ्व गुणवाचक अर्थात् विशेषणवाचक शब्द-विषये (७७—८०) थगु नियम नँ स्वया दिसँ ।

(१०६) विशेषण वाचक शब्द—पुछिङ्ग-खोलिङ्ग तथा नपुंसक लिङ्गवाचक विशेष्य पदया—समान जुई, रूपभेद जुई मखु :—

व मिजँ—व मिसा—व सिमा—बाँला ।

विवरण :—थन 'बाँला' शब्द स्वंगु लिङ्गे नँ समानरूपँ व्यवहार जुल ।

अभ्रेजीव्याकरणे नँ थ्वहे नियम जुयाच्वन, (Good man, good woman, good house) स्वंगु लिंगे नँ समानरूपँ 'गुड' शब्द वल किन्तु संस्कृत व्याकरणे विशेषणया लिङ्ग भिन्न २ जुई :—

सुन्दरः पुरुषः, सुन्दरी स्त्री, सुन्दरं फलम् ।

(१०७) प्राणिवाचक तथा अप्राणिवाचक विशेष्य पदया विशेषण जुई बले प्राणिवाचक पदया विशेषणे 'ह्य' तथा अप्राणिवाचक विशेष्य पदया विशेषणे 'गु' प्रत्यय जुई :—

बाँलाह्य किसि । बाँलागु फल ।

विवरण :—थुगु (९८—(ई—६) नियम स्वया दिसँ ।

(१०८) छन्दोविषये अर्थात् श्लोके कर्त्ता—कर्म आदि तथा विशेष्य विशेषण वाचक शब्द थःम्हँ योथ्ये च्वे के—न्हापा लिपा तय् ज्यू, यथा :—

संसारसागरबिचे वने हे मफूगु

कामादिशत्रु खुह्य भोषणजन्तु दूगु ।

फँसेजुपीँ जिमित दुःखलखे मभीँ गु,

हे शुद्ध बुद्ध भगवान् ! शरणे ब्वना का ॥

विवरण :—थ्व प्रार्थना श्लोके 'ब्वना का' क्रियाया 'जिमित' कर्म जुल, थ्व 'जिमित' कर्मपदया 'संसार.....मभीँ गु' तक विशेषण उखे थुखे जुयाच्वन, थ्व श्लोकया अन्वय क्रमपूर्वक थथे जुई :—

हे शुद्ध बुद्ध भगवान् ! कामादिशत्रु खुह्य भोषण-जन्तुदूगु, वने हे मफूगु मभीँ गु दुःख लखे, संसार-सागर बिचे फँसेजुपीँ जिमित शरणे ब्वना का ।

(१०९) अव्यय आदि शब्द नँ न्हापा लिपा थः योथासे तय् ज्यू :—

नाप नापँ वा । वा नाप नापँ ।

(११०) प्रश्नवाचक सर्वनाम सदा वाक्यया आरम्भे

वर्तितः—

गुह्यं वल ? सु वल ? छाया वल ?

(१११) क्रियावाचक शब्द प्रश्नवाचक जुई बले वाक्यया आरम्भे वर्तितः—

खईला ? वन ला व ?

(११२) आज्ञावाचक क्रिया जुई बले वाक्यया आरम्भे क्रिया वर्तित, अन प्रायः 'छ' मध्यम पुरुष कर्त्ता छिपे जुया (Understood) चवनी :—

(छ) हुँ, वने मते ।

किन्तु गुबले सामान्य प्रकारँ आज्ञा जुई बले 'छ हुँ' थये नँ व्यवहार जू ।

(११३) क्रियावाचक शब्दया हिन्दो व्याकरणे थें लिङ्गभेद जुई मख, किन्तु संस्कृत व अंग्रेजो व्याकरणे थें स्वंगु लिङ्गे नँ क्रियारूप समान हे जुई, क्रिया प्रकरणे नँ थव उपदेश याना वेधुन, उदाहरण नँ क्रिया प्रकरणे बोधुन ।

(११४) आगमन वाचक 'वये' धातुया रूप सामान्य

रूपँ स्वंगु पुरुषे नँ अन्यान्य धातुतुल्य व्यवहार जुई :—

व, छ—वल । जि वया ।

किन्तु गुबले 'माँ-ब्वा-गुरु-द्यो' आदि अन्यपुरुष कर्त्ता जुई उबले 'वये' धातुया थासे 'भाये—बिज्याये' आदि सन्मानवाचक क्रियाया व्यवहार जुई :—

माँ—ब्वा—भाळ ।

द्यो—गुरु बिज्यात ।

(११५) छगु कर्त्ताया अनेक कर्म तथा अनेक क्रिया वर्तित, एवं छगु क्रियाया अनेक कर्त्ता नँ वर्तित, क्रमपूर्वक उदाहरण :—

(१) राम पशु—पत्तो—नदो—खुशी—सिमा—पर्वत स्वस्वँ बने वन ।

(२) ब्रह्मचारीँ ब्वनी—घोखेयाई—नई—द्यनी—वनो ।

(३) राम—लक्ष्मण—सीता स्वस्वँ बने वन ।

विवरणः—थन प्रथम वाक्ये 'राम' छगु कर्त्ताया पशु आदि अनेक कर्म वल ।

द्वितीय वाक्ये 'ब्रह्मचारी' छगु कर्त्ताया 'व्वनी' आदि अनेक क्रिया बल ।

तृतीय वाक्ये 'राम, लक्ष्मण, सीता' थ्व स्वंगु कर्त्ताया 'वन' छगु जक क्रिया बल ।

(११६) भविष्यत्काल बोधक 'ई-ईतिनि-ईला' थ्व स्वंगु प्रत्ययया व्याख्यान याना बोधुन । थ्व स्वंगु प्रत्यय प्रायः सामान्य नियमँ अन्य-मध्यम-प्रथम स्वंगु पुरुषे नँ जुई धका उदाहरणपूर्वक उपदेश नँ याय्थुन ।

केवल 'तिनि' प्रत्यय जुई बले प्रथम पुरुषया (First person) जक प्रयोग जुई :—

जिँ—मिमिसँ शास्त्र व्वनेतिनि ।

” ” जा नय्तिनि ।

” ” धर्म याय्तिनि ।

वाक्य विन्यास विचार विषये

वाक्यपरीक्षा विषय ।

(Examination of sentence.)

क्रियाया कर्त्ता वाच्य, कर्मवाच्य तथा भाव-वाच्यभेदँ वाक्यया स्वंगु भेद क्रिया परीक्षा

प्रकरणे भाव कर्मक्रिया विषये (९५-४) थुगु नियमे व्याख्यान याना वेधुन ।

वाक्यया लक्षण तथा स्वरूप (१०२-११६) थुगु नियमे उपदेश याय्थुन, आ वाक्यया परीक्षा विषये व्याख्यान जुईगु जुल ।

वाक्यया स्वंगु विभाग तथा लक्षण ।

(११७) वाक्यया स्वंगु विभाग दु :—

(अ) सामान्य वाक्य । (Simple sentence.)

(आ) संयुक्त वाक्य । (Compound sentence.)

(इ) अन्याश्रित वाक्य । (Complex sentence.)

(अ) गुगु वाक्ये प्रकट अथवा अप्रकट रूपँ

केवल छगु जक क्रिया वई वेत सामान्य वाक्य

धाई :—

राम वन । कृष्ण बल ।

विवरणः—थन 'वन-बल' न्यगु वाक्ये नँ छगु २ जक क्रिया बल, थुजागु वाक्ययात 'सामान्य वाक्य' धाई ।

(आ) गुगु वाक्ये न्यगु अथवा अधिक प्रकट

अथवा अप्रकटरूपँ क्रिया अनन्याश्रित जुया

(Independent. अन्य वाक्य—नापँ

आश्रित मजुस्ये) वई वेत 'संयुक्तवाक्य'
धाई :—

(१) भगवान् श्रीरामचन्द्रया त्रेतायुगे जन्म
जुल तथा भगवान् श्रीकृष्णचन्द्र द्वापरयुगे
जुल ।

(२) भगवान् बुद्ध जन्मं नसेँ त्यागी जुल,
किन्तु महात्मा शङ्कराचार्य जन्मं नसेँ मर-
णपर्यन्त ऊर्ध्वरेता ब्रह्मचारी जुल ।

विवरण :—प्रथमवाक्ये 'जुल' क्रियापद न्यथाय् वल,
श्रीरामचन्द्रया जन्मजुगु व श्रीकृष्णचन्द्रया जन्म
जुगु परस्पराश्रित मजू, किन्तु न्हापालिपा जन्म
जुगु जक वाक्यया तात्पर्य जुयाच्चन ।

एवं द्वितीय वाक्ये नै 'जुल' क्रियापद न्यथाय्
वल, थन नै भगवान् बुद्धया जन्मं नसेँ त्यागी
जुगु तथा महात्मा शङ्कराचार्यया जन्मं नसेँ ऊर्ध्व-
रेता ब्रह्मचारी जूगु अन्योन्यवाक्याश्रित मजू,
किन्तु भगवान् बुद्ध त्यागी जूगु व महात्मा शङ्करा-
चार्य ब्रह्मचारी जूगु जक वाक्यया तात्पर्य जुया-
च्चन । थुजागु अनन्याश्रित वाक्ये प्यंगु न्यागु
क्रिया बोसों व वाक्य 'संयुक्त वाक्य' जुई ।

(इ) गुगु वाक्ये छगु प्रधानवाक्य (Principal

clause) जुया मेमेगु वाक्य छगु अथवा अनेक
प्रधानवाक्याश्रित (Subordinate clause)
जुया वई थुजागु वाक्ययात 'अन्याश्रितवाक्य'
धाई :—

कर्ता—अन्याश्रित वाक्य क्रिया—प्रधानवाक्य

* (१) गुह्यसेँ पाप याः | अधर्म कमाय् याः ।

(२) गुह्यसेँ परोपकार याः | धर्म कमाय् याः ।

विवरण :—प्रथम वाक्ये 'गुह्यसेँ पाप याः' थुलि जक
धाय् बले अर्थ पूर्ण मजुल, किन्तु 'अधर्म कमाय् याः'
थ्व प्रधान वाक्य नापै सम्बन्ध जुई बले जक अर्थ
पूर्ण जुई, अर्थात्, 'गुह्यसेँ पाप याः' वँ अधर्म कमाय

* Note—It has been said that the Principal
clause is that which contains "the
principal subject & predicate." But
this is not true, for sometimes there
is no principal subject, the subject
itself being a subordinate clause :—

Subject (Subord. clause)	Predicate (Prin. cla.)
--------------------------	------------------------

Who steals my purse	steals trash.
---------------------	---------------

Page 121.

J. C. Nesfield, M. A.

याः' श्व भाव जुल । अतएव 'गुह्यसे' पाप याः' थुलि अन्याश्रित वाक्य कर्त्ता जुल, तथा द्वितीय 'अधर्म कमाय् याः' प्रधानवाक्य युक्त क्रिया जुल । एवं (२) थुगु वाक्ये नँ प्रथम वाक्य अन्याश्रित कर्त्ता तथा द्वितीय प्रधान वाक्य युक्त क्रिया धका सीक्येमाल ।

अन्याश्रित वाक्यया स्वंगु भेद ।

(११८) अन्याश्रित वाक्यया स्वंगु भेद दुः—

- (१) संज्ञावाक्य । (Noun clause.)
- (२) विशेषणवाक्य । (Adjective clause.)
- (३) क्रियाविशेषण वाक्य । (Adverb clause.)

भावार्थ :—श्व व्याख्यान जुई धुं कल कि “गुगु वाक्ये मुख्य कर्त्ता तथा क्रिया वई” वेत प्रधान वाक्य धाई, किन्तु श्व यथार्थ मखु, छाया धाः सा गुबले (प्रधान वाक्ये) मुख्य कर्त्ता दई मखु, कर्त्ता हे आश्रित वाक्य जुयाचनो :—

कर्त्ता—अन्याश्रित वाक्य क्रिया-प्रधानवाक्य ।

गुह्यसे जिगु माल खू रदिगु वस्तु खू ।

(पृष्ठ १२१)

जे० सी० नेस्फील्ड, एम० ए०

नेस्फील्ड व्याकरणकार ।

अन्याश्रित वाक्य विषये संज्ञावाक्य ।

(Noun clause.)

(१) गुगु वाक्य संज्ञावाचक शब्दया (कर्त्ता कर्म जुईगु) ज्या याई वेत ‘संज्ञावाक्य’ धाई, संज्ञावाक्यया आरम्भ स्वंगु प्रकार जुई :—

(अ) संयोजक अव्यय ‘कि’ ।

श्व अव्यय केवल ‘संज्ञावाक्य’ यात आरम्भ अथवा संकेत यायतः वई :—

(क) श्रीरामचन्द्र धाल कि
जि १४ वर्ष तक बने चवने ।

(ख) श्रीकृष्णचन्द्र धाल कि
पापो कौरवतेत स्यायमाल ।

(ग) भगवान् बुद्ध धाल कि
अहिंसा धर्म स्थापित यायमाल ।

विवरण :—श्व स्वंगु वाक्ये नँ ‘धाल’ सकर्मक क्रियाया रेखाङ्कित सकल पद कर्म जुल, कर्त्ता-कर्म आदि कारक संज्ञावाचक शब्दे जुई, अतएव श्व रेखाङ्कित कर्म संज्ञावाक्य जुल ।

(आ) सम्बन्ध वाचक ‘गन’ अव्यय तथा प्रश्न-वाचक ‘गुबले’ आदि अव्यय । किन्तु थुलि

ध्यान याय्माः कि 'गन' आदि शब्दं संकेत
जुईगु पूर्वपद (Antecedent) मवेमाः—

(क) गन महर्षि कपिलया जन्म जुल आतलेँ
अविदित जुयाचन ।

(२) वै न्यन गुबले व्यास महर्षिँ वेदान्त शास्त्र
दय्कल ।

विवरण :—प्रथम वाक्ये रेखाङ्कित (—) वाक्य 'अवि-
दित जुयाचन' क्रियाया कर्त्ता जुल । एवं द्वितीय
वाक्ये रेखाङ्कित सम्पूर्ण वाक्य 'न्यन' क्रियाया
कर्म जुल, अतएव न्यगु वाक्ये नै रेखाङ्कित
सम्पूर्ण वाक्य 'संज्ञा वाक्य' जुल ।

(इ) सम्बन्धवाचक 'गुह्य' तथा प्रश्नवाचक
'सु-छु' सर्वनाम शब्द । किन्तु थलि ध्यान
याय्माः कि 'गुह्य' आदि शब्दं संकेत जुईगु
पूर्वपद (Antecedent) मवेमाः ।

(क) गुह्यसेँ पाप याः अधर्म कमाय् याः ।

(ख) वै न्यन सु महर्षि कणाद धयाह ।

(ग) वै न्यन छु वेद धयागु सफू ।

विवरण :—प्रथम वाक्ये रेखाङ्कित वाक्य 'अधर्म कमाय्
याः' क्रियाया कर्त्ता जुल, एवं द्वितीय तृतीय वाक्ये

रेखाङ्कित वाक्य 'न्यन' क्रियाया कर्मजुल, अतएव
रेखाङ्कित सर्व वाक्य 'संज्ञा वाक्य' जुल ।

वाक्य विषये विशेषण वाक्य ।

(Adjective clause.)

(२) गुगु वाक्यँ विशेषण वाचक शब्दया ज्या
याई वेत 'विशेषण वाक्य' धाई ।

विशेषण वाक्यया आरम्भ न्यगु प्रकारँ
जुई :—

(अ) सम्बन्धवाचक 'गुह्य' सर्वनाम ।

(आ) प्रश्नवाचक 'गन' अव्यय ।

(१) व गौतम—गुह्यसेँ न्यायशास्त्र दय्कल—

आदर्श महर्षि जुयावन ।

(२) व पाणिनि—गुह्यसेँ अष्टाधायी व्याकरण
शास्त्र दय्कल—आदर्श व्याकरणकार जुया
वन ।

(३) व पतञ्जलि—गुह्यसेँ व्याकरण महा-
भाष्य दय्कल—आदर्श महाभाष्यकार जुयावन ।

(४) व अयोध्यानगरी—गन भगवान् श्रीराम-
चन्द्रया जन्म जुल—आतलेँ प्रसिद्ध जुया-
चन ।

विवरण :- थ्व प्यंगु वाक्ये नै रेखाङ्कित सर्ववाक्य संज्ञावाचक 'गौतम—पाणिनि—पतञ्जलि तथा अयोध्या नगरी' या विशेषण जुल, अतएव रेखाङ्कित सर्ववाक्य विशेषणवाक्य जुल ।

थ्व सम्बन्धवाचक 'गुह्य' सर्वनाम शब्द तथा प्रश्नवाचक 'गत' अव्यय शब्द 'थुह्य हे अथवा थुगु हे खः' धका पारमित (Restrict) याई । थन नै 'गुह्यसे' आदि शब्द 'थुह्य हे अथवा थुगु हे खः' धका पूर्व संज्ञावाचक शब्दयात निर्देश यात ।

थ्व विषयया व्याख्यान गुणवाचक शब्द प्रकरणे (८०) थुगु नियमे नै याना वेधुन ।

वाक्यविषये क्रियाविशेषण वाक्य ।

(Adverb clause)

- (३) गुगु वाक्यँ क्रिया विशेषण वाचक शब्दया ज्या याई वेत 'क्रियाविशेषण वाक्य' धाई ।
क्रिया विशेषण वाक्यया आरम्भ अनेक अर्थद्योतक अव्यय वाचक शब्द जुई ।

प्रधान वाक्य क्रियाविशेषण वाक्य ।

- (१) व विद्यार्थी विद्वान् जुई छायाःसा वँ बाँलाक आखले परिश्रम याना च्वन ।

क्रियाविशेषण वाक्य

प्रधान वाक्य ।

- (२) यदि जित आज्ञा जूसा थ्व ज्या जिँ याय् ।
(३) यद्यपि व गरीब जुयाच्चन व धर्मात्मा खः ।
(४) गथे मनूतसेँ पी अथे उमिसँ लई ।
(५) गुबले तक संसार दर्ई सूर्य चन्द्रमा उदय जुई ।

विवरण :- थ्य न्यागु वाक्ये 'छायाः सा' आदि अव्यय पदं क्रमपूर्वक 'कारण-अवस्था-विरोध-रीति-काल' या बोध जुल । थन 'छायाः सा' आदि वाक्य क्रियाविशेषण जुया क्रियाविशेषण वाक्य जुल, थुगु प्रकार मेमेगु वाक्य नै सीक्येमाल ।

थुजागु आश्रित वाक्यया विशेष व्याख्या (९६—४) थुगु नियमे याना वेधुन ।

वाक्यविषये वाक्यविश्लेषण विषय ।

(Analysis)

(१००) थुगु नियमे शब्द निरुक्तिया व्याख्यान याय् धुन । आ वाक्यविषये वाक्यविश्लेषण विषयया व्याख्यान जुईगु जुल ।

(११७) थुगु नियमे वाक्यया स्तँगु भेद व्याख्यान याना वेधुन ।

- (११६) वाक्यविश्लेषण धयागु छगु तःहँगु वाक्ये अनेक वाक्ययात तथा छगु वाक्ये अनेक

पद्यात भिन्न २ (अलग २) यायगुयात धाई, ध्व वाक्य विश्लेषणायात अंग्रेजी भाषा एनेलाईसिस (Analysis) धाई ।

वाक्यया 'सामान्यवाक्य, संयुक्तवाक्य, अन्याश्रितवाक्य' ध्व स्वंगु भेद स्वंगु प्रकार-या वाक्यविश्लेषण जुई । सामान्य वाक्यया विश्लेषण यार् बले के चवयातः गु प्रकारं यायमा :—

(अ) सामान्यवाक्ये उद्देश्य (Subject) विषये कर्ता व कर्ताविशेषण तथा विधेय (Predicate) विषये क्रिया, कर्मविशेषण सहित कर्म, यदि अपूर्णार्थक अकर्मक क्रिया जूसा क्रियार्थपूरक तथा क्रियाविशेषण थुलि अलग २ निर्देश यायमाः ।

(आ) सामान्यवाक्ये छगु जक क्रिया वई, अले-जक व सामान्य वाक्य जुई, थन सामान्यया तात्पर्य केवल छगु जक क्रिया दुगु वाक्य जुयाचन ।

आ के चवयातःगु सामान्य वाक्यया वाक्य विश्लेषण कोष्ठकें सोक्येमाल ।

सामान्यवाक्य । Simple sentence				
(१) उद्देश्य । Subject		(३) विधेय । (Predicate)		
(२) कर्तृविशेषण Attributive adjuncts (to subject)	कर्ता ।	क्रिया । (Finite verb)	कर्म तथा कर्म विशेषण Object with qualify- ing words.	क्रियार्थपूरक । (Complement with quali- fying words)
		पतञ्जलि ।	मोक्षसाधक योगदर्शन शास्त्र ।	(अ) बने । (आ) अत्यन्त परिश्रम ।
श्रीकृष्ण ।	मगवान् ।	दृक्कल ।	०	महामारत युद्धया लिपा ।
पतञ्जलि ।	(अ) महर्षि । (आ) कठोर तपस्या यायौ ।	सिद्ध जुल ।	०	देशोद्धारक योगिराज

- (२) भगवान् श्रीकृष्ण महाभारत युद्धया लिपा
देशोद्धारक योगिराज सिद्ध जुल ।

संयुक्त वाक्ये के चवयातःगु प्रकारँ वाक्य
विश्लेषण याय्मा :—

- (आ) संयुक्त वाक्ये वाक्ययात संयोग याईगु
संयोजक पदया निर्देश यायूमाः ।

- आ के च्यातःगु संयुक्त वाक्यया वाक्य-
विश्लेषण कोष्ठकँ सीक्येमाल ।

- (१) व्यास आदि महर्षितसे आपालँ परीक्षा

संयुक्तवाक्य । (Compound sentence.)

वाक्यांश । (Clause)	संयोजक । (Connective)	उद्देश्य Subje.	क्रिया । Finite verb	कर्म तथा कर्म विशेषण । Object with qualifying words.	क्रियार्थ पूरक Complement with qualifying words.	(४) क्रियाविशेषण । Adverbial adjuncts to verb of predicate.
(१) उदाहरण । (अ) व्यास आदि महर्षितसु आपलै परीक्षा याय धुंका ऋग्वेद आदि प्यंगु वेद्यात निर्दूष तथा ईश्वरकृत सिद्ध याना वन । (आ) आधुनिक विद्वान् पिसुं भव विश्वास मयाः	किन्तु । तथा ।	व्यास आदि	सिद्ध याना वन ।	ऋग्वेद आदि प्यंगु वेद्यात ।	(अ) निर्दूष (आ) ईश्वरकृत ।	आपलै परीक्षा याय धुंका ।

याय् धुंका ऋग्वेद आदि प्यंगु वेदयात निर्दोष तथा ईश्वरकृत सिद्ध याना वन, किन्तु आधुनिक (थौं कन्दे दुपीं) विद्वानपिसँ श्व विश्वास मयाः ।

(१२१)

अन्याश्रित वाक्ये छगु मुख्य क्रिया वया प्रधान वाक्य जुई, मेगु आश्रित वाक्य जुई ।

अन्याश्रित वाक्ये के चवयातःगु प्रकारँ वाक्य विश्लेषण याय्मा :—

(अ) अन्याश्रित वाक्ये गुलि वाक्याँश अर्थात् वाक्यया भाग दु व निर्देश याय्माः ।

(आ) अन्याश्रित वाक्ये प्रधान वाक्य गुगु खः व निर्देश याय्माः तथा अन्याश्रित वाक्यया संज्ञावाक्य, विशेषणवाक्य, क्रियाविशेषण वाक्यया निर्देश याय्माः ।

(इ) मेगु संयुक्त वाक्ये थेँ संयोजक पद तथा उद्देश्य विधेय आदि फुक्कँ निर्देश याय्माः ।

आ के चवयातःगु अन्याश्रित वाक्यया वाक्यविश्लेषण कोष्ठकँ सीक्येमाल ।

(१) श्व आर्यावर्त्त देश—गुगु सुवर्ण भूमि तथा पुरणभूपिया नामँ प्रसिद्ध जुयाच्वन, गन

अनेक महर्षि तथा चक्रवर्ती राजर्षिपिनि जन्म जुया वन—आतलेँ संसारे प्रसिद्ध जुयाच्वन ।

(२) भगवान् बुद्धँ धाल कि आ जिँ शुद्ध वेदोक्त अहिंसा धर्म स्थापित याय् ।



अन्याश्रित वाक्य । (Com-				
वाक्यांश । (Clause)	वाक्य भेद । (Kinds of clause)	संयोजक । (Connective)	उद्देश्य (Subject)	
			(१) कर्त्ता । (Sub- ject)	(२) कर्त्ता विशेषण (Attribu- tive adjun- cts to subj.)
(१) उदाहरण । (अ) श्व आर्या- वर्त्त देश आतले प्रसिद्ध जुयाच्चन ।	प्रधान वाक्य (Princi- pal cla- use)		आर्यावर्त्त देश	श्व
(आ) गुगु सुवर्ण भूमि तथा पुण्य भूमिया नामँ प्रसिद्ध जुयाच्चन ।	विशेषण वाक्य । (Adjecti- ve clau-) (अ) थुगुया	गुगु तथा	गुगु	
(इ) गन अनेक महर्षि तथा चक्र- वर्त्ती राजर्षिपिनि जन्म जुया वन ।	क्रिया विशे- षण वाक्य । (Adverb clause) (अ) थुगुया	गन तथा	जन्म	अनेक महर्षि चक्रवर्त्ती राजर्षिपिनि ।
(२) उदाहरण । (अ) भगवान् बुद्ध धाल ।	प्रधान वाक्य (Princi- pal cla- use)	कि	बुद्ध	भगवान्
(आ) आ जिं शुद्ध वेदोक्त अहिंसा धर्म स्थापित याय् ।	संज्ञा वाक्य (Noun clause)		जिं	

plex sentence.)			
(१) विधेय (Predicate.)			(४)
क्रिया (Finite verb)	कर्म तथा कर्म विशेषण । (Object with qualifying words)	क्रियार्थपूरक (Complement with quali- fying words)	क्रिया विशेषण । (Adverbial adjuncts to verb of predicate)
जुयाच्चन		प्रसिद्ध	(१) आतले ।
जुयाच्चन		प्रसिद्ध	सुवर्ण भूमि पुण्य भूमिया नामँ ।
जुयावन			
धाल			
याय्	शुद्ध वेदोक्त अहिंसा धर्म	स्थापित	आ ।

वाक्यज्ञानविषये आवश्यक प्यंगु कारण ।

(१२२) वाक्यज्ञानविषये ठ्वोक्ये माःगु प्यंगु कारण दुः—

(१) आकाङ्क्षा । (Indispensability of words in a sentence)

(२) योग्यता । (Natural power of suitability)

(३) आसत्ति । (Harmony in a sentence)

(४) तात्पर्य । (Sense)

(१) छगु पदया मेगु पदनापँ अन्वय जुई बले गुगु पदया आवश्यकता जुई वेत 'आकाङ्क्षा' धाईः—

सा—सल—किसि ।

विवरणः—थ्व स्वंगु पदया उच्चारण याय् बले थ्व स्वंगु पदया परस्पर छुँ सम्बन्ध—अन्वय मिले मजू, अतएव पूर्ण अर्थ प्याहों म वो ।

सा बल । सल-ब्बों वन । किसि-हाल ।

थुगु प्रकारँ क्रियापद तथा बी बले वाक्यया अर्थ पूरा जुल । थुजागु पदया अन्वय याय् तः क्रिया आदि पदया अपेक्षा जुईगुयात 'आकाङ्क्षा' धाई ।

(२) परस्पर अन्वित पदया उचित-अनुचित

विचार याय्गुयात 'योग्यता' धाईः—

(क) मिँ वुँ सिंचे यात ।

(ख) लखँ छेँ मिँ नकल ।

विवरणः—थ्व न्यिगु वाक्ये शब्दया परस्पर ठोक

अन्वय मजुल, छाय् धाःसा (१) थ्व वाक्ये मिँ वुँ सिंचे याय्गु योग्यता हे मरु, लखे जक सिंचे याय्गु योग्यता (शक्ति) दु ।

(ख) थ्व वाक्ये नँ पदया अन्वय ठोक मजुल, लखँ छेँ ह्वई मखु, लखे छ्वेक्येगु योग्यता (शक्ति) मरु ।

(३) वाक्ये अन्वययोग्य पद नाप नापँ तय्गु-यात 'आसत्ति' धाई, छगु पद जक धया अर्थ पूरा जुई मखु, किन्तु मेपेगु अन्वययोग्य पद नँ उबले हे सःत्तिक तये माः अथवा धाय् माः—

छम्हसेँ छम्हेसित सुथे धाल कि—

'छँ जा'

थुलि धाय् धुँका हाकनँ बःन्हो वया वँ धाल कि—'नः वा ।'

थुगु प्रकारया वाक्य ठोक यजू, किन्तु
धाय् माःगु पद उबले हे क्रिया आदि पद-
सहित सःत्तिक नाप नापँ तय्मा :—

(४) पदया अथवा वाक्यया अर्थ ठ्वोक्येगुयात
'तात्पर्य' धाई :—

(१) मालिकँ नोकर यात जंगले सिमा पालेतः
ठोक याना च्वाँ बले धालकि :—

(अ) 'हे नोकर ! पा कया हिँ' ।

विवरण :—'पालेगु पा तथा पपूया पा' थ्व न्यिगु
वस्तुया नाँ 'पा' जुयाच्वन, मालिकँ सिमा पालेतः
ठोक याना च्वाँ बले 'पालेगु पा' महःस्ये 'पपूया
पा' हल धाःसा नोकरँ वाक्यया अथवा पदया
अर्थ ठ्वोक्ये मफुत ।

(आ) हाकनँ मालिकँ आराम साथ घनेतः तयार
जुया नोकरयात धालकि :—

'हे नोकर । पा कया हिँ' ।

विवरण :—उबले नोकरँ न्हाय् पने कुलेतः 'पपूया पा'
कया महःस्ये 'सिमा पालेगु पा' कया हल धाःसा
नोकरँ अर्थ मठुल, समय स्वया 'पा' आदि
द्वयर्थवाचक (न्यिगु अर्थ जुईगु) शब्दया तात्पर्य
(मतलब) ठ्वोका ज्या याय्माः ।

(१२३) वाक्य दय्क्ये बले पद अथवा वाक्य
पृथक् २ याय्तः निम्नलिखित विराम चिन्ह
भिन्न २ समये वाक्य स्वया २ तय्मा :—
वाक्यविषये विराम चिन्ह ।

(Punctuation.)

(१) अल्पविराम (Comma) (,)

(२) अर्द्ध विराम (Semicolon) (;)

(३) पूर्ण विराम (Fullstop) (.)

(४) अपूर्ण आदेशक (Colon) (:)

(५) प्रश्न सूचक (Note of interrogation)
(?)

(६) विस्मय तथा सम्बोधनबोधक (Note of
admiration) (!)

(७) उद्धरण चिन्ह (Inverted comma)
(“ ”)

(८) कोष्ठ चिन्ह (Bracket) [{ () }]

(९) निर्देशक (Dash) (—)

(१०) योजक (Hyphen) (-)

विवरण :—

ब्रेकेट विषये थुलि भेद सीक्येमा :—

(<) () प्रथम कोष्ठ । (Small bracket)

{ } मध्य कोष्ठ । (Middle bracket)

[] महाकोष्ठ । (Large bracket)

(६) निर्देशक (डश — Dash) तथा योजक (हाई-फन - Hyphen) श्व न्यिगु चिन्ह विषये थुलि भेद दु कि निर्देशक (—) श्व चिन्ह योजक (- Hyphen) या बेसी मतीचा तःहँ जुई निर्देशक चिन्हँ अन्य पदार्थ अथवा वाक्यांशयात निर्देश याई, किन्तु योजक चिन्ह केवल न्यिगु शब्द अथवा एक पंक्ती मन्होंगु अर्द्ध शब्दया संयोग याय्तः वई :—राम-लक्ष्मण । मनु-

व्य

उद्देश्य विषये क्रमप्राप्त छन्दोविचार विषय ।

(Prosody.)

वर्ण तथा शब्दविचार तुल्य वाक्यया नँ क्रमपूर्वक उद्देश-सत्तरण तथा परीक्षा जुई धुंकल, वाक्य विषयक आवश्यक उपदेश वाक्य-प्रकरणे याना वेधुन । आ उद्देश विषये क्रम वोगु छन्द विचार विषये व्याख्यान याब माल ।

धाथें धाय्माल धाःसा श्व छन्दविचार

प्रकरण व्याकरणशास्त्रया मुख्य अङ्ग मखु, संस्कृत व्याकरणे नँ छन्दःशास्त्र अलग जूया नोतिँ महर्षि पिङ्गलँ देकूगु पिङ्गल छन्दःशास्त्र अलग हे जुयाचन । श्व नेपालभाषाव्याकरण शास्त्रे नँ छन्दविचार प्रकरणया समावेश याय् मागु ला मखु, तथापि (अने) नेस्फील्ड आदि अंग्रेजीव्याकरणे श्व छन्दःशास्त्र नँ समावेश याना तःयानोतिँ थुको नँ छन्दः-शास्त्र (Prosody) समावेश याना तथा वियागु दु ।

(१२४)

‘छन्दो विचार’ धयागु श्लोक आदि दय्क्ये वले नियमित यात्रा तथा नियमित अन्तर व्यवस्था याय्गुयात धाई :—

ह्रस्व वर्णयात ‘लघु’ अथवा ‘एकमात्रिक’ धाई, श्वया चिन्ह (।) थथे जुई ।

दीर्घ वर्णयात ‘गुरु’ अथवा द्विमात्रिक धाई

ऐश्वर्य वैभव सदा छिगु शक्ति भारी,

हे शुद्ध बुद्ध भगवान् ! शरणे ब्वना का ॥

थ्व छन्दयात 'वसन्ततिलका' धाई, थ्व

श्लोके (१४) भिप्यंग आखः थुगु प्रकारँ

ह्रस्व दोर्घ क्रमपूर्वक वय्मा :—

वि द्वा न्पि सँ छि त ध या त ल दुः ख हा रो ।

S S । S । । S । । S । S S

थ्व छन्दो विषये थुलि जक संकेत याना

थ्व नेपालभाषा-व्याकरण समाप्त याय्खना,

ग्रन्थ नँ आपालँ बढे जुल, ब्वनीपिन्त नँ

ठाको, अतएव थ्व छन्दोविषये पूर्णरूपँ मेगु

भागे पृथक् व्याख्यान जुईगु जुल ।

